



«Бизин тил» деген жамият къурум
«Абусупиян» деген къумукъ китап изательство

БИЗИН ТИЛ

Къумукъ тилни касбуучуларыны журналы

№ 3
2017

Магъачкъала



ББК – 81 (Кум.)
УДК – 811.512
Б–59

БАШ РЕДАКТОР:

Рашит ГЬАРУНОВ

РЕДКОЛЛЕГИЯ:

Агъарагым СОЛТАНМУРАТОВ
Абдулкерим Сайитов
Гъабийбула АЛХАНГЪАЖИЕВ
Ругъаният МУСАЕВА
Исмайыл ХАНМУРЗАЕВ
Муртазали БАММАТОВ
Супуяханым БИЙБОЛАТОВА
Элмира ИСАЕВА

© Бизин тил, 2017

© Авторы статей, 2017

© Издательство «Абусупиян», 2017

ЖУРНАЛДА БАР

АБД. ГЬАЖИЕВ. Къумукъ тилни йыры 4

ЖАМИЯТ ВА ТИЛ МАСЪАЛА

З. БАТЫРМУРЗАЕВ. Тил масъаласы 5
АБД. ГЬАЖИЕВ. Къумукъ тилни макътайман 6
А. СОЛТАНМУРАТОВ. Алим, педагог ва насиғъатчы 21

ШКОЛАЛАР ВА АНА ТИЛ

С. БИЙБОЛАТОВА. Аналардан гелген бизге айбат тил 24
К. КАЗИМОВ. Тил тизгинибизни бекден тутайыкъ 27

МУАЛЛИМГЕ КЁМЕКГЕ

А. САЙИТОВ. Сочинениелени уьстюнде ишлев 29
Т. ГЬАЖИАГЪМАТОВ. Охувчуланы авуз ва языв тилин оьсдюрюв 32
М. АБУКОВА. Язывчуну биографиясын уйренинвио агъамияты 37
И. КЕРИМОВ. Къумукъ тилни къужурлу грамматикасы 39
Р. БОРАГЪАНОВА. «Кьюшма сёзлер» деген темагъа гёре дарс 45
С. БИЙБОЛАТОВА. Тематикалы планлар 48
А. САЙИТОВ. Къумукъ тилден тергев тестлер 67

АХТАРЫВЛАР

А. СОЛТАНМУРАТОВ. Эт хуртланса, туз себер... 76
И. ГЬАЖИЕВ. Тилни тазалыгъы учун 82
Ю. ИДРИСОВ. Къумукъ топонимика – тарихибизни ачгычы 83
А. МУГУМОВА. «Француз тилде Европада йимик...» 87

АНАДАШ АДАБИЯТ

З. АРСЛАНГЕРЕЕВ. Къумукъ тюз 89
АТКЪАЙ. Тенглешдирмек англавну генглешдирмекдири 90
У. ЖАБРАЙЫЛОВА. Аткъайны... охугъанда 91
М. МИНАТУЛЛАЕВ. Ана тилим десем... 92
Халкъ авуз яратывчулугъуна язылайыкъ! 93

Абдулгъаким ГЬАЖИЕВ,
профессор

Къумукъ тилни йыры

Къумукъ тилим къаршылагъан дюньягъа,
Къумукъ тилим ругъ бере гъар гюн магъа,
Болжаллы гюн, ажжаллы гюн гелгенде,
Къумукъ яслар ёлгъа салар оылгенде.

АЛЫШЫВ (припев):

Къумукъ тилим, къумукъ тил,
Миллионлагъа ювукъ тил,
Элимни эмли тили,
Эдепли, демли тили,
Эсгиленмес эсти тил,
Таза тюрклю тезги тил!

Шумер, киммер, скиф, гунн тиллер тамуру,
Къумукъ элге ортакъ хазар абуру,
Савир, барсил, болгъар, огъуз ва къыпчакъ –
Бу тиллер де болмагъан бизге йыракъ.

АЛЫШЫВ:

Китай бойдан Кипр бойгъа етеген,
Гындустандан Финн бойлагъа элтеген,
Тюрк тиллердир къардаш къумукъ тилиме,
Тюрк эллердир къурдаш къумукъ элиме.

АЛЫШЫВ:

Тюрк, гагавуз, къаракъалпакъ, къарабай,
Азербайжан, узбек, къазах, шор, ногъай,
Кыргыз, башкырт, чуваш, якъут ва татар,
Уйгъур, тюркмен, алтай, тува ва балкъар...

АЛЫШЫВ:

Сёзю ярлы сен ярлы деп айтса да,
Оъзю харлы, хам, яревке сатса да,
Оъзден тилим, сен юз йыллар яшарсан,
Оъзденлеге таянарсан, яшнарсан!



Зайнулабит БАТЫРМУРЗАЕВ,

жамият чалышывчы, язывчы

Тил масъаласы

...Бир милletни милletлигин сакъ-
лайгъан гюч-къурал о милletни тили экен-
лигине туташ дюньядагъы мадани инсан-
ланы тарихлерinden далил-фактлар чыгъ-
арып гөрсөтмек тынч ишдир... Батырлыкъ,
къоччакълыкъ, къагъруманлыкъ булан
халкълар бир-бириндөн айрылмай, о хаси-
ятлар бары халкъда да бола. Милletлени
айырагъан ана тилдир, ана тил милletни
бирикдире. Милletлени айырагъан да,
оланы бирикдиреген де – тил ва адабият...

...Инсанланы яшавуну барышына бу да
узакъ къаршы туруп болмады, гъам болма-
жакъ...

...Тил оъз затында гъам зат! Шогъар
гёре, биз ону топуракъ булан аралаш ту-
рагъан, тазаланмагъан бир маъдангъа, ай-
рокъда, алтынгъа ошатсакъ, ону хасиятла-
рын халкъгъа ачыкъ гөрсөтмеге болурбуз.

Алтын топуракъ булан аралаш турагъ-
анда ону гъеч сыйы ёкъ, ону устьюндөн
таптап юрюйбоз. Муна ону шу топуракъ-
ны ичинден тазалап алыш, ондан акъча ге-
силсе, о дюньягъа пача бола, гъар-бир адам
огъар къуллукъ этсе, о нечакъы адамланы
ачувун чыгъарса да, адамлар ону хатирине
тиймейлер, тек шо топуракъны ичиндеги
алтынны булагай даражагъа чыгъармакъ
учун кёп уллу къурбанлар бермеге, кёп уллу
къастлар этмеге герек бола. Тил де шолай
зат...

...Не заман о тил ишленсе, о тил булан
тюрлю илмулардан китаплар, газетлер
чыкъса, – ондан адабият литература деген
бир зат гъасил бола... Муна шу адабият де-
ген зат да милletни – милletлигин сакъ-
лайгъан гюч-къуралдыр...

«Тангчолпан», октябрь, 1917 йыл.



Абдулгъаким ГЪАЖИЕВ,
профессор, язывчү.

Къумукъ тилим макътайман, тек Бир-бирде ойгъа батып токътайман...

«Къумукъ тилим, къумукъ тил,
Миллионгъа ювукъ тил,
Элимни эмли тили,
Эдепли, демли тили,
Эсгик болмас эсги тил,
Таза тюрклю тезги тил»

Тюрк тиллер дюнъяда шайлы яйылгъан тиллер: М-Г. Акаев (Аллагъа рагъмат этсин!) «Къумукъну тарихи» деген китабында (Хасавюрт. «Абусупиян», 2016. 325-3266.) 45 халкъны ва къавумну эсгере, оланы гъарисини санавун да бере, бары да 200 миллиондан да артыкъ бола. Къумукъланы санаву буса ярым миллиондан да артыкъ. Кёбюсю башгъа халкълар булан тенглешдиргенде (айрокъда Дағъыстандагъы тав халкъланы алсакъ), тюрк тиллер бир-бириндөн онча кёп айырылмагъан, бир-бирине ошашлыгъын аслу гъалда сакълагъан. Чуваш ва якъут (саха) тиллени башгъа тюрк тиллерден шайлы башгъалыкълары бар, оланы айтмасакъ, ювукъ гъисапда 10 процентден 90 процентге ерли сёзлери, масала, къумукълагъа англашила. Къумукъ тилге айрокъда ювукъ тиллер: ногъай, къаракчай-балкъар, къырым татар, караим тиллер.

Оъзлер тюрк тилли тюгюл халкъланы арасында да тюрк тиллер лап да кёп яйылгъан тиллени бириси.

«Неге? Не себепден? Негер кюрчюленип тюрк тиллер шолай болгъан?» – деген сорав турулуна. Олар кёп, мен тюпде оъзюм билеген бир нечелерини гъакъында къысгъаракъ

этип айтайым.

* * *

1) Тюрк тиллер уйиренмеге лап да тынч тиллерден санала, о гъакъда тёбенде бираз генгешдирип айтарман.

2) Къайсы халкъ, къайсы халкъны пачалыгъы, бийлиги, жамааты гъакимиятлыкъны сюре – ондан да кёп зат гъасил бола. Масала, орус ва тюрк тиллерде ортакъ къолланагъан сёзлер XVII-XVIII-нчи асрулардан алда болгъан деп токъташдырыла буса, шо сёзлер аслу гъалда орус тилге тюрк тиллерден гирген, къошуулгъан деп, тамурун-тюбюн илму гёзден ахтарып турмайлы да, шайлы инамлы кюйде айтма болабыз, неге тюгюл, скифлени, къунланы, булгарланы, хазарланы, къыпчакъланы, татар-монголланы, Алтын орданы, къырым татарланы, къумукъ шавхалланы девюрлеринде олар оруслар яшайгъан кёп ерлерде гъакимият сюрюп, ерли халкъны таби, ий (иго) этип тургъан; XVIII-XIX-нчу юзийллардан сонг буса гъал бютюнлей алмашына башлай, шону булан бирче милли тиллеге де аслу гъалда орус сёзлер яда орус тилден таба башгъа миллетлени тиллеринден сёзлер баргъан сайын гючлене туруп гире-къошула юрой.



Айрыча алып, Темиркъазыкъ Кавказны, Дагъыстанны гъакъында сёйлесек де, шолай болуп чыгъя. Масала, хазарланы тарихин ахтаргъан уллу алимлер М. Артамонов, С. Плетнёва ва башгъалары язагъан кюйде, Темиркъазыкъ Кавказда бары да къавумлар, халкълар къатнашагъан тил тюрк-булгар, тюрк-хазар тиллер болгъан (шо тиллер буса лап бырынгъы къумукъ тилни де бир кюрчюсю болгъан), неге тюгюл булгъарлар, хазарлар оъз зор пачалыгъын ва башлагъы тахшагъарларын гъалиги Къумукъ тюзде къургъан (къумукъ халкъны да бир-бир оъзге халкълар булан янаша хазар къакъанлыгъы (каганаты) биринчи пачалыгъы деме ярай), олагъа бу ерлерде чи нечик де, Киевге ерли де халкълар таби, ий болгъанлар.

Яда айрыча Дагъыстанны алайыкъ. Бу бизин уылкебизни аты да тюрк ат экени негъакъ тюгюлнүю эсгерейим: «дагъ» – оғыуз-турк тиллерде, Кавказда – азербайджан тилде «тав» деген сёзю «къардаши», «стан» (пачалыкъ) деген сёз буса иран (фарс) тилден гелген буса да, тюрк тиллеге лап оъзлени сёзю иймик бырынгъы заманлардан тутуп сингип битген (шо сёз бары да дегенлей тюрк пачалыкъланы атларына къошулагъаны, озокъда, негъакъ тюгюл: Тюркестан, Узбекистан, Къазахстан, Татарстан, Башкъортостан ва б.)

Тюриялыш машгъур сиягъатчы (сапарчы) Эвлия Челеби язгъан кюйде, XVII-нчи юз йылда къумукълар Элбрұс бойлагъа ерли яшай болгъанлар, шо гъакъыкъатда гертилей де болгъан экенни бизин фольклорубуз да, топонимлер де, архив документлер де исbat эти. Орус асгерлер ва олар булан бирге гёчюп гелип, къазакъ деген тюрк атны да, кёбюсю адат-къылыхъланы, опуракъланы ва ш. б. алгъан къалмукулар, Къараденгиз бойлардан бу якълагъа гёче башлагъан къабартылар, тавдан тюше башлагъан бир-бир халкълар гюч эти туруп, янгыз къалгъан къу-

мукъ халкъны бир пайы Дагъыстандагъы къумукъланы янына сюрлюге башлай, милли атавлар иймик болуп, гъалиги Моздок ва Борагъан бойлардагъы къумукъларыбыз къала. Тек Таргъу шавхаллар, Эндирий, Яхсай, Кёстек бийлер кёп заманлар оъзлени бийлик еслигин о ерлеге ерли юрютюп тургъан, Темиркъазыкъ Кавказда къумукъ бийлеге аз-кёп къарыв къайтарып болагъан янгыз къабарты бийлер болгъан. Тек къумукъ шавхалланы, бийлени гючю кёп йыллар Дагъыстанда лап абурлу-сыйлы ханлар-бийлер болуп тургъан. Олагъа башгъа миллеттер яшайгъан кёбюсю юртлар, жамаатлар таби болгъанлар, Дагъыстанны бирлешген пачалыкъ къайдада къурувда къумукъ Тарковский шавхалланы аты булан байлавлу, олагъы кёп йылланы узагъында Дагъыстанны Валиси деген ат да негъакъ берилмеген («Вали» деген сёз арап тилден гёчюргенде «ювукъ, дос (Аллагъы)», «сыйлы», «караматлы» (святой) бола. Дагъыстанда буса шо сёзге «Есси» деген маъна да бериле болгъан «Владетель Дагестана». Хазар девюрден та-мур алгъан къумукъ шавхаллар, уллу алимерибиз Сакинат Гъажиева, Расул Магъамматов ва башгъалары язагъан кюйде, Акъсакъ Темир Къумукътюзде этеген къыргъынланы заманында яйгъы яллавда ял алагъан оъзлени еринде (летняя резиденция) Къази-Къумукъда маканлашма токъташалар, сонг тюрлю-турлю себеплеге гёре оъзлени башлагъы тахшагъары Таргъугъа къайталар.

1636-нчы йылда немис сапарчы А. Олеарий булагъ язгъан: «Они (къумукълар – А. Г.) заявляют, что не подвластны ни персидскому шаху, ни великому князю московскому... и не состоят в подданстве ни у кого, кроме Бога».

Тавлардагъы топонимлер де (ерлени, юртланы ва б. атлары), тав халкъланы тиллерин-деги тюрк сёзлени кёплюгю де, тюзлюкде



яшайгъан халкъланы (къумукъланы, ногъайлланы, азербайжанланы, орус къазакъланы) топонимикасында ва сёзлюгүндө буса тав халкъланы тиллери булан байлавлу то-понимлер, башгъа сёзлер ёкъ деме ярайгъанлыкъ да къайсы халкъ не ерде бырынгъы заманлардан берли яшагъанны, къайсы халкъ къайсы халкъгъа кёп таъсир эте гелгенни шексиз маълуматлар болуп бек арив гёрсете.

Савлай Темиркъазыкъ Кавказдагъы халкъланы арасында тюрк тиллерден гелген (Кавказда буса къумукълардан, сонг да къа-рачай-балкъарлардан, ногъайлардан гелген деп айтма болабыз) адат-къылыкъ яда жамиятда, пачалыкъда тутагъан ери булан байлавлу сёзлер неге онча да олай генг күйде яйылгъаны, олагъа да ортакъ сёзлер болуп къалгъаны негъакъ болма күй ёкъ чу: кунак (куначество), казак (казачество), хан (ханство), узден (узденство), аталақъ (аталычество), шамхал (шамхальство), нёгер (нукер), есавул, чанка, эмчек...

Гъатта кёбюсю миллетлени атлары да (эт-нонимлер) тюрк тилден: авар, къабарты, къалмукъ, къумукъ, ногъай, чергес, чечен, къарабулакъ (мычыгъышланы бир тайпасы).

Адамланы тюрктилли атларын чы (антропонимени) айттып битдирме де къыйын, шо сёзлерде къошум сёзлер гысапда къоллангъан сёзлени эсгерип къояйым: хан, бий, бийке (бийке), бек, паша, герей, арслан, тулпар, тав, ай, гюн, мурза, темир, болат, къылыч, гиши, эр, ата, бала, батыр, аскер, къул, къара, акъ, бёрю, улан, къызы, къатын, къой...

Гъар халкъны маданияты (культуrasesы) оыр даражагъа ерли оьсген буса, шо халкъны культуrasesы тёбен даражадагъы халкъгъа этеген таъсири артыкъ бола. Илмуда гёчювчюлокде яшайгъан халкъланы (кочевникленни) культуrasesы бир ерде орунлашып (оседлые земледельцы) яшайгъан халкъланы культуrasesындан, сайки, тёбенде деген пикру

кёп юрюле. Шунда: «Смотря с какой колокольни глядеть», – деген орус айтывдагъы пикру арив къыйыша. Масала, гёчювлюкде яшагъан къыргъызланы «Манас» деген эпосу, ону давам этеген «Сейтек» ва «Сематей» деген бёлюклерин де къошгъанда, миллиондан да артыкъ сатырланы къуршай дейлер. Авуз яратывчулукъда гёнгюндөн яшав сюрюп турагъан шолай эпос дюньяда бир халкъда да ёкъ. Шо эпос къыргъызланы янгызы йыры болуп къалмайлы, оланы музыкасы да, театры да, философиясы да, адат-къылыкъланы ёл-ёрукълары да, насыгъат-васиатлары да болуп токътагъан ва манасчылар («Манасны» айтагъан йырчылар) ону бир нече айланы узагъыда айта болгъанлар. Башгъа тюрк халкъланы да, айрокъда гёчювлючюлокде яшагъанланы (ногъайланы, къазахланы ва б. эпослары айрокъда уллу, оылчевлю, чеберлиги, яшавну, гъакъылыны ва башгъа тюрлю-тюрлю янларын къуршаву ойтесиз гёrmекли.

Бир ерден бир ерге гёчюп турагъан халкълар уллу биналар, къалалар къуруп турмакъны онча маънасы, тарыкълыгъы-гереклиги болмагъан экени англашыла, тек шо халкълар къоллайгъан чатырлар уйлерден де кёбюсю гезиклерде къалышмай болгъанны гъакъында Л. Гумилев арив язгъан.

Тюрк халкъланы барысы да гёчювчюлокде яшагъан ва культура якъдан артда къалып тургъан деген пикру бирдокъда тюз тюгюл экени гъакъда кёpler язгъан. Дағыстанны айрыча алып айтсакъ, къунланы (гунланы, хунланы) гъакъында европалы ва бир-бир кавказлы алимлер бир вагьши, элбузар къавумлар болгъан деп язгъанлар, тек Л. Гумилев, Дағыстанда буса Людмила Гмыря къунлар культурагъа уллу къошум этген деп, демек артда къалгъан халкъ болмагъанны исбат этгенлер. Къунлар артда къалгъан, авам халкъ болгъан буса, Аттила макътанчыкъ



Европаны кёп янын елеме болмас эди, ондан кёп заманлар ойтюп, тюрк-булгъарлар Болгария деген пачалыкъны да къурма бажармас эдилер. Хазар пачалыгъы – къумукълагъа да ортакъ тюрк пачалыкъ, алдын ону пешемей язгъанлар (Б. Рыбаков, И. Иванов ва башгъалары) болса да, И. Артамоновну, Л. Гумилевну, С. Плетневаны, дагъыстанлы М.Гь. Магъамматовну илму ахтарывлары ачыкъдан гёрсетеген кюйде, шо каганатыбыз Гюнчыгъар Европада къурулгъан биринчи герти пачалыкъ болгъан, ону дазулары Евразияны кёп ерлерин къуршай болгъан, ол Византия (Рум), Иран булан бир дос, бир душман болуп, оъзюн тенге-тенг тутуп тургъан, арап елевчюлер булан юз йылдан да артыкъ заман дав этип тургъан, Гюнбатыш Европаны шо елевчюлерден къутгъартгъан, Дагъыстанны, айрокъда тахшагъары Семендерни, тюрлендирген-нюрлендирген...

Амма шо токътавсуз болуп турагъан давлар, пачалыкъны ичинде бола башлагъан татывсузлукълар каганатгъа гюч эте, ол оъзюне таби Эдил (Волга), Киев, Кырым бойла-рына тартыла тура, пачалыкъ гысапда «къартая». Ахырда да, чебер tengлешдири-нию къоллап айтсақъ, къартайгъан ва кёп яралар алгъан арсланкъаплангъа орус князь намарт кюйде оълю яра сала. (XVIII-XIX-нчу юз йылларда миллетчиликни авруву юкъ-гъан орус ахтарывчулар уллу, зор пагымулу шаир А.С. Пушкинге де оланы ялгъан язывлары бир-бирде таъсир этген буса ярай. Дагъы ёгъесе ол: «Как ныне собирается ве-щий Олег отмстить неразумным хазарам...» – деп язмас эди. Куманланы (къыпчакъланы, половецлени) Евразияны аслам пайында гъакимиятлыкъ сюрюп тургъан девюрюнде де (Дешт-и Кыпчакъны заманы) къумукълар оър даражада болгъанлар (о гъакъда Сакинат Гъажиева, Мурат Аджи ва башгъалары арив язгъанлар).

Къумукъ шавхаллыкъны, бийликни гъакъында буса мен оърде эсгердим.

Шо бары да мен оърде эсгерген кёп халкъланы къуршагъан пачалыкъларда къавумланны, халкъланы къатнашагъан тиллери тюрк тиллер ва шоланы арасында бырынгъы къумукъ тил болгъангъа шеклик этме де тюшмей.

Шо гъалны Дагъыстандагъы тав халкълардан чыкъгъан гъалиги алимлени кёбюсю эсгермей оътме къарайлар. Эсгерсе де, нече де сюйсюнмей эстерелер. Дагъыстанда илмуну тили арап ва иран тиллер болгъан деп кёбюсю тамамланып къалалар. Арап тил, гертиден де, бизин илмубузда, бютюнлей культурабызда уллу ва агъамиятлы ер тута гелген, Къыбла Дагъыстанда иран тилни да шайлы агъамиятлы болгъан. Амма шо тиллер аслу гъалда яхши охугъан алимлени, ругъанилени, шаирлени арасында юрюлген, олар буса онча кёп де болмагъан. Шо тиллер булан янаша мунда тюрк тиллер оътесиз генг кюйде яйылып юрюле гелген чи, тюрк тиллер арап илмуну билеген алимлеке де адатлы гъалда ят тиллер болмагъан, простой халкъчи шо тюрк тиллерде язылгъан затны маънасын англай туруп, охума да охуй болгъан (бизде, масала, Къуранны маънасын да англамай, «зубрёжка» этип охуйгъанлар аз болмагъан), йырлама да йырлай болгъан, гъар гюнлюк тарыкъ-герегине гёре кагъыз язып, орус администрациясы булан къатнашма да къатнаша болгъан.

Илмуну гъакъында айрыча алып сёз юрютsek, тарих (история) илму чу Азияны ва Европаны кёп ерлеринде генг кюйде белгили болгъан, эндирайли уллу алим Мугъаммат Аваби Акъташлы (XVI-XVII-нчи асрулар «Тарихи Дербенд-наме» деген тарихни де, динни де, адабиятны да къуршайгъан китабын, Гъасан Оразаев мекенли токъташдыргъан кюйде, алдынгъы къумукъ тилинде



язылгъан чы, сонгъа таба шо асар кёп тилеге гёчюрюлген (бимлейлими яда иш этип яшырымы, нечик алай да, китап башлап кюрчю китап болуп, къумукъ тилде язылгъаны эстериilmей турду, гъали де шону эстермей къойма сюегенлер ёкъ тюгюл).

Тюркияда да, Орта Азияда да, Татарстанда да, оъзге ерлерде де аты айтылгъан уллу къумукъ шаирибиз Умму Камал ортакъ адабият тюрк тилде супулукъ поэзиягъа (сүфийская поэзия) уллу къошумлукъ этген.

Макъалада тюрк (къумукъ) тилде язылгъан бары да асарланы оланы язгъан бары да авторланы гъакъында язма бажарылмай, шо гъакъда мекенли, толу билме сюегенлер Салав Алиев ва Магъаммат-Гъанипа Акаев чыгъаргъан «Асрулар сезе гелген асил сёз» деген ва Бадрутдин Магъамматов чыгъаргъан «Кумыкские писатели XIX-XX вв.» (2014) деген китаплагъа къарама бола.

Тюрк тиллерде, айрыча алыш айтгъанда къумукъ тилде, китаплар болуп чыкъгъан «Дагыр – Зугъра», «Юсуп ва Зулейха», «Лайла – Мажнун», «Денгиз Синдибад», «Бозигит» деген ва башгъа дастанлар, хабарлар, «Молла (Хожа) Насрутдинни гъакъындагъы анекдотлар ва масаллар, оъзге фольклор китапларыбыз Темиркъазыкъ Кавказда кёп халкъланы арасында яйылгъан.

Айтагъаным, Дагыстанда, Темиркъазыкъ Кавказда тюрк тиллер адабият тиллерде болгъан, уъствуюне чагъатай (жагъатай) тил деп, бары да тюрк халкълагъа ортакъ адабият тил де яратылгъан, дин булан байлавлу ва тюрк тилли тюгюл халкъланы арасында да яйылгъан поэзияны бир тюрлюсюне (жанрына) «тюрклер» (турки) деген ат да негъакъ тагъылмагъан.

Халкъланы арасында тюрк тилли фольклор айрокъда кёп яйыла гелген. Масала, Къыбла Дагыстанда яшайгъан тюрк тилли тюгюл халкълар (лезгилер, табасаранлар, ру-

туллар, агуулар, татлар, цахурлар...) кёбюсю гъалда азербайжан тилни де биле болгъанлар, азербайжан йырланы-сарынланы да кёп йырлагъанлар, ашуглукъ (гъашыкълыкъ) саният буса олагъа Азербайжандан гелме башлагъан. Олай демек, мен оърде эстерген дагъысталы халкълар оъзлени тиллеринде чебер асарлар яратмагъан демек болмай – яратгъан, тек уъствуюне азербайжан тилде бек арив асарлар яратгъан, лезгилени арасында айтылагъан кюйде буса лезгили ашуг Агъмат йырчылыкъ ярышда азербайжанлы ашугну да утгъан. Сёз ёругъунда айтайым: даргилени уллу шаири Батырай шолай бир ярышда къумукъча йырлап, бир къумукъ йырчыны утгъан болгъан дейлер. Абдулкъадир Абдуллатипов айтагъан кюйде, къадарлылар тойларында янгыз къумукъ йырланы-сарынланы йырлай болгъанлар; фольклор экспедициямны заманында Чумли (Чумлу) деген дарги юртда бир даргили ногъайланы «Эдиге» эпосундан йырланы ногъай тилде йырлады...

Сакинат Гъажиева, Салав ва Камил Алиевлер, Абдулкъадир Абдуллатипов, Забит Акавов, Гъасан Оразаев, Амирхан Исаев, Магъаммат-Гъанипа Акаев, Гъаракан-Сайит Исмайылов, Гъарун-Рашит Гъюсейнов, Юсуп Идрисов, Багъавутдин Гъажаматов ва б. китапларында ва макъалаларында шо ёрукъда кёп къужурлу ва маъналы маълуматлар берелер.

5) Гъар халкъны оъз еринде турагъанлыгъындан яда башгъа ерлеге гёчегенлигинден, о яда бу къуллукълары, яшавлукъ талаплары болуп, башгъа халкъланы ерлерине барып гелгенлигинден де миллетлени арасында тил, бютюнлей маданият кимден кёп, кимден аз «югъагъанлыкъ», «гёчегенлик» кёбюсю гъасил бола, таъсир эте. Булай гъал бар буса, адатлы гъалда ерли халкъ оър чыгъа, шогъар да бир нече себеп бар, оланы оъзюм

билегенлерин айтайым.

Бириңчилей, гөчүп гелген адамлар кёбю-
сю гезиклерде санав якъдан ерли халкъдан
аз бола, янгыз шо себепни алып къойсакъ да,
орусларда «В чужой монастырь со своим
уставом не ходят» дегенлей, гелгинчилер
ерли халкъны тилин уйрене, ерли халкъны
бютюнлей мадиятына (адат-къылыкъ мер-
дешлерине, йырларына-сарынларына, бий-
ивлерине, гийимлерине ашамлыкъларына ва
б. бойына, «дёне» башлай, эки-уыч наслудан
сонг буса бютюнлей дёнюп де къалалар. Къу-
мукътюз шолайына бир-бир аварланы, мы-
чыгъышланы, даргилени ва башгъаларын
къумукъгъа дёндюрген. Ерли халкъ гелгин-
чилеге дёнюп къалагъан гезиклер де аз
ёлукъмай, масала, гъалиги Къазбек, Гюнбет
районларда аварланы, гъалиги Мычыгъыш
Республикада тюзлюк ва тавтюп бойдагъы
мычыгъышланы, Къадар, Губден Мажалис
бойдагъы даргилени, шолай Темиркъазыкъ
кавказдагъы кёп халкъланы бирлерини къан
тамурларында къумукъ къан да агъагъанны
оланы бирлери, балики, билме де билмейдир.
Тек асиллер етти атасын таныр дегенлей, кё-
плер унутмагъан: масала, венгерли уллу
алим-турколог, профессор Иштван Къонгур
Мандоки, имам Шамил, Арсений ва Андрей
Тарковскийлер ва кёп башгъалар.

Мен къумукъ экенге оyz халкъымны оyr-
ге чюе деп бир-биревлер ойлашмасын учун,
Брокгауз ва Евфон язгъан энциклопедия
сёзлюгюндөн бир гесекни гелтирейим: «...
Как народ более культурный, кумыки всегда
пользовались большим влиянием на сосед-
ние племена». Шо ёрукъда дагъы да кёплөр
язгъан.

Экинчилей, къумукълар, ногъайлар,
азербайжанлар тавгъа иши-къуллугъу, загъ-
мат талаплары болуп, кёп аз баргъан (бир-
бир къумукълар кире алып – извозчиклер
болуп, заманда бир бара болса тюгюл), тюз-

люкдегилеге тарыкъ-герек затланы (тав
емишлени, кажин-хумаланы ва б.) ашлыкъ-
гъа, тузгъа алышдырма яда сатма тавларда
яшайгъанлар оyzлер гелтире болгъанлар.
Сонг да тав халкълагъа къоллама топуракъ-
лары, ишлеме ишлери оyz ерлеринде аз экен-
ге Дагъыстанны, Азербайжанны, Россияны
авлакъларында, бавларында, нап батагъала-
рында, завод фабриклеринде ва башгъа ерле-
ринде ишлеме барма тюше болгъан. Оланы
«Песни отходников» деп шо гъакъда айрыча
йырлары да бар. Шо отходниклер тюрк тил-
лени, сонгъ таба орус тилни де билмесе ба-
жарылмай болгъанны ачып-чечип айтыв
турмаса да англашыла. Тавлу ювукълары-
бызны хатири къалмасын, тюзюн айтса, ола-
ны ата-бабаларыны бирлери алдын тиленме
де геле болгъан, аварларда буса къумукъ тил-
ге «экмекни тили» («язык хлеба») деп де айт-
ыла болгъан; оланы бир-бир юртларында
итлер хапмасын деп садагъачылар алып
юрюйген таякъларын итлер гемире турup,
учун пара-пара этмей турup, олагъа къатын
да алмай болгъан дейлер, «къумукъ тилни де
били» деп багъа берилмек, улангъа къыз геле-
шегенде бир уллу оырлюк санала болгъан деп
де айталар.

Учюнчюлей, тюрк тиллени, къумукъ
тилни уйренме тынчлыгъы. Шо гъакъда
тилде айтарман.

Дёртюнчюлей, оырде эсгерилгенлейин,
тюрк тиллени дюньяда кёп яылгъанлыгъы
ва оланы бир-бирине ювукълугъу.

Тюрк тиллер – уйренмеге, къатнаш-
магъа ажайып тынч тиллер.

Инг башлап сёзлөрдө къолланагъан аваз-
ланы, тавушланы (фонетика) алып къарай-
ыкъ: тюрк тиллерде къолланагъан авазлар
барысы да дегенлей башгъа тиллерде де
къоллана. Демек, шо авазланы-сеслени «аву-
зундан чыгъармакъ» айтмакъ учун оyzге
тиллөрдө сёйлейгенлөгө уйренип, къыйна-



лып турма тюшмей. Тек, «къ», «гъ», «гь», «нг» тутукъ авазлар, «оъ», «уъ», «аъ» созукъ авазлар бир-бир миллетлеге айтма четим тие. Амма къумукъ тилдеги шо авазлар айтып уйренме онча да къыйын тюгюл, айрокъда, тав тиллер булан tengleshdirsek. Шону янгыз биз тюгюлбюз, оруслар да, инглислер де, кёп башгъалар да эс этген. Мени бир аварлы ювугъум масхара-герти булан: «Сен аварча «бакъа» деген сёзни айтма уйренсен, авар тилни уйренип болажакъсан», – дей эди. Яда арап тилни алайыкъ: бизге айтма тиеген нече тюрлю авазы бар! О якъдан алгъанда инглис тил тынч йимик гёрюне, тек олай тюгюл: инче, назик авазлар йимик къулакъга чалынса да, герти инглисли, американлы йимик таза кюйде, акцентсиз сёйлеме уйренмек бу тилде де тынч тюгюл.

Китай тил бизге уйренме нечик къыйын тил экенни шо тилде сёйлейгенн бир керен эшитсе де таманлыкъ эттер. Мен мунда къулакъга чалынагъан ягъындан къайсы тил яхши, къайсы тил яман деп айтагъаным тюгюл, гъар миллетте де оъз тили арив гёрюне, мен мунда тюрк тиллер кёп миллетлеге уйренме шайлы тынч тиллер экенни гъакъында айтаман.

Гъали падежлени (гелишлени) алып къарайыкъ. Масала, табасаран тилде эллими, алтмышмы падежлер бар дейлер. Онча затны уйренемен десе, башы манг болмай къалармы?! Маънасы, күтеген «борчу» гъар якъдан бир йимик гелмесе де, къумукъ ва орус тиллерде бир йимик падежлер алты бар ва сёйлемек, къатнамакъ учун шолар да таманлыкъ этте. Учь падежи булангъы инглис тил буса дюньяда лап да кёп яйылгъан тил болуп токътады.

Магъа ва мени йимик кёплеге къумукъ тилден дарс берген уллу алимибиз Жангиши Хангишиевге мен бир керен: «Къумукъ ва оъзге тюрк тиллени грамматикасыны яхши

янлары кёп, тек къошумчаланы (суффикслени) бирин-бирине къошуп, тагъып-тюйреп дегенлей, къоягъан кюю яхши тюгюл бугъай, кемчилик бугъай», – дедим. Жангиши Магъамматович, оъзюне хас кюйде иржайып: «Къайда, мисал гелтир чи», – деди. «Юртдагъылар», – дедим. «Гъали шо сёзни бираз дагъы да узун этейим, сен шону орус тилде айт чы: «Юртдагъыларданмысыз?», – деди ол. Бираз къыйын болса да, гёчюрдюм: «Вы из тех ли, которые из села?» «Гъона, гёремисен, къумукъча бир сёз булан айтылагъан затны орус тилде айтмакъ учун нече сёз къоллама тюшдю, шо кемчиликми дагъы?» – деп, магъа тюрк тиллени оътесиз онгайлышы бу янын мисал булан арив гёрсетди (илмуда бу къайдагъя «агглютинация» деп айттыла).

Гъали бирдагъы мисал гелтирейим: тюрлю-тюрлю шагъарларда яшайгъан адамланы къумукъ тилде бир къошумчаны (суффиксни) къошуп англата, шо да, (сёздеги созукъ авазлагъа «-лы» гелишип, шо къошумчаны (суффиксни) булат тюрлюлери къоллана: «-ли», «-лу», «-лю»). Масала: Москва – москвали, Тула – туналы, Одесса – одессалы, Магъачкала – магъачкаалы.

Гъали орус тилни алыш къарайыкъ: Москва – москвич, Одесса – одессит, Тула – туляк, Махачкала – махачкалинец... Орус тилле булат гъал тюрлю-тюрлю ренклик къоша, тек четимлик де къошмай тюгюл чю, айрокъда, орус тилни билмейгенлер, тек уйренме сюегенлер учун. Яда алайыкъ кёплюк санав этилекен кюйлени. Къумукъ тилде янгыз бир суффикс къоллана: -лар, (-лер): адам – адамлар, ит – итлер. Орус тиде: человек – люди, животное – животные, собака – собаки, поле – поля...

Тюрк тиллени ва бир-бир башгъа тиллени арасындагъы башгъалыкъланы эркек, тиши ва орта жынслагъа, тайпалагъа (родлагъа) бёлекен грамматика категориясы

(орусча айтгъанда «существительное мужского, женского, среднего рода») тувдурат. Шолай бёлювлер орус, немис ва башгъа тиллерде бар, тюрк тиллерде буса шо грамматика категориясы ёкъ ва шо гъал бу тиллени билме, къоллама шайлары енгиллик тувдурат ва кемчилик нукъсанлыкъ этмей деме ярай.

Яхшы, жан-жанварланы эрекек ва тиши тайпаларын грамматика якъдан бёлмек къыйышывлу геле (кот – кошка, волк – волчица ва ш.б.), тек жансыз затланы да эрекек, тиши яда орта тайлагъа бёлмек гъакъыктатгъа да, гъакъылгъа да къыйышмай чы (масала, стол, буфет, глаз, кафтан – «эрекек тайпагъа» къошула, парта, доска, голова – «тиши тайпагъа», трюмо, ухо, пальто – «ортагъа»).

Булай гъал, масала, орус тилде къоллав якъдан да шайлар четимликлер тувдурат: бир-бир сёзлени къайсы «тайпагъа» къошагъан-гъа башгъа тилде сёйлейгенлер чи нечик де, оруслар оъзлер де бир-бирде къыйнала, масала, йымышакъ тутукъ аваз «ль»-гъа битетен сёзлени: соль, фасоль, свирель ва б. – «тиши тайпада» экенин къыйналмай билип бола, тек толь, пароль, моль ва ш. б. сёзлени «тайпасын» билме орус тилни уйренегенлөгө тынч тюгюл. Булай четимли гъал сёзлени янгызы баш гъарплары къолланып, къысгъартылып этилген сёзлерде айрокъда кёп гёрюн. Масала, КПСС, ООН тыш гёрюнүшүнө, къалибине гёре «эрекек тайпада» йимик гёрюнелер, амма гъар сёзню толу күйде берегенде «тиши тайпада» болуп чыгъа (Коммунистическая партия Советского Союза, Организация Объединённых Наций).

Орус тилни уйренмекни, билмекни, къолламакъыны къыйын, четим янларыны тъактында яза туруп, мен мунда ону ер этме къарамайман, орус тил уйренме, билме лап къыйын тиллени арасына къошулагъаны тъактында кёплөр язгъан; мен орус тилни

кёп бай тил экенин бирдокъда инкар этмеймен, орус тилни бай этеген, бир-бир имканлыкъларына, къайдаларына чы, гъатта, сукъланма да сукъланаман. Масала, тюрк тиллерде къолланмайгъан префиксleni (приставкалыны) къоллав (префиксальное словообразование), кёбюсю гезиклерде буса олар булан бирче постфиксleni (суффикслени) де къоллайгъан къайда (суффиксально-префиксальное словообразование). Шо къайдаланы къоллап, орус тилде бир сёз тамурундан онлар булан саналагъан сёзлер этип бола. Масала, «ход» деген сёзню алсакъ: заход, вход, выход, переход, обход, исход, проход... ва ш.б. Озокъда, гъар тил де шо маъналаны бермек таба, тил ярлы болуп къалмай, тек мен мунда орус тилде арив имканлыкълар да барны гъактында айтаман.

Амма тюрк тиллер яхшы умумилемешдирилген, ишленген, камиллешдирилген, чарлангъан, онча тарыкъ тюгюл йимик затлар ташланылгъан, демек натижада уйренме де, къоллама да шайлары тиши тиллер болуп токътагъан, шо буса бир нече юз йылланы узагъында тюгюл – минг йылланы узагъында болма бола, демек тюрк тиллени тарихини та-мурлары оътесиз теренде. Бир къазикъумукълу лингвист профессор магъа булай деген эди: «Компьютерлер – адамгъа ошаш гелеген роботлар генг күйде онча яйылып, къолланып битмей турагъан вакътилерде, гележекде олар булан инсанча къатнашмакъ, адамны тилин олар «англайгъан» күйде сёйлемек учун къайсы тилни алса, шо тилге «уйиретме» тынч болар деп, алимлер ойлашалар ва тюрк тиллер арив къыйыша деп токъташалар».

«Къумукъ сёзлер чалынса Къумукъ тюзде,
Сесгенип къаардай гъал тыва бизде.
Айып кимде? Аслу гъалда оъзюбюздө».



Тав халкълар тюзлюкге артыкъ кёп гёчюп къалгъанлыкъны заралы – бизин топуракъларыбыздан оздуруп кёп пайлар гелгинчилеге берилгенлик, биз ата-бабаларыбыздан къалгъан кёбюсю ерлеге оъзюбюз ес тюгюллюк, шо тюз де тюз. Амма гёзге онча гёрюнмейген йимик зор зарал да бар: Къумукъ тюзде къумукълар гелгинчилерден аз болуп къалды, сыкъ күйде яшав халкъыбызда кёп ерлерде бузулду. Къызылорт ва Хасавюрт районларда чы янгыз къумукълар яшайгъан юртланы яртысы да къалмагъян. Натижада къумукъ тилге таби гъалда сакъланмакъ учун герекли күйде яшавун сюрме имканлыкълар аз болуп, четимликлер буса гъатдан озуп кёп болуп къалды. Тюзю, гёчюп гелгенлени кёбюсю къумукъ тилни яхши билелер. Масала, Яхсада аварлар ва мычыгъышлар, Ботаюртда (Умашавулда) аварлар, тек гечге таба гелгенлер олай тюгюл. Шо ягъындан алгъанда, Дагъыстанны шагъарларындагъы гъал айрокъда бузукъ, янгыз къумукълагъа тюгюл – бары да дагъыстан халкъгъа, тек тав халкъланы янгыз оъзлени халкълары яшайгъан юртлары тавда сама бар, оланы онда сама тиллерин сакълама тынч – къумукъланы олай юртлары ёкъ чу! Къумукъ тилни билсин деп, гиччи яшланы юртгъа йиберсе де, олар кёбюсю юртлу яшланы да орус тилде сёйлеме муштарлы этип, къайталар. Къумукъланы яртысындан кёп пайы шагъарларда ва шагъар къайдада къурулгъан посёлокларда яшай, демек ана тиллер тас болма имканлы ерлерде яшай. Магъачкъалада школагъа барагъан чагъына етишмеген яшланы 92% ана тилин билмей деп токътшадырылгъан. Абдулкерим Сайитов къумукъ яшланы гъакында бурай маълуматлар бере: 20-25 йыл алда Магъачкъалада школагъа барагъан чагъына етишмеген ва школада охуйгъан яшланы арасында ана тилин билегенлер 30% эди буса, бугюн шо санав эки ке-

рен аз болгъан.

Къумукъ халкъ – эдеп-къылыкъгъа, ёлёрукъга берилген халкъ, шо себепли жыйын-мажлислерде, тюрлю-тюрлю оъзге ёлугъувларда къумукъ тилни билмейген адам арасында бар буса, олар да англасын деп, орус тилде сёйлеме къарайлар. Шо кёбюсю гезиклерде арив де арив. Тарбиясы барлыкъны да гёрсете. Тек оъзюгюз ойлашып къарагъыз: шагъарларда чы нечик де, кёбюсю къумукъ юртларда да миллетлер къошулгъан сонг, къумукълар адамны тувгъан гюнюнден башлап, ону о дюньягъа салагъан гюнюн де къуршап, орус тилде сёйлеп турсунму? Шолай эте турса, ишибизни гъалы не болажакъ? Шо гёчюп гелгенлени арасында къумукъ тилни билегенлери де кёп барны эсгерген эдим. Къумукъланы тилин башгъалары да билсин дагъы. Шо онча къыйын масъала тюгюл чю. Алдын орус ва башгъа миллетли простой халкъ да, (масала, орус къазакълар), язывчулар да, алимлер де, гъатта генераллар да къумукълар булан дослукъ даражада къятнамакъ учун, ерли халкъгъа абур-сый этмек учун къумукълар булан аслу гъалда къумукъча сёйлеме къаст этгенлер. Гъалигилеге не болуп къалгъан? Энни республика, шагъар, район оълчевде кёп санавдагъы къонакълар да чакъырылып оъттерилеген конференциялар, семинарлар, фестивальлар орус тилде юрутсе арив къыйышыжагъы английшила, тек оларда да ана тиллерде де арапаш буса да сёйлемек гери урулма герекмей.

Уллу къумукъ шаириbizни юбилейи оъттерилген кюй эсимден таймай. Зал толгъан къумукълар, тек президиумда олтуруп райондан гелген къумукъ тилни билмейген 2-3 адам бар. Олагъа абур этебиз депми, ярама сююмю (экинчиси деп эсиме геле), нечик алай да къумукъ тилни оъзю яратгъандай билеген, къумукъ поэзияны устасы ва кёплеши устазы болгъан шаирни яратывчулугъу

гъакъда таза къумукъ юртда ерли гъакимлер орус тилде юрютмекни тийишли гёрдюлөр.

Яш тайпалар чы нечик де, шагъарда 50-60 йыллар болагъан адамлар да сёйлейгенде кёбюсю орус сёзлеге аз-маз къумукъ сёзлени къошуп сёйлеп гёргенмен. Олар ону иш этип де этмейдир, ана тилине тергесюзлюкдюр, айсенениликдир, сайки, «культурный человек» болуп гёрюнме сюегенлери де ёкъ тюгюлдюр. Оытген асруну 30-50-нчи йылларында дагъыстанлыланы культура даражасыны оырлюгюн гёrsетеген белгилени бириси орус тилни билмек де болгъан. Гъали орус тилни билмейген ким бар?

Гъали адамны культура даражасы – ойрмю, ерми – ол оyz халкъыны гыйын этеген кююне, ана тилин билеген кююне къарап биле. Шолай биревге ачувум чыгъып, 7-8 йыл алда шулай да язгъан эдим:

«Гъакъылгъа мукъ бир къумукъ

Къумукъгъа къарай сувукъ»

Шулай гъалдан къутулмакъ учун, тилибизни сакъламакъ учун не этме герек экенбиз – ойлашып-бирлешип иш гёрейик!

Илму айтагъан күйде, уллу масъалаланы ишни асувлу даражада күтмек, яшавгъа чыгъармакъ учун, билимни, яратывчулукъну тюрлю-тюрлю янларын, тармакъларын бирлешдирип къоллама тюше (комплексный, системный подход). Тилни сакъламакъ учун да шолайына янашмаса, янгыз ағылю яда садик, школа, яда китаплар, журналлар, газетлер, яда театрлар деп айры-айры этип тутсакъ, иш тийишли даражада алгъа бар-майгъанлыгъын яшав гъали ачыкъдан гёrsетип турат.

«Гючден салгъан гёзню нюрю болмай» деңгелей, яшланы ана тилине, айрокъда уягълюде анасына йимик исиндириме къаст этме герек, урушувлар, талап этивлер буса ана тилинден кюсдюрүп, уъркдюрүп къоймакълыкъ да бар. Бёлелейлерибиз-къакъакълары-

быз, мердешли ойнатывларыбыз, ушанывларыбыз къолланмай деме ярай. Шагъарлы, артдагъы вакътилерде буса бир-бир юртлу яшлар да телевизорлардан, планшетлерден, компьютерлерден гёрген, эшигтен йырланы йырлай, гъатта къумукъ юртланы чебер иш гёреген коллективлерини концертлеринде де янгыз орус йырланы йырлайгъан, орус шиъруланы охуйгъан гезиклер кёп болуп бара. Орус йырлагъа, шиърулагъа къаршылыгъыбыз ёкъ, тек олар ана тилин, йырларын, адабиятын «къувалама» герекмей чи! Шолай гъалгъа ёл береген жаваплы къуллукъчууланны жавапгъа тартма да ихтиярлар берилген, тек шо ихтиярланы бизде къоллап гёrmегенмен. Школаларда къумукъ йырланы-сарынланы билеген муаллимлер къытап къалгъанмы? Яда олар ноталаны охуп болмаймы: Х. Батыргишиев, А. Аскерханов, Къ. Шамасов ва башгъаларыны ноталары да булан йырланы-сарынланы чыгъаргъан чы.

Яшлар мультфильмлөгө къарамагъа айрокъда муштарлы экени белгили. Къумукъ тилде мультиклер чыгъарма харж якъдан да, хас касбу-сынав якъдан да бизин гючюбюз гъалиге чатмайдыр, амма бираз алдагъы вакътиде белгили мультфильмени игитлери-келпетлери дагъыстан тиллеринде сёйлейген күйде этип, гёrsете эдилер, шо кёп пайдалы иш эди, билмеймен, не себепдендир, арт вакътилерде шолай мультфильмлер гёrsетилмей.

Амма А.-П. Салаватовну атындагъы Къумукъ пачалыкъ музыка-драматеатры бу ишге ювукълашагъан, ондан къалышма да къалышмайгъан ишни башлагъан – мен Къурчакъ театрны гъакъында айтаман. Театрны директоруну заместители Салавутдин Мусалаевни, баш художники Наби Бамматов, адабият бёлгююн башчысы Багъавутдин Гъажиевни, театрны кёп артистлерини къасты булан Къумукъ къурчакъ театры бир-нече



спектакльни гъазирлеп де битген. Юртларда гёрсете башлагъан, гёргенлер яшланы сююнген кюон айтып, битдирип болмайлар.

Къумукъ театрда яшлар учун сагънада артистлер ойнайгъан уллу спектакльлер алдан да салынгъан, гъали шо агъамиятлы иш янгырып гелеген йимик гёрюне. Спектакльлени юртларда гёрсете гени, озокъда, бек яхши, тек мен гъалиден 15-20 йыллар алдын Къумукъ театрда къоллангъан кюйню, къайданы эсгерме сюемен: юртлардан яшланы театргъа гелтире эдилер. «Кюлбай» деген спектакльге къарама гелген яшлардан театрны шонча уллу залы толуп къала эди, абзарында, орамда «Газельлер», автобуслар, гиччи машинилер тизилип къала эдилер. Мен язгъан пъесагъа гёре салынгъан экенге айтмайман: ону салгъан режиссёр Биймурза Мантаев тюз аита эди: яшлар уллу прожекторлар береген тюрлю-тюрлю ярыкъланы, айланагъан сагънасын, бай декорацияларын гёрюп, музыканы, тюрлю-тюрлю хас авазланы эшитип, бир ажайып сигърулу дюньягъа чыгъып къалгъан йимик болажакълар, театр деген зат не экенни яхши англажакълар, къумукъ тилни билмейгенлери билегенлеке сукъланажакълар, тилни билме къаражакълар ва, гъасили, натижада театрны гертиден сюеген, ону культура учун уллу маънасын төренден англайгъан наслу оьсежек ва олар гележекде де театрыбызгъа гъакъ юрекден бे-рилген къаравчуларбыз болажакъ. Гъали де шо асил мердешни театрыбыз юрутсе, не-чакъы да яхши, пайдалы болажакъ эди. Озокъда, мунда да харжны масъаласы тувлуна, тек ол онча да олай уллу тюгюл, яшларыбызгъа, къумукъ маданиятыбызгъа болажакъ пайдасы буса уллу.

Магъачкъаладагъы пачалыкъ театрыбызны ролюн макътай туруп, ерли театрларыбызны, маданият уйлерибизни, чебер иш гёреген коллективлерибизни ер этип айтагъ-

аным тюгюл – юртдан башлана ва айрокъда яхши сакълана милли маданиятыбыз, айрыча алып айтгъанда, халкъ йырларыбыз-сарынларыбыз, адатларыбыз, тилибиз... Гъар гюн дегенлей гёрюп турагъан къардаш-къурдашларыны, юртлуларыны бирлерин артистлер, йырчылар болуп, игитлени, жанжаныварланы ролъларын ойнап сагънада гёрсе, къаравчулагъа айрокъда гючлю таъсир эте, шо юрт сагънадан бир-бир пагъмулу уланланы-къызланы уллу инче саниятгъа ёлу ачылып да къала. Масала, мени юртлум, ботаортлу Каабдин Хамавов шолайына башлап, Къумукъ халкъ театрында арив ишледи, Дагъыстанны ат къазангъан артисти болду. Озокъда, оланы барысы да артистлер болуп къалма кюй ёкъ, шо борч да тюгюл, тек олар юртуна, халкъына «жан азыгъын» да берелер. Оъзюм гёрюп билген дагъы да бир масаланы гелтирейим. Школаны охуп битген сонг, мен бираз заман Ботаорт школаны китапханасында заведующий болуп ишледим. Школаны чебер иш гёреген коллективине ёлбашчылыкъ этме де магъя тапшурулду. Бек арив тавушу, артистлик бажарывлулугъу булангъы уланлар-къызлар бар эди, масъала: Яннархан Алибеков (сонг ол илмуланы кандидаты болду, халкъ хозяйствосунда яхши чалышды), Наби Гъажиев (вертолётланы пилоту болду, уланы Элдар гъали къумукъ ва тюрк тиллени илму якъдан ахтара, профессор), Завур Гъажиев (банкланы системасында ишледи), Руслан Болатов (врач болду), Вазирапил Темировну уланы Тимурну пагъмулу йырчы гъисапда Дагъыстанда ким де таныйдыр. Айтагъаным, Каабдин Хамавов йимик оъзлеге касбу гъисапда сайламаса да, олар къумукъ халкъны маданиятын, тилин яхши билеген, багъалайгъан, эл арада абурсый къазангъан адамлар болуп чыкъдылар, башгъалагъа да шо якъдан таъсир этдилер.

Гъали гъар юртда дегенлей арив ишлейген

Маданият уйлери, чебер коллективлери бар, оланы барысын да эсгерме макъалада имканлыкъ ёкъ, озюм билеген бир-еки юртланы эстерип къояйым: Борагъан, Бабаорт, Эндирий, Кёстек, Ботаорт, Къазаныш, Эрпели, Жюнгютей, Къарабудагъент, Къаягент ва башгъалары.

Бу ёрукъдагъы ишлени тюзевлю, асувлу юрютмек учун охув китаплар, сёзлюклер, пособиeler, хрестоматиялар, чебер асарлар тишили даражада ва тиражда чыгъарма гөргөн бизге белгили тюгюл буса ярай, дагъы ёгъесе давну къыйынлы заманында къурулгъан Дагъучупедгиз деген издательствону ёкъ этмес эдилер, сонгъа таба яшлар учунгъу чебер асарланы, сёзлюклени чыкъмай деме ярайгъан гъалгъа салмас эдилер, охув китапланы школалагъа таманлыкъ этмейген савнада ва сийрек чыгъармас эдилер. Къумукъ тилден дарс береген муаллимлени шо гъакъ-да канты кёп бола.

Газетлерибизни, журналларыбызыны гъалы да баргъан сайын къыйынлаша, шогъар да къарамай, олар яшланы унутмайгъаны бек яхши.

Ана тиллер школаларда нечик къыйыкъ-сытылгъанны гъакъында кёп айтыла. Дагъыстан пачалыкъ университетинде буса, харжны экономия этебиз деп, орус-дагъыстан бёлюгүн тозгъан деме ярай, Дагъыстан педуниверситетинде де шо якъдан ишлер тё-бенлеше бара.

Иш янгыз охув китаплар булан, тилге хас күйде багъышлангъан китаплар булан дазуланып къалма тюшмей, комплексный къайданы къоллап, бизин тарихибизни, фольклорубузну, халкъ педагогикабызыны бютюнлей културабызыны ёл-ёрукълу күйде янаша къоллай турма къаст этме тюше. Илмуну, билимни шо тармакъларына багъышлангъан хас китаплар аз буса да, чыгъа, тек муаллимлелеге къолламагъа тынч болагъан күйдеги

пособиeler айрокъда аз чыгъа. Масала, къумукъ тилни, тюрк тиллени шо мен ойрде эсгерген уйренме тынч этеген янларын да дарсда айтса, къумукъ тил Темиркъазыкъ Кавказда тюрлю-тюрлю халкълар бир-бири булан къатнашагъан тил болгъанны эсгерсе, бизин тилибизни XIX-нчу юз йылда Владикаказда, Новочеркасска, Ставропольда, Моздокда, Къызыларкъалада ва башгъаларында бизин тилни уйренме айрыча тергев берме герекликни гъакъында орус пача I Николай указ яза (гъалиги пачалар да ондан уылгю алса, арив болар эди).

Орус ва башгъа миллетли генералланы, чиновниклени, алимлени, шаирлени хыйлылары – аз болсун, кёп болсун – къумукъ тилни билем болгъанлар. Бу ерде мени дарс берив сынавумда болгъан затны айтайым. Педагогика университетни физкультура факультетинде охуйгъан яшлагъа миллетине гёре группалагъа бёлюп, ана тиллерден дарслар юрюле эди, къумукъ группа магъа тапшурлугъан эди. Студентлени арасында бириси къумукъ тилде не буса да ярты-юрту ярмалатып, орус сёзлени къоша туруп, алас-къулас этип сёйлей. Бу яшгъа айрыча тергев берейим деп, къаст этемен, къумукъ тилни осал билегенине айып да этмеймен (шолай шартларда оьсгендир), тек къарайман, бу къумукъ тилни пешемей, ол негер тарыкъдыр, орус тил бар чы деген пикруланы да айта. Артда ачуум чыгъып гетип: «Уял, дагъы болмагъанда, Лермонтовдан, Толстойдан уял!» – дедим. Ол эсер-месер болуп: «Причём здесь они?!» – деп сорай. Ол да, башгъа яшлар да тамашалыкъ этип, тынгладылар: А. Бестужев-Марлинский де, Н. Лермонтов да, Л. Толстой да къумукъ тилни уйренгенлер, билгенлер, белгили орус совет шаир Алексей Марков буса, Тёбен Жюнгютейде охуп, къумукъ тилден дарсланы къумукъ яшлардан да яхши биле болгъан ва биринчи шиъруларын



къумукъ тилде язгъан. Айтагъаным, къумукъланы тарихи, тили ва б. булан арив байлама болагъан шолай кёп маълуматлар бар, тек оланы жыйып-терип муаллимлеке, охувчучу яшлагъа айрыча охув китаплар, пособиелер мен билип гъалиге язылмагъан. Шо китаплар янгыз къумукъ тилни охума кёмек этип токътамажакъ эди – орус, дагъыстан адабиятланы, тарихни, маданиятны охуйгъанда да кёмек этежек эди, охума-билме муштарлы да этежек эди.

Гертиден де, Лермонтовну яратывчулугъун уйренегенде, ону «Бизин заманны игити» («Герой нашего времени») деген романынdagъы Бэла, ону уягълюсюню кюрчюсюне (прототипleri этилип) къумукълар салынгъаны да, романдагъы башгъа игитлер де къумукъ тилде сёйлейгени, Толстойну «Гъажимурат» деген повестинде де шолай болгъанны, Бестужев-Марлинскийни «Аммалатбек» деген повестинде Уллу Бойнакъда (гъалиги Уллубийавулда) яшагъан бий Умалатбек суратлангъаны гъакъында да айтыла, нечик къужурлу, таъсирли болажакъ!

Алда М. Лермонтов дагъы да арив язгъан: ол 1837-нчи йылда ювугъу С. Раевскийге булай язгъан: «Начал учиться по-татарски, язык, который здесь и вообще в Азии необходим, как французский в Европе». Мунда «по-татарски» деген сёзге баянлыкъ берметишилидир. Оруслар ва кёбюсю башгъа европалылар оъзлер башлап таныш болгъан «татар» деген миллет атын (этнонимни) татар тилге тили ошайгъан башгъа халкълагъа да кёбюсю къоллап къоя болгъанлар. Лермонтов Раевскийге кагъызын Кавказдан яза, демек мунда ол уйренме башлагъан тил къумукъ тил болмагъа герек (Лермонтов чебер асарларында къоллагъан къумукъ сёзлер де шону гертилей).

Тилибизни гючюню, дюньяда генг күйде къумукъ тилге ювукъ тиллер яйылгъан-

лыгъыны гъакъында тюрлю-тюрлю хабарлар да бар, масала, шулайы.

Бир мычыгъышлы болгъан, ол оъзюню ана тилинден ва къумукъ тилден къайры бир тилни де билмей болгъан. Уллу Ватан давнун заманында мычыгъышлыланы высылка этгени белгили, бу мычыгъышлыны Къазахстанда ерлештирелер. Онда яшайгъан адамлар булан къатнашмаса, сёйлемесе болмайчы. Бу мычыгъышча сёйлей – къазахлар бир зат да англамайлар; артда къумукъ тилде сама сёйлеп къарайым деп, ол къумукъча сёйлей – бир-бирин шайлы арив англайлар. Арадан заман оътюп, буланы Къыргызстангъа гёчюре – онда да шолай бола. Бу мычыгъыш Узбекистангъа, Тюркменистангъа бара – о республикаларда да къумукъ тил булан къатнаша. Артда мычыгъышлы: «Воллагъ къабурда Мункар-Накир де къумукъ тилде сорав аладыр!» – деп айтгъан дейлер.

Бизин заманда да къумукъ тилни шо якъдан пайдалылыгъы гъакъда оъзлер гёрюп-билип айтагъанлар кёп, масала, гъажгъа баргъанлар. Мени ағылюм де беш керен гъажкъылгъан, ол да булавай аита: Азербайжанда, Иранда, гъатта Иракъда, Сауд-Арапстанда къумукъ тил шайлы кёмек этди, неге тюгюл, олар орус тилни билмей, булар арап тилни билмей, тек о началыкъларда азербайжанлылар, тюрклер, тюркменлер, узбеклер гъатта уйгъурлар кёп бар экен. Ағылюмню къумукъ тилни билмейген къурдашлары шону учун къумукъланы артына тагъыла болгъанлар. Кёп эллени эллеп юрюген Расул Гъамзатов да авар тил бир атавну тили йимик, къумукъ тил буса савлай эллени тили деген пикруну негъакъ айтмагъан.

Арт вакътилерде Гюнбатыш Европагъа багъып да тюрк тиллер дазуларын генглешдире экен, шо гъакъда, масъала: «Европаны тили болуп бара» деген гиччи макъалада айттыла: Тюркияда чыгъагъан «Терджюман»

деген газет билдиригени йимик, тюрк тили, адатлы гъалда, Европаны тили болуп бара. Шо тил гъали Бельгия, Дания, Голландия, Юнанистан (Греция) ва озокъда, Алмания (Германия) йимик уылкелерде ерли тиллерден сонг инг де кёп яйылгъан.

Тюрк тили шолай даражада яйылгъан чы, гъатта мунда юрюлеген ва пачалыкъ статистикагъа алынгъан тиллени сыйрасына гирген ва шолай да артдагъы заманлар Англия, Люксембург йимик уылкелени де «елей» башлагъан.

Демек, тюрк тиллени дюньягъа яйылгъанлыгъыны оылчевлерин гёз алгъа гелтирсем, тюрк тил булан, къумукъ тил булан Европаны, Азияны аслам янын айланып гелме бажарылагъанын англажакъбыз». «Тюрк информ».

Бу ерде гъали мен увакъ-тюек затланы гъакъында сёйлей башладым деп айтажакълар болма имканлы, тек уллу затлар да кёбюсю шо «увакъ-тюекден» башланагъаны белгили.

Алибек Гъажиев (Аллагъа рагъмат этсин!) Хасавюрт районда партияны биринчи секретары болуп ишлейгенде, бир жыйында: «Райкомну бинасыны алдындагъы трафаретге неге къумукъ тилде язылгъан, неге ону тайдырмагъан?» – деп, атын язма эркеклиги етишмей, атын яшырып (анонимный) бирев кагъыз иибере. Тюз сёзни тувра бетине айтып уйренген Алибек Муцалханович булай жавап берген дейлер: «Неге тюгюл, шу район миналды къумукъ район экенге! Хунзах районда шолай языловлар авар тилден тайдырылса, Акъуша районда дарги тилден, Къазикъумукъда – лак тилден, Ахты районда лезги тилден тайдырылса, къумукъ тилден мунда да тайдырылажакъ!». Иш обкомгъа ерли чыгъып, оыр гъакимлер маслагъат этипми, буйрукъ берипми, шо къумукъча язывлуну тайдыртылар – гъона шолай «увакъ» зат да,

«оыр буйрукълар» ала туруп да, «дос болабыз, деп гелип, ес болма къарагъан. Гъалал-гъарам деген асил англавъя, намусгъа-эдепге тебеген, иманы-дини ёкъ бир-биревлер не иш юрютегени ачыкъдан гёрюнүп къалды, демек шо къумукъча язывланы тайдыргъан учун бары балагъ гелди деп гъисаплайман – шо гъал оланы хыялларын-муратларын гёрсетеген бир белги эди.

Булай бирдагъы болгъан иш де эсиме гелди. 60-нчы йылларда Магъачкъалада Пушкинни атындагъы китапхананы абзарына гиреген къапуланы бир янында чырда орус тилде, бирдагъы янында къумукъ тилде шо не китапхана экени язылгъан эди: Къумукъ тюзде ерлешген, оызюне ювукъ гъисапда бир минг беш юз йыллар болагъан, аз айтгъанда, шонча йыллар къумукъ тилде халкъ сёйлейген шагъарыбызда къумукъ тилде де шо ва шогъар ошагъан башгъа язывлар болмакълыгъы тарихи якъдан да, тюзлюк якъдан да арив къыйыша эди. Арадан заман гетип, гёзюме тийип гетди: орусча язылгъан шиша трафарет сав, къумукъчасыны бир бучгъагъы сынгъан. Орусчасы сав къалгъандан сонг, къырыйындагъы къумукъчасы неге сынгъан деп ойлашсам да, иш этип бирев де сындырмагъандыр деп, сынгъанны тайдырып, янгысын салар деп тураман – къайдагъы зат – тайдырып къойдулар.

Бирдагъы «увакъ-тюек» затны гъакъында ювугъум шаир Бадрутдин Магъамматов да, башгъалар да айтып да, оызюм гёрюп де айттайым: школаланы, музейлени кёбюсүндө «Выпускники нашей школы», «Наши герои», «Наши спортсмены» деп ва башгъа шолай язывлар орусча язылгъан – къумукъча сёзлер ёкъму?

Гюреметли охувчуларыбыз, шо «увакъ-тюеклер» булан сизин инжитген бусам да ярай, багъышлап къоюгъуз, бирдагъы бирин эсгерип, тамамлайым: юртгъа гирип гелеген



ерде «Хошгелдигиз!» деп, чыгъагъан еринде «Яхшы ёл!» деген язывлар юрекге де аривие, гёчюп гелегенлер бар буса да, шу юрт къумукъ юрт дегенни англата.

Къумукъ тил олай да, бурай да узакъгъа бармай оължек тил деп, демек ону сакъламакъны маънасы ёкъ деп сёйлейгенлер де ёлугъа. Тюз, «оължек». Тенгирибиз дюньяны, савлай аламны шолай яратгъан, жаны бар затлар чы нечик де, жансыз тамлар-ташлар да «оъле», бизге гъали ярыгъы гелеген юлдузланы да бирлери «оълюп» битген, олар миллиард чакъырым арекде ерлешген, бизге буса ярыгъы гъали етишип туралар.

Тилни гъакъында айтгъанда, къумукъ тил, сай, «оъле тура» деген бош хабарны яйып, янгыз оъз къурсагъын ойлашып, гъакъыкъатда «эшек» («гъама» гъакъылын гёрсетип айланагъанлагъа Аткъай агъав гъалиден кёп йыллар алдын оътесиз арив язгъян:

«Дагъыстанлы Дандамаев
Оылген тиллени тирилте.
Дагъыстанлы бир Гъамаев
Сав тиллеге алгъам эте».

Аткъайны «Тил уйретген тырнавуч» деген сатира шиърусун да кёплөр биледир.

Украина булан Прибалтикада янгы къурулгъан пачалыкълар булан Россияны аралыкълары бузукълашгъангъа аслу себеплени бириси деп, шо пачалыкъларда орус тил къыйыкъсытыла экенлик деп негъакъ айтыламы?

Оъзюню миллетини тилине кёп халкъларда «ана тил» деп де негъакъ айтылмай. Аслу себеби, кюрчюсю – тилни гиччи яш инг башлап оъз анасындан уйренегенлиkdir. Тек бу сёз тагъымгъа бирдагъы башгъа къошум маъна да бериледир: ана йимик аявлу, аркъаятаявлу, сыйлы ва асил тил демекдир. Тилибиз ана булан тенглещирилген сонг, ону булан янаша салынгъан сонг, ана тилни

гъайын этмейгенлеге, немкъорай къарайгъанлагъа, бир-бирде чи гъатта ону сан этмейгенлеге бакъдырып, кёп йыллар алдын бурай дёртлюк язгъан эдим:

«Атам-анам эрте-геч оължек деп,
Оылтурмеге рази болар баланы гёргеменмен.
Ана тилим эрте-геч оължек деп,
Оылтурмеге рази болар балагъланы гёргеменмен».

Гъалиги вакътиде, айрокъда кёп яйылып барагъян «аврув» – айсенилик, немкъорайлыкъ, «магъа не тарыкълыкъ» ва шолагъа ошайгъан адамны ичинден талайгъан башгъа талавлар. Бруно Ясенскийни терен гъакъыллы сёзлерин мунда эсиме гелди:

«Душманлардан къоркъма – олар этсе этежек лап уллу яманлыкъ – олар сени оылтурюп болар; ювукълардан къоркъма – олар этсе этежек лап уллу яманлыкъ – сени сатып болар; гъайсызлардан (равнодушных) къоркъ – олар оылтурмей, сатмай, тек олар пысып туруп, рази бола экенге дюньяда намартлыкълар, оылтурювлөр оымюр сюре». Язывчы, озокъда, шо пикрусун гент умуми маънада айтгъан, тек ону сёзлери тилни масъаласына да къыйышмаймы?!

Гъар наслу да оъзюню халкъыны къысматына жаваплы. Бизин ата-бабаларыбыз бизге оъзден күйде оъз халкъыбызын оыр даражалы гъалын тапшуруп, аманат-васият этип гетген, биз де оланы герти варислери бусакъ, оланы аманатына гъалал бусакъ, оъсюп гелеген наслугъа олар йимик этмеге борчлубуз. Генг билим, терен гъакъыл якъдан аты айттылгъан адамларыбызын сёзлерин унутма ярамай: «Миллетни миллетлигин сакълайгъан гюч, къурал – миллетни тили» (З. Батырмурзаев); «Тюрк тиллени инг де аслии биздедир» (А. Акаев).

Анадаш къумукъ тилибиз аз болса да, бирде азман болмагъан!

Агъарагъим СОЛТАНМУРАТОВ,
Дагъыстан пачалыкъ университетни дагъыстан
халкъларыны адабиятларыны кафедрасыны заведующий,
филология илмуланы кандидаты, доцент

АЛИМ, ПЕДАГОГ ВА НАСИГЬАТЧЫ

(филология илмуланы доктору, профессор Н.Х. Оълмесовну 80 йыллыгъына)

Анадаш къумукъ тилибизни ахтаргъан алимлерибиз аз тюгюл, амма оланы арасында филология илмуланы доктору, профессор Нураммат Хайруллаевич Оълмесов айрыча ерни тутуп геле. Къайсы буса да бир алимни гъакъында сёз чыкъгъанда, кёбюсю гезиклерде ол лайыкълы болгъан илму атлар булан янаша огъар гъукуматны янындан берилген гъюметли атлар да эсгерилмей къалмай. Шо ягъындан алгъанда, Н.Х. Оълмесовну къысматы бираз тамаша: ол оъзюню къаныгъывлу къасты-гъаракаты булан, мангалий тери булан дегенлей бир башлап филология илмуланы кандидаты, доцент, сонг филология илмуланы доктору, профессор деген илму атлагъа ес болса да, огъар Россияны оълчевиондеги чи нечик де, гъатта Республикасыны оълчевиондеги гъюметли ат да берилмеген. Гъакимпавлагъа бир тюрлю ёллар тапмасанг, олагъа ярамасанг, ялынмасанг, бизде шолай атланы алма яманокъ тынч тюгюлю барыбызгъа да белгили. Балики де, Нураммат Хайруллаевич бу тайпа айланышлагъа оъзюню заманын зая этмекни тишили гёрмегендир. Бу масъала – айрыча лакъырны масъаласы, шону гъалиге къюоп турup, биз алимни яшавлукъ ва илму яратывчулукъ ёлун гёзден гечиривге гиришнейик.

Н.Х. Оълмесов Буйнакски районну Ишарты юртунда 1937-нчи йылны март айыны 11-нде муаллим болуп, сонг ёлбашчы къуллукъларда да ишлеген Хайрулланы ағыллюсунде

тувгъан. 1957-нчи йылда Биринчи Буйнакски педагогика училищени охуп битдирген сонг, ол ата юртундагъы етти йыллыкъ школада башлапгъы класланы ва физкультура дарсланы муаллими болуп ишлей. 1963-нчуу йылда Нураммат Хайруллаевич Дагъыстан пачалыкъ университетни филология факультетини орус-дагъыстан бёлюгүндеги охувун къызыл диплом булан тааммалай. Сонг университет яш муаллимни Тёбен Жюнгүтейдеги орта школагъа къумукъ ва орус тиллени, адабиятланы муаллими гъисапда ишлеме бакъдыра. 1968-нчи йылда ол муаллимлени касбусун камиллешдиреген Дагъыстан институтунда (гъалиги билим беривню оъсдюрювюнду Дагъыстан институту) башлапгъы класланы кабинетини методисти болуп чалыша. 1967–76-нчы йылларда Ишарты орта школада къумукъ ва орус тиллени, адабиятланы муаллими, директорну тарбия ишлөгө къарайгъан орунбасары, школаны директору болуп ишлей. 1976-нчи йылда Н.Х. Оълмесов Дагъыстан пачалыкъ университетни дагъыстан тиллерини кафедрасына къумукъ тилден дарс берме чакъырыла.

1981-нчи йылда Нураммат Хайруллаевич, Уфа шагъардагъы Башгъырт пачалыкъ университетинде «Борагъан сёйлев ва ону къумукъ тилни оъзге диалектлери булангъы аралыгъы» деген темагъа багышланган кандидатлыкъ диссертациясын якълап, фи-



логия илмуданы кандидаты деген илму атгъа, 1996-нчы йылда буса Къазан пачалыкъ университетинде «Къумукъ тилни диалект системасын тенглешдирив-тарихи ахтарыв. Фонетика. Морфонология» деген темагъа багъышлангъан докторлукъ диссертациясын устьюнлю күйде якълап, филология илмуданы доктору деген илму атгъа ес бола.

Университетде ишлейген йылланы ичинде Нураммат Хайруллаевич къумукъ тилни практикалы курсундан, гъалиги къумукъ тилден, къумукъ тилни школада юрюююню къайдаларындан (методикасындан), къумукъ тилни тарихинден, стилистикасындан, диалектологиясындан, тюрк тиллени тенглешдирив грамматикасындан, тюркологияягъа гиришивден аслу курсланы ва «Орус ва къумукъ тиллени янаша салыв грамматикасы», «Къумукъ тилни морфологиясы», «Къумукъ тилни диалект системасыны тенглешдирив-тарихи фонетикасы», «Къумукъ тилни ономастикасы», «Къумукъ авуз тилни синтаксиси» деген спецкурслардан лекциялар охуй, студентлени курслукъ ва дипломлукъ ишлерине, аспирантланы диссертацияларына ва шолай да студентлени диалектология ва педагогика практикаларына ёлбашчылыкъ эте. Шо дарсланы ва практикаланы гъарисине гёре ишлик программалар да гъазирлеп чыгъара. Алимни илму ёлбашчылыгъыны тюбюнде къумукъ тилни тюрлю-тюрлю масъалаларына багъышлангъан дёрт кандидатлыкъ диссертация да устьюнлю күйде якълангъан.

Н.Х. Оълмесов – сегиз илму китапны (монографияны) автору: «Къумукъ ва орус тиллени янаша салыв грамматикасы. Фонетика. Ат. Орунча», «Къумукъ тилни фонетикасы (созукъланы системасы)», «Къумукъ тилни морфонологиясы», «Борагъан сёйлев ва ону къумукъ тилни диалектлерини системасын-дагъы ери», «Къумукъ тилни диалект системасын тенглешдирив-тарихи ахтарыв. Фоне-

тика. Морфонология», «Къумукъ ва орус тиллени янаша салыв грамматикасы. Фонетика. Морфология». Ондан къайры да, ол тюрлю-тюрлю йылларда Дагъыстанда, тюрк халкълар яшайгъан республикаларда басма этилип чыкъгъан илму жыйымлагъа гирген 100-ден де артыкъ илму макъаланы, тезисленни автору да дюр. Алим Магъачкъалада, Къазанда, Уфада, Новосибирскиде, Нукусда, Грозныйда, Ташкентде, Нижний Новгородда, Бишкекде, Алма-Атада, Ашхабатда, Майкопда ойтгерилген ерли, уълкени, дюньяны оълчевюндеги илму конференцияларда къумукъ тилни тюрлю-тюрлю масъалаларына багъышлангъан илму докладлар этип сёйлеген. Н.Х. Оълмесов къумукъ тил булан байлавлу чыкъгъан бир нече жыйымлагъа рецензиялар язгъан, редакторлукъ этген, кандидатлакъ ва докторлукъ диссертациялагъа оппонент гъисапда ортакъчылыкъ этген.

Нураммат Хайруллаевич къумукъ тилден орта школалар учунгъу охутув программаланы, китапланы, методика пособиелени гъазирлевде де кёп иш этген. Ол 2-нчи, 3-нчю, 4-нчю класлар учунгъу охутув китаплагъа гёре язылгъан учь методика ишни, дёрт охутув китапны башлапгъы ва оърдеги класлары охувчулары учунгъу диктантланы эки жыйымыны автору; шолар гъариси бир нече керенлер къайтып басмадан чыкъгъан. Байсынаву ва бажарывлугъу булангъы педагог ва методист гъисапда, Н.Х. Оълмесов дайм школалар булангъы тыгъыс байлавлугъун юрююп тургъан: башлапгъы ва оърдеги класларда къумукъ тилден дарс береген муаллимлени дарсларына юрюп, олагъа методика якъдан кёмек этген, оъзю де уългю гъисапда къумукъ тилден ойтесиз къужурлугъу дарслар юрютген, къумукъ тилни школада юрюююн (методикасыны) тюрлю-тюрлю масъалаларына багъышлангъан илму конференцияларда ортакъчылыкъ этген, Билим беривню оъсдюрююн Дагъыстан институ-

туна касбусун камиллешдирме гелген муаллимлени алдына чыгъып сёйлеген.

2003-нчюй йылда Н.Х. Оълмесовну сиптегилиги ва гъаракаты булан оъзю ишлейген Дагъыстан пачалыкъ университетде тюрк тиллени кафедрасы ачыла; 2009-нчюй йыл болгъунча ол шо кафедрагъя ёлбашчылыкъ этип чалыша. Кафедрагъя ёлбашчылыкъ этеген йылларында Нураммат Хайруллаевич къумукъланы оъзге тюрк тилли халкълар булангъы илму аралыкъларын беклешдирмекни, республикабызыда яшайгъян къумукъ, ногъай ва азербайжан халкъланы ана тиллерден касбучуларын гъазирлевде къаныгъывлу күйде гъайын этип иш гёре. Бир вакътиде бек педагогика ва методика сынаву булангъы Н.Х. Оълмесовгъя кёп йылланы узагъында оъзю ишлеп турагъан факультетдеги методика комиссиягъя ёлбашчылыкъ этилмек де тапшурула. Шо жаваплы ишин юрюте туруп, ол факультетдеги дарс беривчюлени арасында алдынлы, янгы дарс юрютюв къайдаланы яйывда, яш дарс беривчюлөгө педагогика, методика кёмекни болдурувда шайлы къошумун эте.

Нураммат Хайруллаевични университетдеги студентлер булан ишлейген къайдасы гъакъында айрыча айтма тюше. Педагогну гъаракатыны бу янын мен – бу макъаланы автору – биревлерден англап-эшигитип тюгюл, ону алдында беш йыл охугъян студент гъисапда билемен. Нураммат Хайруллаевич оъзюне хас болгъян дарс юрютюв къайдалары (методикасы) булангъы педагог эди. Ол студентлени тилин оъсдюрювге, сёз байлыгъын артдырывғъя айрокъда кёп тергев бакъдыра эди. Ачыкъ этип айтгъанда, гъар студентни ону лекцияларын язагъян тептерлери булан янаша хас тептерлери де бола эди. Шо тептерлеге Нураммат Хайруллаевич студентлелеге оъзлер яшайгъян юртлардагы ерлени атларын, адамлагъя, жанжанываргъя тагъылагъян атланы, оъсюмлюклени атларын ва тилибизни шолай оъзге къатлавларындан сёзлени жыйидыра эди. Биринчи курсда башланагъян шо иш охувубуз

тамамланагъан бешинчи курсну ахырына таба шайлы оълчевдеги тептерлеге айланып къала эди. Шо тептерлеге жыйылгъян материаллар ахырда да студентлени илму ишлеринде (курслукъ ва дипломлукъ), аспирантланы кандидатлыкъ диссертацияларында пайдаландырыла эди.

Н.Х. Оълмесовну илму гъаракаты янгыз къумукъ тилни дазулары булан тамамланып къалмагъян. Ол къумукъ язывчуларыбызыны асарларыны тили, поэтикасы булан байлавлу бир нече илму макъалалар да язгъян, шоланы бирлери газетлериbizни, журналларыбызыны бетлеринде чыкъгъян. 2010-нчюй йылда алимни «Къумукъ язывчуланы тили ва поэтикасы» деген китабы басмадан чыгъя. Эсгерилген китабында алим тюрлю-тюрлю девюрлерде чалышгъян 14 къумукъ язывчуну (Аяв Акавовну, Ибрағым Керимовну, Зарипат Атаеваны, Микаил Абуковну, Акъай Акъаевни, Патимат Абукованы, Салав Алиевни, Магъаммат Атабаевни, Абзайдин Гъамитовну, Агъмат Жачаевни, Бадрутдин Магъамматовну, Шейит-Ханум Алишеваны, Супиянат Мамаеваны, Альпият Закавованы) яратывчулукъларыны, айры-айры асарларыны чеберлик аламатларына, тилине, сёз байлыгъына, диалект аламатларына ва оъзге масъалаларына къыймат берип сёйлей. Алим бу илму ишинде эсгерилген язывчуланы гъарисине хас болгъян аламатларын гёздөн гечиргендөн къайры да, анадаш къумукъ тилибизни оъсюв ёлу, гъалиги девюрю булан байлавлу кёп-кёп умуми масъаланы да къуршап сёйлеп бажаргъян.

Нураммат Хайруллаевични илму ёлунда гёз алгъя тутгъан дагъы да кёп асил умутлары, хыяллары бар эди, амма бир гесек алда – 2014-нчюй йылда ол арабыздан гетди, герти дюньягъя гёчдю. Алим, педагог, насыгъатчы, филология илмуларын доктору, профессор Н.Х. Оълмесов къумукъ, тюркология илму тармакъларына шайлы къошумун этгенликтеге, илму ёлунда хас гызыз къюоп гетгенликтеге шеклик ёкъ.



Супуяханым БИЙБОЛАТОВА,
Кёстек, ана тил ва адабият
дарсланы муаллими.

Аналардан гелген бизге айбат тил

— деген Анвар Гъажиев оъзюню ана тили къумукъ тилни гъакъында. Барлакъ оту тюгюл, балжибин жыйгъан бал оъзю де ана тилинг болмаса, татыву болар деп эсиме гелмей.

Бизин ана тилибизни башгъа дагъыстан тиллерден айырагъан белгилери бар: биринчи, ону уйренме тынчлыгъы; экинчи, бу тил тюрк тамурлу тиллерден экенге кёп тиллеге ошайгъанлыгъы. Эки де белги бир-бирине тыгъыс байлангъан. Тюрк тилден гелген тамур сёзлер кёбюсю тиллени ичинде де къолланагъанлыкъ, кёбюсю ерлени, сувланы ва башгъа объектлени къумукъ (тюрк) тамурлары барлыкъ – булар бары да къумукъ тилни бизин якъларда халкъ арада инг де абуру барына шагъатлыкъ эте.

Къумукъ тилни булай имканлыкъларын яхши билеген Биринчи Николай пача 1829-нчу йылда чыкъгъан оъзюню указында Новочеркасскидеги, Ставропольдагъы гимназияларда, Моздокдагъы, Георгиевскидеги, Къызылдардагъы уезд училищелерде къумукъ тилден дарслар болсун деп буюргъан. Тбилиси ва Аштархан шагъарланы охув ожакъларында буса къумукъ дарслар дагъы да алда юрюлме башлагъаны белгили. Биринчи Николай пачаны къумукъ тилге булай агъамият бермеклиги – къумукъ тил Темиркъазыкъ Кавказны кёбюсю халкъларына англашылагъанлыгъы болгъан. Пачаны башында орус политиканы халкъ арагъа шу тилде яймагъа тынч деген ой болгъан.

1848-нчи йылда Тимофей Никитыч Ма

каровну «Татарская грамматика кавказского наречия» деген китабы чыгъа. Бу китап къумукъ тилни айланасында кёп тюрлю ойланы тувдургъан китап. Оъзю орус буса да, Новочеркасскидеги гимназияда 8 йылны узагъында къумукъ тилден дарслар берип тургъан (1851 – 1858) Макаров къумукъланы гъакъында булай яза: «Татар (турк) тиллерде сёйлейген къавумланы арасында къумукълар, тилини токъташгъанлыгъы ва дуруслугъу якъдан да, европа цивилизациясына ювукълугъу якъдан да барындан да артыкъ кепиме гелди. Кавказдагъы асгеребиз токътагъан бойну сол къанатында яшайгъан бары да къавумлар къумукъ тилде сёйлейгенликни айрыча эсгермеге сюемен».

19-нчу асруну биринчи яртысындан турут къумукъ тилге онча агъамият берилип гелсе де, бизин девюрюбүздө гъал бюсбютюнлей алышынгъан десем ялгъан болмас бугъай. Шогъар талчыгъып мен бир нече йыллар алда шулай шиъру да язгъанман:

Ана тилим, теренинге чомулуп,
Тарихингни ахтармагъа сюемен.
Къумукъ деген нечев русгъа айланып
Барагъангъа ичим янып, гюемен.

Къумукъ тилни къорумагъа герекли
Яшынг, уллунг якъ-якълагъа чачыла.
Ер юзюндөн сен ёкъ болуп къалар деп,
Нече гечем, гюнюм гете талчыгъа.

Шагъарлагъа гёчсе, сени сан этмей,
Рус, ингилис, немис тиллер сайланана.



Ана тилин аямагъа гереклер

Тыш уылкелер тиллерине байланы.
Къумукъ тилде кемий бара дарслар да,
Ондан эсе ингилис тил къолай деп.
Дюнья шаргъа болажакъ дей шо тил ес,
Къайда барсанг, ингилисче англай деп.

Унугталар къумукъ тил де бир заман
Халкъ арада ортакъ тили болгъанны.
Аресейни башын тутгъан началар
Къумукъ тилде нече кагъыз алгъанны.

Унугталар Кавказ элде охувлар
Къумукъ тилде юрюлгенин бир заман.
Къайтартмагъа кюй буса эди гене де
Шо гюнлени Къумугъума, гъай аман.

Тек мени бир затгъа инанывум артса тюгүл, кемимей: о да – ана тилин гертиден сюегенлер кемимейгени. Къумукъ тилде чыгъягъан «Ёлдаш» ва гъар районну ерли газетлери, «Тангчолпан» журналны, «Дагъыстанлы къатынны» халкъ бек сююп охуй.

Мен гетген йыл бир нече гюнлөр Магъач-къалада болдум. Къардашларымны «Ёлдаш» газетни гөзлөйген кюю, ону алгъанда юзлери яшгъарып гетгени; эр де, къатын да биринден бири тартып газетни охугъаны бек кепи-ме гелди. Охув булан бир аралыгты ёкъ булар, шу күйде гъаман да газетни аявлу къонакъ йимик къаршылаймы экен деп шеклик этип:

– Тайбат, газетте гъар заман языламысыз, охуймусуз? – деп сорадым.

– Жаным (ат яшырып магъа такъгъан аты), бириси йыл Гиччи амайынг заманында газетте язылмай къалып, газетни язылгъанлардан алып охуп тургъанбыз. Дагъы чы охатаны къайдан этейик хари, – дей.

Оъзлер газетлени нечик сююп охуйгъанын исбат этме:

– Къара, жаным, сени макъалаларынг булангъыларын, танышланы гъакъында языл-

гъанларын, муна, алып жыйып, къайтып-къайтып охуйбуз... Гиччи амайынгдан да бек мен Кёстекге къайтмагъа сюемен. Къумукъ тилни, къумукъ тилде сёйлейгенлени сагъынаман. Ким олтуруп тынглар эди жавгъар йимик тёгюлөген тилибизге деп эсиме геле. Айып этме, мунда да ювукъда къумукълар бар, аралыкъларыбыз арив, сёйлеме де сёйлейбиз. Тек... тоюп болмайман. Жаным, сени булан гечелени юхламай сёйлейген лакъырларыбыз къулагъыма чалынып гете, – дей.

– Тайбат, яшлар да сизин йимик сюеми газетлени, журналланы, уйде яшлагъа къумукъча сёйлеймисиз? – деп сорайман.

– Волллагы, жаным, гертисин айтсам, уйде чи сёйлей эдик. Амма уйден тышда къайда сёйлесинлер! Садикде орус тил, школада орус тил. Майминатым чы къумукъ дарсларын арив биле, тек Ислам чы орусча кёп сёйлей, – деп кюстюне.

Сонг бети ярыкъланып:

– Билемисен, жаным, Ирайгъанатны уланы (бу къызыны уланын айта), къумукъ шиъру охуп, конкурсда биринчи ерни алды. Сени китабынгдан шиъру уйретген эдик, ананы гъакъында, – дей.

Тилни сюегенлер шагъарда яшайгъан къумукъланы арасында да аз тюгүл. Тек артдагъы йылланы политикасы негер бакъдырылгъан буса да, ана тилни гертилей де оырге салагъанны гъайында тюгүл.

Эки йыл алда тогъузунчу класларда ана тилден яшлар экзамен бере эди. Гетген охув йылда эки класым бар экзамен берме герекли. Устьюне тюшүп, охув йылны башындан билетлеге гёре де, компьютерден тестлелеге гёре де яшларымны экзаменге онгараман. Завучну, башгъа муаллимлени чакъырып, яшланы арив ишлейгенинден сююндюремен. Район ва республика олимпиадаларда биринчи ерлер алгъанындан сююнюп не этегенимни билмеймен. (Тогъунчу класдан Бек-



мурзаева Марзият адабиятдан республикада биринчи ерни алды, ана тилден Хожаева Зарема районда биринчи ерни алды). Бираздан завуч чакъырып:

– Билемисиз, Супуяханым Гъасановна, къумукъ тилден, тарих ва инглис дарслардан экзаменлер тайгъан. Бары гючню янгыз орус тилге ва математикагъа салма герек, – дей.

Яхшы, мен чи ону англайым, яшлагъа нечик англатма герек тилибиз биревге де тарыкъ тюгюл экенни?! Эгер тарыкъ буса, къайда, бу йыл да ёкъ чу ана тилде тогъузунчуда экзамен.

Бир затны тюзлейбиз деп, яшланы ана тилине бакъгъан сююнүне шулай тогъас салма ярайгъан затмы? Мен къоркъагъан зат, онунчугъа гелгенде шо яшлар ана тилин сан этмес деп талчыгъа эдим. Шюкюр Тенгирииме, яшлар тилни ва адабиятны дагъыдан да бек сюйсе тюгюл, кем сюймей.

Бир гюн онунчу класны дарсына гелген завуч (о оъзю – биолог), дарсдан чыкъгъанда булавай деди (о айтгъан күйде, орусча беремен сёзлерин):

– Супуяханым Гасановна, я Вам завидую белой завистью. Как дети хорошо знают родную литературу, знают историю каждого произведения, связывают проходимый материал с другими предметами. Просто завидно. И я стараюсь, вон из кожи лезу, но нет, у меня так не получается, – деп кюстюндю.

Ана тилин сюйдюроп болмасам, ону төренине яшланы тюшюндюроп болмасам, менден не муаллим болсун, къаст этемен. Амма шу күйде йылдан-йыл «бары да атылағъан тюбек ана тилге атылса», мен де мени йимик юзлер булангъы ана тилинден оър дарражада дарс береген муаллимлер де не этип болажакъ?

Ана тилибиз бизин Аллагъ берген байлыгъыбыз. Оъзюбюзю къазангъан малыбызгъа бирев ес болма сюйсе, эпсиз къайрат-

лы күйде давлашабыз, амма тилибизни къолубуздан чыгъарып алма турагъаны гёрюп къайнашагъанлар аз.

Артсыз-алсыз акъубалар къопса да,
Ана тилим булан амал этермен.
Анам берген ана тилим сав чакъы,
Абдырап, мен акъ байракъны гёттермен,

– дей Агъмат Жачаев оъзюю «Ана тил» деген шиърусунда. Бизге, «къумукъ тилин анасындей сюеген» къумукъ халкъгъа, гертилей де, «абдырап, акъ байракъны гёттерме» тюшмей. Биз тилибиз булан оъктем болуп, ону жавгъар сёзлеринден пайдаланып, инжини торлайгъандай сатырлагъа тизип, дуа охуйгъандай ангындан сююнүп турмагъа герекбиз.

Йигирма биринчи чилледе (февральда) – бизин сыйлы байрамыбыз. Ана тиллени Гюню. Къой гъар йыл шо байрамны биз гертиден де тилибизни гъайын этип къаршылайыкъ. Ону абурун-сыйын янгыз къычырыкълы сёзлер булан тюгюл, герти күйде уьстюне тюшюп: школада дарсланы ана тиллерден кемитмейген күйде; садиклерде де бир тилде сёйлейген яшланы ана тилинде сёйлемеге имканлыгъы болардай шартлар къуруп; ЕГЭ-лени бириң ана тилден берердей, гючю чатагъанлар къарап, къаршылайыкъ. Бизин гележегибиз – яшлар. Бизин дөвюрню адамлары оългенде, ана тилибиз оъллеген күй болмасын!

Аявлу къумукъ халкъым! Тюрк тамурлары бай тилибизни тамуру къурумасын, чечекли талаланы гюллери, халталарыны, къалын агъачлыкъланы тереклерини атларын къумукъ оъз тилинде сююп къөллайгъан күйде гъаллар гелсин. Тил аздыргъанлардан болмайыкъ, ону бай этме гъарибиз оъз гючюбюз булан чалышайыкъ.



Казим КАЗИМОВ,

«Халкъны сеси» деген Бүйнакси район
газетни редактору, мualлим, Капиркъумукъ

Тил тизгинибизни бекден тутайыкъ

Тюнегюн-бирисигүн ярыкъ дюньгъя яралып, бугюн оьсюп-торайып гелеген яш уланлагъа, къызлагъа ана тилибизни сют татывун тамдырып да, сюювюн сингдирип де болагъан башлап ата-аналар, сонг мualлимлер болуп токътай. Эсли наслулар аявлап жыйып, юрютүп, сакълап, оьсдюрюп бизге тапшургъан сыйлы тил савгъатны тас этип къоймакъдан уллу гюнагъ болмас. О бизин ругъ байлыгъыбыз да, жан азыгъыбыз да дюр.

Бугюнлерде гёрюп турагъаныбыз иймик, кёбюсю шагъар ва юрт ағылюлерде ата-аналар чы нечик де, оланы гиччи-уллу авлетлери де бир-бири булан янгыз орус тилде тюгюл сёйлемейлер. Бир тайпалар чы, ана къумукъ тил бизге уйден, орамдан къыргъа абат басгъандокъ да герекли къурал тюгюл деп, алданокъ сан да этмейли сёйлеп де юрой.

Бизин республикада эки тюрлю милдетни вакиллери къошуулуп уй-ожакъ къургъан ағылюлер де аз тюгюл. Кёбюсю шолай ағылюлерде орус тил аслу гъакълашыв къурал болуп да токътай.

Ана тилни теренден яшлагъа уйретивню, оланы юреклерине, къанына сингдиривню аслу борчу мualлимлени бойнунда къала.

Мualлим оъзюнду дарсларын болгъан чакъы къужурлу, таъсири этип къурмагъа, ачыкъ англашылагъан тил булан юротмеге, гъар охувчуну гъакъылын-оюн къуршап ба-

жармаса болмай. Дарс англатаман деп айтып, хабарлап, охутуп, яздырып чыкъгъандан гъеч асуv болмай. Яшланы гъарисине оъзтөрече янашып, бирине чебер охутуп, башгъасын доскада яздырып, уьчюнчюсюне гёнгюндөн айтдырып, сав класны тергевюн къуршама тюше. Дарсны ичинде оъзю ойлашып чыгъаргъан, яда алдан берли къолланагъан оюнланы, тамаша уьчешивлени, че

чеген ёммакъланы, айтывланы, такъмакъланы, суратланы болгъан чакъы кёп къолласа пайдалы. Бу ишде жагъ кюйде ортакъчылыкъ этеген охувчуланы да шабагъатлай турма тюше.

Класдан тышда оътгерилеген охув-тарбиялав чаралар, бир темагъа байлавлу ачыкъ дарслар, табиатгъа сапарлар, тарихи ерлеке барыв, театр, саният ишлеке къуршалыв ана тилни яшланы оюна-юрегине сингдиривню оъзеги иймик затлар.

Гезикли дарсны аслу мурадын гёз алгъа тутуп, ону оюн къайдада таъсирили ва къужурлу оътгермекни терен маънасы бар.

Ана тилибизни инжи-жавъар сёзлери, айтывлар, аталар сёзлери, сарынлар-такъмакълар-йырлар, хабарлар-ёммакълар яшланы янында кёп такрарлана турса, эсинде де къалыр, бютюн яшавуна да уългю болур. Яшланы алдында мualлим оъзю гёнгюндөн чыгъарагъан яда эсинде сакълагъан болуп эсти иgitlik йырланы, эдепни, намусну, къылышыны гъакъындагъы сатырланы та-



краплап, яшлагъа да уйрете турса пайдалы. Чакъ-чакъда яшланы ана тилинде там газет чыгъарып ишге къуршама, ойлашып хабар яздырма да герек.

Школаларда предметлени гезигине тергев берсөнг, ана тил дарслар аслу гъалда ахырынчы салынагъанын гёрежексен. Шолай болма герекмей. Неге десегиз, яшлар башлапгъы дёрт дарсдан моюп-къавшалып чыгъа, муаллим не айтагъанны да англамай къалма бола. Программада о дарслагъа булавай да гъатдан озуп аз сагъатлар гёрсетилген. Ана тилни «Заманда бир-чакъ-чакъда дегенлей» аз эшитеген охувчулардан дагъы не билимлер къаравуллама болабыз дагъы?

Кимлер не деп аита турса да, биз, къумукълар оыз ана тилибизни сакълап, миллет гысапда оыр болма сюе бусакъ – бу оырчген, къан булан къатышгъан, жан булан бириккен масъалагъа енгил, уъстденсув, бир болса да, болмаса да ярайгъан заттъя йимик немкъорай, пешемей къарамагъа ва янашмагъа

герекмейбиз. Тилин тас этген миллетден не милlet бола?

Тилни теренден билмек учун буса гъар ағылюде, ожакъда инг алда сёйлевге, тарбия беривге, къылыкъ уйретивге, милли хасијатланы, адатланы, мердешлени тюз юрютүвге тергев бакъдырылса онглудур. Бир сёз булан англатсакъ, тарбиялав болма тюше.

Минг йыллар алдан берли чарлана-кюйлене-топлана гелген сүтдей акъ, балшербетдей татли, анадай аявлу, атадай къайратлы тилибизни бугюн тас этсек, гележегибизге не бет булан къаарбыз?

Бизин къумукъ – Ана тилибизни байлыгъын, теренлигин, генглигин, уллуулугъун гъали буссагъатда да кёбюсю алимлер де ачып-чечип битмеген. Гелигиз, яшлар, муаллимлер ва мен къумукъман деген гъар адам бир болуп, тилибизни хадирин билейик, огъар гьюрмет булан янашайыкъ, ону сигърулу сырларын сав дюньягъа ачайыкълар.

Сочинениелени устьюнде ишлев (къысгъа методика гёрсетивлер)

Сочинениелер – школада ана тил ва адабият дарсларда къолланагъан яратывчулукъ ишлени арасында лап да агъамиятлысы. Олар изложениелер булан тенглешдиргенде артыкъ даражада ойзашына этилеген яратывчулукъ иш гысаплана. Охувчулар, сочинениеге тъазирлене туруп, ойзлер устьюнде ишлек жаңылар материалны гъакъында гъаракат этип ойлаша: нени язажакъны, къайсы сёзлени къоллажакъны, нечик жумлалар къуражакъны, къайсы грамматика къайдаланы къоллажакъны белгилей. Сочинениени устьюнде ишлев яшлагъа яшавну, гъакъыкъатны ойзтёре чече гёрмеге, ойзлени ич яшавун сезмеге кёмек эте. Шону кёп уллу тарбиялав маънасы бар.

Программагъа гёре гъар класда шулай сочинениелер ойтгериле.

5-нчи клас: сюжет суратлагъа гёре, айлана якъдан хабар сочинение,

айры-айры предметлени, гъайванланы, күшланы суратлав сочинениелер;

6-нчы клас: ойзю гёргенни, эшитгенни гъакъында хабар сочинение,

суратлагъа гёре пейзажны суратлав сочинение; охулгъан асаргъа, айлана якъдагъы гъакъыкъатны гъакъында, яшав хабарлагъа гёре ойлав (пикир этив) сочинение;

7-нчи клас: башы яда ахыры сюжетни кюрчюсөндө берилген хабар сочинение; ойз тергевлерине гёре адамны уист гёрюнюшюн суратлав сочинение; юрт ягъаны, юртну гёрюнюшюн шатъарны гёрюнюшю булан тенглешдирив суратлав сочинение; къайсы буса да бир ишни суратлав сочинение.

Бу сочинениелини кёбюсю эссе жанргъа гире.

Эсгерилген журалы сочинениелер, бираз теренлещдирилип, 8-9, 10-11 класларда да юрюле, амма бу класларда аслу гъалда чебер асарланы охув булан байлавлу сочинениелеге аслу агъамият бериле: баш ва экинчи даражалы игитлени келпетлев, асил, къоччакъ ва осал, абурсуз игитлени тенглешдирив сочинениелер, авторну ич яшавун суратлав, асарны идея – тематикасы булан байлавлу сочинениелер ва ш. б. Шо себепден сочинениелер – школада ана тил ва адабият дарсларда къолланагъан яратывчулукъ ишлени арасында лап да аслуларындан бириси болуп токттай.

Сочинениелер не муратда этилегенине гёре уйретив ва тергев, ерине гёре класдагъы ва уйдеги деп бёлюне. Муаллим, класдагъы яшланы билимлерин, бажарывлукъларын гёзалгъа тутуп, не заман, нечик ва нече сочинение ойтгермегерекни ойзютокъташдыра (йылда бир класда санаву дёртден кем болмайгъан күйде; класда язмакъ учун заманы – 15 минутдан 2 сагъатгъа ерли).

Сочинениелеге материаллар болуп яшланы ойз сынавлары, айлана яшавгъа къаравлары, киноланы, охугъан китапланы хабарлары болмагъа бола. Шу ягъындан алгъанда сочинениелер хабарына гёре уич бёлюкге бёлюне:

- 1) ойз тергевлерини кюрчюсөндө;
- 2) суратгъа гёре;
- 3) чебер яда фольклор асарны охув булан байлавлу.

9-11 класларда охувчулар ойзлени гележек касбусун тангламагъа башлай. Бу ишде олагъа муаллимлер, ата-аналар, уллулар кёмек этмеге герек. Къумукъ тилни сюегенлер, гележекде ойзюни яшавун тилни ва адабиятны



уйренивге багъышлама сюеген охувчулар булан айрыча ишлер юрюлмеге герек. Яшлагъа къумукъ тилни бай сёзлюгюн англатмакъ, оланы тилинде тийишли сёzlени, сёz тагъымланы, айтывланы, аталар сёзлерин маънасына гёре, стиль якъдан тюз къолламагъа уйретmek, демек байлавлу авуз ва языв тилин, сёйлевюн оьсдюрмек муаллимни алдында токътагъан лап аслу масъалалардан бола. Бу класларда да, тюпдеги класларда йимик, тил мердешлеке уйретив давам этиле.

Охувчуланы таъсирили, тюз къурулгъан бай тилин болдурувда тилде ёлугъагъан хаталаны алдын алыв ва оланы уьстюнде ишлев де агъамиятлы ерни тута. Хаталаны шулай бёлюклеге бёлмеге ярай: 1) орфоэпия (авазланы, сёzlени тюз охув къайдалары; мунда диалектлени таъсирилиги кёп); 2) лексика ва фразеология (бирикген сёz тагъымлар); 3) грамматика – стиль якъдан (морфология ва синтаксис) – бу масъалалар айрыча чечилме тарыкъ.

9-11-нчи класларда

сочинениелени уылгюлю темалары

(тъар теманы гиччи темалагъа бёлме де ярай):

1. «Азиз халкъым, асил халкъым».
2. «Солтанмут къагъруман ким болгъан?»
3. «Сен бугюнгю яшавну нечик англайсан?»
4. «Айгъазини намуслары ва гъалиги намуслар».
5. «Къумукъ адабиятда биринчи повестлер. Оланы аслу маънасы».
6. «Къумукъ адабиятда давну темасы».
7. «Къазакъ десе, таллыкъда тав гёремен...».
8. «Мени кёп сюеген шаирим».
9. «Табиатда алышынывлар».
10. «Мен йылны къайсы замананын сюемен» ва башгъалары.

Табиатны суратлав сочинениелени йылны мекенли заманында, ону аслу аламатларын гёрюп, гыс этип болагъанда язса яхши.

Уылгю гысапда «Къыш» деген темагъа ууми кюиде, чебер асарлагъа да таянып язылгъан суратлав сочинениени беребиз.

Къыш.

Гюзню арты булан бизге етишип къыш геле. Къыш йылны дёрт заманыны бириси. О учь ай узатыла буса да, тарыкъ-гереги кёп э肯геболмагъа ярай, сав йыл чакты гёрюне. Къыш айлар сувукъ, къарлы, боранлы ва елли бола:

Чакъны сувукъ заманы,
Бизге къыш гелген етип:
Боран борай, къар ява,
Гъюнерлерин гёrsетип.

Къышны къыйынлыгъын, тарыгъы кёп экенни тюз англап, адамлар огъар эртерек гъазирлене. Олар къышгъа яшавлукъ учун ашамлыкъ, газ ёкъ ерлерде агъач, кёмюр, исси опуракъ, аякъгүйим, гъайванлар учун бичен жыйып онгара.

«Къышны тарыгъы къыркъ тюрлю бола», – деп негъакъ айтмагъан:

Язбаш, яй женнет йимик,
Гёzel гюню, ярыгъы...
Къыш буса узакъ тие,
Ажайып кёп тарыгъы.

Къышны яхши яnlары да кёп бар. О адамлар учун да, табиат учун да, оьсюмлюклер учун да бек пайдалы. Къыш гъаваны тазалай, адамны савлугъун яхшылашдыра, оьсюмлюклер учун дымлыкъыны сакътай.

«Къыш къарлы буса, гюз тюшюмлю бола», гелимли бола. Шо саялы да къарны пайдасы оьсюмлюклер учун янгуллардан эсе кем тюгюл:

Къышда енгил гийинсе,
Адам уышюме бола.
Эгер къыш къарлы буса,
Гюз де тюшюмлю бола.

Эгер къыш къарлы буса,
Топуракъ тура бавукъ.
Къыш хас къышлыгъын этсе,
Мекенли бола савлукъ.

Къышны айрокъда яшлар кёп сююп къаравуллай ва къуванчлыкъда къаршылай. Неге тюгюл, олар чана, коңыки чаба, бузда сырғъалай, хоккей ойнай, къар булан атыша, къар къурчакъ эте, Сувукъмурзаны къардан ясай:

*Яилар къышдан сююне,
Олар исси гийине.
Къаранғы болғъандада да
Къайтма сюймей уююне.*

Къышда къар явагъан күйге къарап, тамаша боласан. Акъ къар, акъ гюмелеклер йимик болуп учуп, топуракъга, тереклеке, орамларда юрюп барагъан адамланы башларына, чачларына, гъатта къашларына ва кирпиклерине къона. Эртен чакъ, авлакъгъа чыгъып, тергев этсенг, янгы явгъан къар акъ шаршав япгъан йимик гёрюне. Къарны уьстюнде гъар тюрлю жанланы, къыр гъайванланы аякъ гызыларын гёrmеге боласан. Олар бир-бирине ошамай. Аякъ гызыланы бир-бириндөн айрокъда гъавчулар яхши айырып бола.

Гертилей де, къыш табиатны бютюнлей, художник этген суратны йимик алышлыра:

*Сувукъ къиши гелген къарлы
Тавну, тюзню тёрюне.
Терекни бутакълары
Сомалакъдай гёрюне.*

*Бузлагъан тереклерде
Гъар тюрлю оювлар бар.
Къиши этген суратларда
Орманлар, аювлар бар.*

Буса да къышны гёzelлигин белгили орус шаирлер А.С. Пушкин, М.Ю. Лермонтов, А.Н. Некрасов, И.Ф. Тютчев ва башгъалары кёп уста ва инче чеберлик булан суратлагъан.

Дагъыстанлы шаирлер, шоланы арасында къумукъ шаирлер де, къышны аламатларын тергесюз къоймагъан: Аткъай, А. Гъажиев, К. Султанов, М. Атабаев, А. Межитов ва оyzелери къышгъа, табиаттъа кёп шиърулар багъышлагъан.

Къышны гъакъында къумукълар хыйлы айтывлар ойлашгъан. Шолардан бир нечесин эсгерсек:

«Къыш къары булан, яз янгуру булан яхши».

«Къышны тарыгъы къыркъ бола».

«Язда чанангны, къышда арбангны гъазир эт».

«Къыш къарлы буса, гюз емишли болар».

«Не гъайым бар боранда: эки оыгюзюм аранда».

Бу суратлав сочинениени шулай сатырлар булан битдирмеге сюемен:

*Сувукъ урагъан къишины
Уъч гъарпы, бир аты бар.
Адамгъа, табиатгъа
Минг тюрлю ниъматы бар.*

Шу сочинениени ичинде гелтирилген шиърулары къумукъ тилни муаллими болуп ишлеген шаир Расул Къойтемиров язгъан. Шаир къышны аламатларындан таба оызюно сююв гыслерин де берме бажаргъан:

*Къар ява, борап – борап,
Ел булан къарны тарап.
Суюгенимни гёзлеймен,
Явагъан къаргъа къарап.*

Шулай сочинениелер йылны оызге заманларына багъышланып да языла.



Тагыр ГАЖИАГЫМАТОВ,

Дагъыстан пачалыкъ университетни дагъыстан
тиллериини кафедрасыны дарс беривчюсю,
филология илмұланы кандидаты, доцент

Охувчуланы авуз ва языв тилин оьсдюррюв

Къумукъ тилден дарс берив къайдалар гезиги булан гъалиде язылмагъан. Шо саялы да школаларда токъташгъан дарс берив къайдалар эсгиленген, олар яшавдан артда къалгъангъа къумукъ тилден кёбюсю дарслар яшланы англавун оьсдюрмейген, ялкъывлу ва яшланы иштагъландырмайгъан күйде юрюле.

Ана тил дарсланы аслу борчларындан бириси – охувчуланы авуз ва языв тилин оьсдюрмек. Бу иш башлапгъы класларда изложениелер ва сочинениелер язмакъ булан тамамланмай. Охувчуланы тил байлыгъын оьсдюррюв уьстдеги класларда да узатылма герек: охулгъан текстни хабар этегенде; суратгъа гёре хабарлайгъанда; грамматика дарсда жумлалар къурагъанда. Соравлагъа жаваплар берегенде муаллим оьзюн тергевюн шу масъалаланы чечивге бакъдыра: охувчуланы тюз сёйлемеге ва пикирлешмеге уйрете.

Бу муратгъа етишмек учун инг башлап муаллим яшлагъа сёзлени маъналарын ва аслу гесеклерин ачыкъ этме герек. Бу ерде грамматиканы ва тюз язывну уьстюнде де кёп иш юрюле.

Грамматиканы мюлк этив ва тюз язмагъа уйренив текстни уьстюнде ишлевге, охувчулар бирче сёзлени янги уйретилеген формалары булан жумлалар къурувгъа ва тюрлю къурулушлу жумлаланы уьстюнде ишлевге байлавлу. Авуздан ва язывдан жумлалар къурагъан заманда, оланы маъна ягъына кёп тергев берметюшегенин муаллимге бир заманда да эсден тайдырма ярамас. Охувчуланы тилин оьсдюррюв ишде сёзлюкню уьстюнде ишлевге гъар гюнлюк тергев тарыкъ.

Ана тил дарсларда юролеген авуз ва языв

ишлер охувчуларда ана тилни, адабиятны сюовге ва оланы уйренивге бакъгъан гъасиретликни тарбиялама герек. Ондан къайры да, муаллим ана тил дарсларда яшланы ойлашып билмеге, ойларын янтылысыз ва аян тилде язып да, айтып да билмеге уйрете.

Охувчуланы ойлашма бажарагъанлыгъы табиатдагъы тюрлю гъалланы, гёрюнющлени тергев дарслагъа, муаллим берген шолай тапшуруувлагъа байлавлу болуп да оьсе.

Муаллим охувчуланы шо гёрюнющлени бир-бири булан тенглешдирмеге, оланы бир-бирине ошайгъанлыгъын токъташдырмакъ уйрете.

Шу бары да этилеген ишлер охувчуланы ойлашма болагъан даражасына кюрчюленип оytгериле. Масала, охулгъан текстни гесеклеге бёлмек; гесеклеге атлар такъмакъ; текстте план тизмек; берилген текстни къысгъартмакъ; генглешдирмек; жумлаланы маъналарын ачыкъ этмек.

Уьстде эсгерилген тапшурувлар охувчуларда ойлашыв мердешлени тарбиялай. Бу методика инг башлап тил илмугъа, сонг психологиягъа ва педагогикагъа кюрчюлене. Шу методика – ойрдеги класланы программасында гёрсетилген билимлени мюлк этивню тюз метод пайдаларын гёрсете.

Охувчуланы авуз ва языв тилин оьсдюррювню уьстюнде ишлейген муаллимге онгайлы кюлени ва ёлланы гёрсетмек – бу ишни алдында салынагъан борч шодур.

Школада охувчулагъа тилни уйренивню ишин тюз къурмакъ ва методикадан тюз пайдаланмакъ учун, педагогика илмуну, айрокъда, ону дидактика бёлгюн билмекни бек уллу агъамияты бар.



Школаны охув планындагъы башгъа предметлени яхши уйренимек учун охувчулар инг башлап оъзлени тилин яхши билмеге гереклер. Яшда тилин англав гъис ону гъакъылыны оъсювю булан амалгъа геле. Кёбюсю гъалларда тил культурасы инсанны ууми оъсювюн амалгъа гелтире.

Авуз ва языв тилни оъсдюрмек демек – ана тилден дарс беривню къайдалары, ёллары демекдир. Авуз ва языв тилни культурасын оъсдюрмекни билим алывда да, адамны гележек яшавунда да уллу агъамияты бар.

Башлапгъы класлардан башлап охувчуланы авуз тилин оъсдюрювге айрыча тергев бериле. Башлапгъы класланы охувчулары авуз тилин яхши биле, шо саялы олагъа язывну да, охувну да къайдаларына тюшюнмеге тынч бола. Сёз байлыгъы осал яшлагъа языв къайдаланы уйретмеге де четим. Эгер биз охувчуланы тюз язмагъа уйретме сюе бусакъ, оланы башлап тюз сёйлемеге уйретме герекбиз.

Башлапгъы класларда авуз тилни языв тилден эсе агъамияты артыкъ болма тюше. Шолай болса, охувчулар янгыз диктантланы тюгюл, оъзбашына язылгъан тюрлю-тюрлю ишлени де тюз язажакъ. О саялы да, муаллим гъар класда оътгерилежек яшав ишлени жураларын ва къадарын токъташдырмагъа – гёз алгъа тутмагъа борчлу.

Гъар муаллим оъзюню предметинде охувчулардан бары да языв ишлерде, авуздан берилген жавапларда тюз адабият тил булан сёйлемекни талап этмеге герек.

Ана тил дарсланы береген муаллимлени уьстюне бу ерде бек жаваплы борчлар тюше. Тил ва охув дарсларда, башгъа предметлерден оътгерилеген дарслардан эсе артыкъ болуп, сёз яшланы ойлашмагъа уйретеген къурал гъисапда къоллана. Сёзлени ва оланы байлавун уйретив булан машгъул болагъан грамматиканы айтмасакъ да, яшлар охув дарсларда текстни охуп, ону маънасын ачагъанда, сёзни уьстюнде ишлей. Ондан башгъа да охув дарсланы материалы оъзю,

шолай да чебер асарлар охувчулагъа гёzel, ачыкъ ва тюз тилни уългюлерин бере.

Шо саялы да охувчуланы тилин оъсдюрювню авур яны гъар не заманда да ана тил дарсланы уйретеген муаллимлеке тапшурулагъаны тамаша тюгюл. Шо борч гъалиги заманда да ана тиллерден дарс береген муаллимлени уьстюне тюше. Шону булан бирче шо муаллимни алдында бирдагъы масъала токътай: о да школада тилни тазалыгъы, гёzelлиги учун юрюлеген ишни бирикген фронтунда башында турмакъ.

Охувчуланы тилин оъсдюрюв эки янаша ёл булан оланы авуз ва языв тергевню ва талапланы артдырывну ёлу булан юрюле. Шо эки де ёлну бир-бирине ошайгъан ва бир-бириндөн айрылагъан ерлери бар.

Авуз ва языв тилни алдына салынагъян шулай бир талап бар: о да не къайдада сюйсе айтылсын, охувчуланы гъар-бир сёзю маъналы, ачыкъ, герти, инандырагъан, къыйышывлу, адабият норма якъдан тюз, аваз якъдан айтылышы аян болмакъ. Авуз ва языв ишлер бир-бири булан тыгъыс байлавлу: охувчуланы языв ишлери авуз тилни мердешлерини оъсювюне, тюз къурулгъан авуз тил буса – ойланы язывда гезикли ва маъналы бермеге кёмек эте. Тилни шо эки де формасыны арасында белгили башгъалыкъ да бар. Шо башгъалыкъ янгыз эки де форманы къайдасында бири сёйлев формасында, бириси языв формада болмакъда тюгюл.

Авуз ва языв ишлер оъзлени табиаты, муратны күтеген күйлери булан бир-бириндөн хыйлы айрыла. Эки де форма ойлар, гъислер булан байлавлу, амма бир йимик тюгюл. Авуз сёйлевде ойдан сёзге гёчюв чалт юрюле ва тамамланагъан формада бола. Демек, адам оъзюню ойларын кёбюсю гезиклерде алданокъ тизмей. Айтылышын сонг ойну тюзелтме бажарылмай. Языв тилде буса язагъан гишини ихтиярында, адатлы гъалда, таман чакъы узакъ вакъти бар: шо вакътини ичинде язагъан гиши оюн ачыкъ этеген күйлени излей, бир сёзни башгъа сёз булан



алышдыра, бир-бирде текстни бир нече керен янгырта.

Авуз ва языв тиллер муратны бир күйде күтмей. Авуз тил тынгловчугъя багъып сёйлене, ода тилни лексикасына, синтаксисине ва тилни бары да къурулушуна таъсир эте. Сёйлейген гиши оъз ойларын бермек учун янгыз сёзлерден, тюз къурулгъан жумлалардан пайдаланып къалмай, интонациядан, агъамиятлы сёзлерде тавушун алышдырмакъдан, тербенишлерден пайдалана, гъасили, сёзлерсиз англашылагъан ойланы ярты айтма, сёзлер булан айтып болмайгъан ойланы англатма имканлыкъ береген ону къолунда кёп имканлыкълар бар.

Языв ишде бу масъала башгъача. Язагъан гиши оъзбашына янгыз къала. Ол охувчуны гёз алгъа тутма, ойларын янгыз сёзлер булан берме, толу, етдирикли язма борчлу бола. Авуз ва языв ишлени арасындагъы шо хасият онча да агъамиятлы чы, ойланы берген шо эки де формагъа байлавлу болуп муаллимни ишинде ортакъ масъалалар арагъа чыгъагъан йимик, айры-айры масъалалар да арагъа чыгъа. Языв тилни культурасы охувчулагъа сёzlени ва жумлаланы бары да жураларыны уystюндө терен, тергевлю ишлевню мердешлерине тюшюндюре. Шолай да ойланы гезигин гёрсетеген кийлени англата.

Авуз тилни культурасы башгъа борчну сала: ол гъазириnde сёzlени тапмакъны, сёйлеп турагъан күйде план къурмакъны талап эте. Авуз тилни бары да сёз хазнасын аяп-асырап сакъламагъа герек: темадан тайышмай, гъажатлы сёzlени шоссагъат таба туруп сёйлеме тюше.

Доклад тизмек, оъзюню ишини гъакъында гысал бермек учун там газетлерде ва шолай башгъа языв ишлерде ортакъчылыкъ этмек учун гъар-биро охувчуязыв тилни мердешлерин мюлк этме борчлу. Шогъар яш школада уйренме герек. Шолай авуз тилге де муаллимлер яшланы уйретме тюше. Шо заман школаны колективи билимли адамланы тарбиялагъанбыз деп айтма болур.

Охув ва адабият дарсларда авуз тилни оъсдюров оъзбашына айры юрюлеген иш тюгюл. Башлапгъы класларда охувчуну авуз тили чебер асарланы охув булан байлавлу, шону учун ону жураларын охув дарсларда юрюлеген авуз тилни оъсдюровге материал болагъан ишлени адатлы гезиги булан гёрсетмек онгайлыш. Олар да язывчуну яшавуну гъакъында гиччилик хабар, охулгъан текстни яда гесекни къайтарып айтыв, шо текстте гёре берилген соравлагъа жаваплар.

Авуз тилни мердешлерине тюшюнмек учун, ойланы теренлигин сакълап, тынгловчугъа таъсир этеген күйде сёйлеп билмек – биринчи даражалы агъамиятлы иш. Башлапгъы школаны шо ёлдагъы аслу борчу – охувчуланы айттылгъан затны натижасын чыгъарып билмеге, оъзлени ойларына тынгловчуну мюкюр этеген күйде далиллэр гелтиргемеге охувчуланы уйретмек. Башлапгъы класларда соравлагъа байлавлу жаваплар алагъанда, бир эки жумла булан гиччилик характеристика берив йимик простой къайдалар уйретиле.

Тынч сюжетли ишлени хабарлав къайдасын къолласа, охувчулагъа тынч англашыла. Ойлашывгъа герекли болагъан мердешлени яратагъан саялы хабарлавну дидактика агъамияты уллу. Охувчуланы литература тюз къурулгъан авуз тилни уылгюлери булан таныш этегенде муаллим гъар заман уюнден, агълю ва жамият арадан гелтирген мисаллагъа ёлугъа. Тилни уйретив, ону хасиятларын ачыкъ этив муаллимни тувра борчу бола. Школагъа гелеген охувчулагъа шо тил олагъа гиччилейин синген, оланы тил мердешлери де шо айланада амалгъа гелген ва бир ёрукъ шогъар кюрчюленген. Охувчуланы тилде ёлугъагъан диалект ва эрши сёзлерден къорумакъ муаллимни борчудур. Тилни адабият нормалары булан охувчу яхши таныш болгъан сайын ону булан ишлеме тынч.

Охувчулар класда муаллимге жавап берегенде, уйге берилген материалны

айтагъанда, адабият тилни нормаларын сакълаң, дарсдан тышда оланы бузагъан гезиклер аз болмай.

Муаллим, переменада, коридорда, орамда яшланы арасына къошуулма герек. Шо ерлерде охувчулар ағылға арада сейленеген оъзлер адатлангъан тилге, ёлдашлары булан сейлейген айры сейлевге гөчме ярай. Шону алдын алывда муаллимни тили уылгюлю болмакъны агъамияты уллу. Барындан да алда муаллимге бу ишде оъзю жаваплы экенин унутма тюшмей. Ол оъзю де диалектизмлерден ва жаргон тилден сакъ болмагъа, янгызы адабият тилде сейлеме герек.

Охувчулар айтылгъан сёзни маънасын нечик айтылгъанын, оъзюнү ва башгъаны сейлевион тюзлеп билмекни, янгылышларын табып уйренмекни де маънасы бар.

Янгы башлайтъан сынавсуз муаллимлер, бир-бирде охувчулагъа эки-үч мисал булан аваздаш, маънадаш ва къаршыдаш сёзлер не экенин гёрсетсе, шолагъа тюз баянлыкълар да берсе, яшлар аваздаш, маънадаш ва къаршыдаш сёзлер не экенин англажакъ ва шо англавланы еринде къоллама, текстни ичинден айырып алма бажаражакъ деп ойлайлар.

Башлапгъы класларда айтывланы устюнде ишлейген муаллимлер яшлагъа айтывланы тувра маънасын гёрсетип къоймакъны, гёчюм маънасын буса гележек йылларда англатмакъны онг гёре. Мисал учун, «Темирни къызызында тюй» деген айтывну яшлагъа тувра маънасын англатып къойма ярап; къой, яшлар темирни къызызында неге тюегенин айтсын, шо таманлыкъ эте деп токъташдыра. Шолай этсе, айтывланы къылыкъын байлавлу гёчюм маъналары англашылмай къалма да ярай.

Охувчулар айры-айры предметлерден алагъан билимни ана тилинде уйрене. Айры-айры предметлерден терен ва англавлу күйде билим алмакъ учун охувчулар тилден пайдаланып билмеге гереклер. Охувчуланы тилин оъсдюров ишге охув ва языв дарслардан

къайры да башгъа дарсларда да тергев бермеге тюше.

Муаллим охувчуланы сёзлюгюн бай этмек учун, сёзлерден тюз пайдаланмагъа, тилде оланы тюз ва ачыкъ, чебер ва башгъалагъа англашылагъан күйде къолламагъа уйрете.

Шу башлапгъы школаны аслу борчу. Муаллим ана тил дарсларда инг башлап къайсы яшни нечик сёз байлыгъы барны токъташдыра. Сонг охувчуланы сёзлюгюн яшавда, техникада ва илмуда къолланагъан янгы сёзлер булан бай этме чалыша. Яшланы тилин яшавда тарыкълы болагъан янгы сезлер булан бай этив, системалы күйде, гъазирлик класдан башлап, школаны битгинче оътгерилме герек. Охувчуланы тилин оъсдюров тюрлю-тюрлю ишлер булан планлы күйде гъар гюн юрюлмеге герек. Янгы сёзлер охувчуланы актив сёзлюгюне къошула. Олар дарсны айтагъан вакътисинде шо сёзлерден эркин күйде пайдаланмагъа герек. Муаллимни янындан гъар дарсда шогъар тергев тарыкъ.

Тилни яхши билмек учун айры-айры сёзлени билмеклик таманлыкъ этмей. Охувчулар жумлаланы дурус къурмагъа, сёзлени жумлада бир-бири булан тюз байлап билмеге де герек. Охувчулар, кёбюсю гъалда, сёзлени бир-бирине байлап, жумлалар тизегенде талчыгъалар. Жумлаланы тюз къурмагъа уйретмек – муаллимни экинчи борчу.

Биринчилей, охувчу оъзюнү тилинде къоллайтъан сёзлер ва жумлалар англашылагъан ва простой болсун, экинчилей охувчу пикрусун толу ва ачыкъ күйде англашын.

Жумлаланы бир-бири булан белгили бир гезикде, белгили бир плангъа гёре тизмеге уйретмек – охувчуланы авуз ва языв тилин оъсдюровде муаллимни уйчюнчю борчу. Бу ишге охувчулар аслу күйде башлапгъы класларда уйренме герек. И класда буса яшгъа пикрусун белгили гезиги булан тизип айтмагъа муаллим уйретме герек. Биринчи

класны охувчулары гёрсетген суратланы яда охулгъан хабарны суратлагъя гёре айтагъанда оъзлени пикруларын белгили гезик булан айтмагъя уйренелер. II ва III класларда бу иш дагъы да генглеше. Охувчулар охулгъан хабарны ва яда макъалаланы гесеклеге бёле, шо гесекге план тизе, пикруланы гезигин алданокъ белгилеп, изложение ва сочинение язалар. Олар пикруланы белгили гезик булан тизип ва къыйышдырып язмагъя уйренемек учун гъазир текстни ва макъаланы уьстюнде ишлейлер, муаллим берген текстни гесеклеге бёлюп, олагъа план тутуп уйренелер, сонг охувчулар оъзлер тутгъан планны уьстюнде айры яда класда бирче ишлеме уйренелер. Муаллим I класда оъзюню соравлары булан кёмек эте, охувчуланы авуздан айтылгъан хабарларында ва язывлу ишлеринде гъазир планлардан пайдаланмагъя ёл бере, II-III класларда буса охувчуланы болгъан чакъы оъзбашына ишлете.

Башлапгъы школаны битген охувчулар охулгъан хабарны яда макъаланы оъзбашына къысгъача язмагъя, муаллим берген темагъя план тутуп сочинение, там газетте макъала, арза ва башгъа иш кагъызланы язмагъя билме герек.

Тилни уйретмек учун, тюпдеги уьч де затны гёз алгъя тутма герек:

1. Сёзлени тюз къолламакъ.
2. Жумлаланы дурус къурмакъ.
3. Жумлаланы белгили гезик булан тизип билмек.

Олардан башгъя да, темагъя гёре материал жыймагъя, изложениелени ва сочинениелени темадан чыкъмайлыш язмагъя яшланы уйретме герек.

Охувчуланы авуз ва языв тилин оъсдюрмек ишде яшланы темагъя гёре материал жыймагъя уйретмек муаллимни алдында аслу борч болуп токътай.

Темагъя гёре материал жыйыв ишде муаллим тил дарсларда суратлардан да, яшланы сынавундан да пайдаланмагъя тюшө. Бу мердешге яшланы уйретивде дарсда олар

булан бирге суратны уьстюнде ишлемеге бек онгайлы. Охувчуланы суратны уьстюнде ишлетип уйретивге башлапгъы класлардан тутуп башламагъя герек. Шулай ишлер охувчуланы ишин низамлашдыра, тергевион бир теманы уьстюнде токътата. Натижада яшда айланасындағы яшавну англамагъя иштагълыкъ тува.

Охувчулагъа язывлу сочинениелер яздырагъанда суратлар, темагъя гёре материал жыймагъя кёмек этмекден башгъя материалны дурус тизмеге де бек кёмек эте.

Шолайлыкъда, муаллим оъзю берген темагъя гёре байлавлу яшавда яшлар гёрген ва эшитген затлардан пайдаланмагъя уйрете, яшавгъа тергевлю гёз булан къарамакъны талап эте. Иш ва чебер материалны ульгюлерин охувчулагъа гёрсетмек ва охувчуланы яшавуна яда ишге байлавлу темалагъя изложение ва сочинение яздырмакъ булан охувчуларда тилге болгъан чакъы иштагъ, сююв болдурмакъ оъзюню алдына салынагъанлыкъ муаллимни дайм эсинде сакълансын.

Охувчуланы тилин оъсдюрмек учун чебер тилни англамагъя, оъзлени изложениелerde ва сочинениелеринде келпетли сёзлерден ва жумлалардан пайдаланмагъя уйретме герек.

Охувчуланы тилин оъсдюрюв ишде муаллимни тили уллу роль ойнай. Олар гъар заман муаллимге тынглай ва адабият тилни ондан уйренелер. Шо саялы да, муаллим дарсда охувчулагъя материалны англатагъанда, соравлар берегенде оъзюню, муаллимни тили охувчулагъя ульгю болма герек. Сонг да изложение учун алынгъан текстлер, сочинениелени темалары, сёзлюк лексика ишлер ва башгъалары да муаллимден шолай жаваплыкъны талап эте.

Яшлар булангъы ишлер учун идея-маъна янлары осал текстлер сайланмакъдан зараллы зат бир де болмас. Чебер сёзню усталарыны, халкъ авуз яратывчулугъуну асарлары – яшланы ана тилинде уйретивде бек тизив материал.

Маржан АБУКОВА,
Хасавюрт педколледжин дарс беривчюсю

Охутувда ва тарбиялавда язывчуну биографиясын уйренивню агъамияты

Язывчуну биографиясын уйренив охувчуланы тарбиялавну умуми системасында белгили ерни тута.

Чебер асарланы чечгенче, охувчулар башлап ону автору булан таныш болалар. Язывчуну яшлагъа яхши танытмай туруп, яшагъан девюрюн, ону дюньягъа къаравларын, ону яратывчулугъуну таъсиригин етишдирмеге къыйын бола. Язывчуну биографиясы текстни охувгъа аякъ басагъан гиришив сёз бола. Ону биринчи борчу – охулажакъ асарны уйренемек учун болмаса болмайгъан билимлени бермек. Охувчулар айры-айры асарланы билгенден къайры да, бизин элни тизив адамлары болгъан гёрмекли язывчуларыбызын гъакъында да англов алып бажармагъа тарыкъ.

Муаллим оъзюню дарсларында шо бары да язывчулар бизин культурабызын чечеклери болгъанны, бизин Ватаныбызын оъктемлиги экенни, оланы гъариси оъз Ватанын сюегенни, ону алгъа юрюлмегине ва оъсмегине кёмек этегенни гёрсетме борчлу.

Язывчуланы багъалавгъа тарихни гёзюндөн къарамагъа герек. Олар жамият яшавну тъаракатчи гючю болгъанны, оланы оъзлер яшагъан жамият-политика яшавну ичинде гёрсетмеге герек.

Мисал учун, Къазакъны яратывчулугъун алайыкъ. Къазакъны яшаву булан таныш этегенде, Къазакъ яшагъан девюрнү гъакъында тарих билимлени, класны гъалына гёре ачыкъ, тынч тил булан муаллим англашма герек. Башлап гъар кимни де гъайрангъа къалдырагъан – Къазакъны тилини чеберлиги.

Шо чеберликни Къазакъны девюрю де, Къазакъны пагъмуулугъу да ондан алдагъы узакъ девюрлени чебер авуз яратывчулугъуну варислиги де яратгъан. Шугъар инандырмакъ учун къумукъланы алдынгъы яшаву (тойлары, яслары, мажлислери) туташ йыр, сарын, такъмакъ булан оътгерилегенлитигин айтмакъ таманлыкъ эте. Гъалиги заманда чышо йырлагъа дарсда тынгламагъа да кёп имканлыкълар бар. Къазакъны йырларындан чеберликде артда къалмайгъан автору белгисиз йырлагъа ёлугъабыз.

Демек, Къазакъны чеберлигин яратгъан аслу школа – къумукъланы алдынгъы яшаву. Къазакъ Дагъыстанны инг де толкъунлу гюнлеринде яшагъан. 1830-нчы йыллардан тутуп, 60-нчы йыллагъа ерли узатылгъан дагъыстанлыланы пача гъукуматына къаршы юрютген ябушувлары ойгъа гелмейген күйде къагърулу яшавну яратгъан. Тавтюп ва тюзлюк районларда яшайгъан къумукълар кёп йылланы узагъында чапгъынлагъа гъазирленип, атланып, савутланып оъмюр ийбергенлер. Шо чапгъынлар игитни абурун гётерген, игитликни, эр-намусну гъакъында йырлайгъан йырчыланы бирден-бир жанландыргъан. Къазакъ оъзюню кёбюсю йырларында шо девюрню къагърулу яшавун суратлагъан.

Нутгай Батырмурзаевни биографиясын берегенде, муаллим, хрестоматиядагъы биографияны кюрчюсөн генглешдирип, охувчуланы иштагъларын уятагъан күйде ону жанландырса, яшланы эсинде даймге къала-жакъ. Шолай иш буса муаллимлени бажа-



рываулгъундан гъасил бола.

Нугъайны яш заманы къумукъ юртда ярлыкъда оьте, оърюм заманында мажигитлерде муталимлени арасында бола. Бизин охувчуларыбыз шо замангъы охув къайдалар булан иштагъланмай къалмай.

Нугъайны къайышчы, гюмюшчю болуп, касбу излеп юрюмегини себебин янгыз ону ярлылыгъы булан гёрсетип къоймай, къумукъланы шо замангъы ярлылыгъы булан гёрсетме герекли бола. Алдын загъматчы къумукъланы топуракъсызлыгъын, яшав тапмакъ учун оымюрлерини кёп янларын къыйынлыкъда йибергенни охувчуланы эсине салмакъ булан Нугъайны шо замангъы яшавну ичинде гёрсетме бажарыла.

Нугъайны биографиясын охутагъан муаллим язывчуну гъакъылындағы къаршылыкълар шо замангъы политика-жамият яшав шартларындан тувулунгъанын гёрсетмеге герекли бола. Нугъайны ва ону уланы Зайнабитни къазакълар оылтурмеклиги, олар халкъны иши учун, тюзлюк учун жан бермеклиги – биографияны артыкъ тергев бермеге тюшеген ери.

Шолай охувчуланы тарбиялавда янгыз оъзюнью язгъян асарлары тюгюл, оъз яшаву да бек агъамиятлы ерни тутагъан бирдагъы бир къумукъланы янгыз Дағыстанда тюгюл, бютюнлей Гюнтувшгъа да аты белгили Абусупиян Акаевни гъакъында да бир-эки сёз айтма сюемен. Ол халкълагъа терен ойлу, машгъур шаир, алим, ярыкъландырывчұ ва арымайгъан-талмайгъан жамият чалышывчу гысапда танывлу. Абусупиян яшагъан де-вюроне гёре, хыйлы-хыйлы философия, жамият-политика, илму ва къылыкъ якъдан тюрлю-тюрлю ойланы арагъа чыгъарғъан. Абусупиян Акаевни «Къылыкъ китабындағы» насиғатлары гъалиги девюрню яшёрюмлерин арив къылыкълагъа уйретивде бек агъамиятлы.

Оъзю Абусупиян да айтгъанлай: «Дюнъяда абурлу да, ахыратда талайлы да болма сюйген бурай къылыкълагъа эринмейли

уйренмели...» Абусупиянны кёп сёзлери къанатты сёзлеге айлангъан:

Инсанны разилигин алмакъга инг гючлю чара эдепли, къылыкълы болмакъдыр.

Эдепли, арив къылыкълы болмакъ оъзю булан таргъан алтындан багъалыдыр.

Баш – инсанны инг сыйлы саныдыр.

Аз сёйлеп, кёп тынгламакъ герти адамлыкъдыр.

Дюнъяда ата-анағыа этген күуллукъдан артыкъ зат ёкъ.

Нечик маңналы сёзлердир! Муаллим охувчуланы ой гючюн артдыра, яшланы язывчуланы гъакъында билме иштагълыгъы арта, оланы яшавгъа къаравларын терен англама кёмек эте.

Школаларда динни гъакъында предметтер къошуларажакъ деп айтала. Шо дарсларда Абусупиянны яшавуна, ону язгъян асарларына, айрокъда «Къылыкъ китабына» бираз сама да заман берилсе, яшланы дин ягъындан оъсювюне де, къылыкълы, эдепли болмагъа да кёмек этежек.

«Терен гъакъылны багъалы ташы», «Билимлени жавгъар къашы», – деп айта оғъар бусурман дюнъасыны белгили динчилери. Дюнъядагъы инг де тизив бусурман алимлени арасында ону аты да айтылгъан. Белгили арабист, шаир, ярыкъландырывчұ, педагог, энциклопедист Абусупиян Акаев он бир йыллыкъ чагъындан башлап Дағыстанда шо заманда белгили алимлени янында охугъан. Арап грамматиканы, юриспруденцияны, гъадислени, риториканы, шиърулар язывну теориясын ва оъзгелерин уйренген.

Ону кёп санавдагъы китаплары ислам динни гъакъында, логикадан, географиядан, арифметикадан, къайсын-бирин айтайым, охувчуну гъар янындан англавлу этежек, этикадан язылгъан китабы яшланы тарбиялавда бек пайдалы болажакъ.

Къумукъланы шолай белгили адамларыны яшавун яшлагъа уылгю этип гёрсетмек – муаллимлени аслу борчларыны бириси.

Ибрагъим КЕРИМОВ,
филология илмуланы доктору

Къумукъ тилни къужурлу грамматикасы

Гиришив сёз

Къардаш адыгей халкъны тамаша арив айтыву бар: бир тил билеген гиши бир адам, эки тил билеген гиши эки адам, учь тил билеген гиши учь адам... санала. Гертилей де, кёп тиллени билмекни, оyzлени де тындырыкълы билмекни яшавда уллу пайдасы бар. Озокъда, инг башлап инг де тындырыкълы күйде гъар ким оyzюню ана тилин билмеге тюше. Ана тилин яхши билеген гишиге оyzге тиллени уйренмеге де тынч бола.

Охув китаплар программалагъа гёре язылгъан, программалар да охув планда гёрсетилген сагъатлагъа гёре тизилген.

Тилдеги бир-бир къужурлу фактланы охув китаплагъа къошмагъа имканлыкъ ёкъ, сонг да къошулгъан материалны тындырыкълы гечмеге сагъатлар етишмейген гезиклер де аз болмай.

“Къужурлу грамматика” охувчуланы ана тилни уйренмеге иштагъландырмакъ, ону яхши билмеге, англамагъа, сёйлейгенде-язагъанда ону бай имканлыкъларындан пайдаланмакъ учун олагъа кёmek этмек муратда язылгъан.

“Къужурлу грамматикадагъы” материал аслу гъалда класдан тышда, масала, ана тил кружогунда, къошум дарсларда, олимпиадаларда, викториналарда, ана тил кабинетинде, там газетлерде, къольязывлу журналларда ишлетилсе яхши болур. Тек къайда юрюлсе де, шо ишге къумукъ тилни учители ёлбашчылыкъ этмеге тюшер.

Эгер учитель заман табуп бола буса, шо

материалны, озокъда, дарсда къолламагъа да ярап. Иш шу китапдагъы материалны къайда ва нечик къолламакъда тюгюл, чыгъагъан гъасиллерде.

Биз ойлашагъан күйде, бу китапны педучилищелерде, В.И. Ленинни атындагъы Дагъыстан университетни ва Дагъыстан педагогика институтну ана тиллер уйретилген факультетлеринде де къолламагъа яражакъ.

Къумукъ тилни къужурлу грамматикасы биринчилей чыгъарыла. Шо саялы мунда бир-бир кемчиликлер де ёлукъмагъа имканлы: материал азлыкъ этмеге, бир-бир къужурлу масъалалар, фактлар унтуулуп къалмагъа яда, ону терсине, тийишиз затланы гъакъында язылгъан болмагъа ярай.

Фонетика

Гъарплар-атлар, гъарплар-санавлар

Алфавит, алифбадеген сёзлени биринчиси грек сёз, а ва б (греклерде – в) гъарпланы атлары альфа ва вита къошуулуп этилген, экинчиси арап сёз, о да шолай шо эки де гъарпны атлары алиф ва ба биригип этилген.

Кёбюсю тиллерде гъар гъарпны къюолгъан аты, шо атны башында да шо гъарп гёрсетеген аваз бола болгъан. Масала, араплар а-гъа алиф, з-гъа заль, д-гъа даль дей, бырынгъы славянлар шолагъа азъ, земля, добро дей болгъан. Гъали буса биз шо гъарплагъа а, зе, де деп къоябыз.

Бырынгъы славян тилни, кириллица ва глаголица деп, эки тюрлю алфавити болгъан. Гъали биз юрютюп турагъан алфавит шо



бырынгъы кириллица деген алфавитни яхшылашгъан, камиллешген формасы демеге ярай.

Гъали гъарплар янгыз авазланы гёрсетмек учун къоллана, бырынгъы заманларда, санавлар ёкъда олар санавланы орнунда да къолланып гелген. Эгер гъарп санавну гёрсетмек учун къоллангъан буса, ону устьюне боя-бой гызы да тартып, эки де ягъына точкалар да салмагъа тюше болгъан.

Тамаша гъарплар

Адатлы гъалда, тилде гъар авазны оъзюню гъарпы бола, тек авазлардан гъарплар яда гъарплардан авазлар кёп елугъагъан кюйлер де аз болмай. Къумукъ тилде 33 аваз бар, гъарплар буса – 39. Шо артыкъ алты да гъарп да шулардыр: я, ю, е, ё, ь, ъ.

Шолардан ь, ъ негер тарыкъ экени булаг да англашила: олар бира авазны да белгилемей, аслу гъалда къошма сёзлени этегенде, яда, башгъа бир гъарпгъа къошулууп, янгы гъарп этмек учун къоллана. Къалгъанларына гелгенде буса, биз оланы, тилибизде олай къошулучан авазланы этеген гъарпларыбыз бар тура да, оъзюбюз онгайлыкъ учун къоллайбыз: масала, я, ю, е, ё гъарпланы орнуна сюйсек ия, йу, йэ, йо, йор, йуль деп къоллап болур эдик.

Я, ю, е, ё – тамаша гъарплар. Сёзню башында гелсе яда ортасында буса да созукълардан ва айырагъан ь, ъ белгилерден сонг гелсе, я, е гъарплар эки авазны – й+а, й+э авазланы англата: ярыкъ, къая, къольявлукъ, ем, тиер, атъер ва ш.б. Къалгъан гезиклерде олар бир авазны - а, э авазланы англата: тел, келле, октябрь (таза къумукъ сёзлерде я гъарп тутукълардан сонг къолланмай).

Сёзню башында гелсе яда ортасында созукълардан сонг гелсе, ю гъарп учь авазны – й+у, й+уу авазланы англата: юммакъ, юзюк, къююгъуз, юрююк. Къалгъан гезиклерде ю

гъарп бир авазны - уъ-ню англата: тютюн, тюе, гюренва ш.б.

Сёзню башында гелсе, ё гъарп учь авазны – й+о, й+оу авазланы, айырагъан ь, ъ белгилерден сонг гелсе, эки авазны – й+о авазланы англата: ёл, ёнкю, атъёкъ. Къалгъан гезиклер де ё гъарп бир авазны - оъ-ню ва алдындагъы тутукъну инчелигин англата: тёле, кёпюр, кёмек, гёлек.

Къалын тутукълардан сонг ю, ё гъарплар къолланмай, у, о къоллана: сумакъ, къол, тон, чомарт, къуру, туруш.

Бир-бир гъарплар да, олар гёрсетеңен авазлар да тилде сёзню не еринде де – башында да, ортасында да, ахырында да – къолланып болмай.

Ц, ф, щ авазлар къумукъ сёзлерде сийрек ёлугъа, б, г, д авазлар къумукъ сёзлени ахырында, ы, нг авазлар сёзню башында бир заманда да къаршы болмай.

Гъарп ва аваз аслу гъалда арап тилден алынгъан сёзлерде къоллана (шо сёзлени бирлери бизге фарс тилден таба гирген.) Арап тилде гъаваз сёзнию башында кёп ёлугъагъангъа бизде де шо сёзлер аслу гъалда гъаваз булан башланы, сёзню ортасында ва ахырында о аз ёлугъа: гъава, гъазир, гъалива, гъамам, гъарзи, гъамар, гъилла, гъукумат, гъюнер, гъаракат, гъакъыл, гъукму ва ш.б.

Бу затгъа тамаша болмагъа тюшмей. СССР-деги йигирма учь де тюрк тилни сегизинде – чуваш, ногъай, хакас, къыргыз, тува, шор, алтай, къырым-татар тиллерде – гъаваз оъз сёзлеринде чи къайдан болсун, оъзге тиллерден алгъан сёзлеринде де болмай.

О, оъ авазлар сёзнию тувра башында яда биринчи бувунунда тюгюл ёлукъмай: от, оымюр, къол, тёл ва ш.б.

Р, л авазлар бир заманда да къумукъ сёзлени башында къаршылашмай. Шо авазлар булан башланагъан бары да сёзлер бизге арап, фарс яда орус тиллерден гелген:

рагъат, рам, разилик, рагьму, роль, ручка, лакъыр, лобан, лабар, леген, лётчик, литр, лозунг.

Р, л булан башланагъан сёзлени алдына къумукълар созукъавазкъошупкъолламагъа къаст этегени муна шо саялыдыр: разы – ирази, ренк – иренк, лайыкъ – илиякъ (илийыкъ сёз бираз алышынып этилген), рус – орус, Россия – Аресей ва ш.б.

Минг гъарп къоллангъан текстни алып ахтарып къарасакъ, гъар гъарп (аваз да) орта гъисапда шунчакъы ёлугъажакъ:

<i>a</i> - 143	<i>n</i> - 18
<i>н</i> - 76	<i>c</i> - 18
<i>e</i> - 60	<i>и</i> - 17
<i>p</i> - 55	<i>з</i> - 15
<i>л</i> - 55	<i>к</i> - 14
<i>и</i> - 54	<i>ё</i> - 11
<i>ы</i> - 50	<i>э</i> - 10
<i>т</i> - 41	<i>ѓ</i> - 10
<i>б</i> - 38	<i>я</i> - 10
<i>ð</i> - 38	<i>в</i> - 6
<i>у</i> - 38	<i>х</i> - 4
<i>къ</i> - 37	<i>ү</i> - 3
<i>օ</i> - 33	<i>ң</i> - 3
<i>г</i> - 29	<i>օ</i> - 2
<i>ѓ</i> - 24	<i>ж</i> - 2
<i>ҹ</i> - 22	<i>ф</i> - 2
<i>м</i> - 21	<i>и</i> - 1
<i>ю</i> - 20	<i>ى</i> - 1
<i>й</i> - 19	

Тюпде минг гъарп къоллангъан текст берилген. Гъар гъарпны нече ёлугъагъанын билмеге сюе бусагъыз, санап къарагъыз.

“Багъав да, Асият да дөгъаны башында эретуруп, къап къарангы кёкню яп-ярыкъ болуп къызырып къалгъан шо бир гесегине багъып тигилгенлер. Гъона къызыл шавла. Шавла! Тек о я гюнню, я айны шавласы тюгюл. О тарихлерде болгъан инг де хорлу гюнлерден бириси-инсанланы жагъына тюшген от-ялынны шавласы. Нечесе юз

йылланы узагъында минглер булангъы адамлар тер тёгюп ишлеген биналар, гъона, бир гечеден гюоп кюлге айланажакъ... Нечесе яшны, нечесе къатынны, къызыны ялынгъа къызыргъан энглерин аччы гёзьяшлар тырнажакъ...

Багъавайтмасёзтапмай, бир Асадуллагъа, бир Асиятгъа къарсалап къарай. Асият буса бир-бирде яллайгъан юртгъа, бир-бирде Асадулланы токътагъан кююне къарап, толгъан гёзьяшларын бирден тёгюп йиберди.

Асадулланы о юртда биргине-бир азиз къарт анасындан ва аявлу гелешмишинден къайры биревю де ёкъ. Къыркъ тамурдан сют берип оьсдюрген ана, яшлыкъыны инг де татывлу гюнлерин ойтгерген сюов, шо сюовню шавласы – гелешмиш!.. Нече де багъалы, нече де таза, нече де асыл сёзлер де дюр. Ата юрт!..

Оъзюнг тувгъан юртунгда биревюнг болмаса да, ону юрегистинг нечик излей, чакъда бир сама да оғъар етишмеге, ону гёрмеге сюесен. Гиччи заманда минген терек бутакъланы сыйипап къарамагъа, о заман яшлар жыйылып аяз гечелерде олтуруп эришип хабар айтгъан хасилдерде олтурмагъа сюесен.”

(М. Ягъияев. Чакъырылмагъан къонакълар)

Арапча гъамза! Къумукъча недир?

Биз къатты белги Ъ бир аваз да англатмай деп айта туруп уйренип къалгъанбыз. Бизин тилде, гертилей де, о англатагъан аваз ёкъ да ёкъ. Амма бир табун арап сёзлерде Ъ тамакъыны теренинде амалгъа гелеген, къысылып айтылып, Ы йимик эшитилеген авазны англата: Муъмин, Муъминат, матьна, баъли, вайда, таъсир, таъмин, маъдан. Арапча шо сёзлерде Ъ белгини орнуна гъамза деген гъарп къоллана.

Сёйлев тилде бир-биревлер, айрокъда буйнакски диалектни вакиллери, л, м, н авазланы алдында гелген т авазны орнуна



тамакъны теренинде амалгъа гелеген шо авазны къөллайгъан күйлер бола: отлукъ, татли, атлы, ятлар, тотлу, затлар, отну, путну, къатны, ятмы, батмакъ, этмек йимик сёзлени орнуна оълукъ, таъли, аълы, яълар, тоълу, заълар, оъну, пульну, къаъны, яъмы, бъымакъ, этмек деп айталар.

Арапча гъамза деген шо гъарп къумукъча гъарп да саналмай, атсыз, къаттылыкъ белги күйде къалма да къалгъан.

Эришеген авазлар

Тилни бир нормагъа салмакъ бек къыйын, узакъ йылланы, гъатта асруланы талап этеген иш. Языву ёкъ тиллерде шо иш гъатта бир заманда да бажарылмай деп айтмагъа ярай.

Гъали бизин язывубуз, чалт оъсюп гелеген адабиятыбыз болса да, тилибизде буссагъатда да не айтылыши, не язылыши бир нормагъа тюшюп битмеген сёзлер бар. Шолай сёзлерде ошашли авазлар гъалиге бири-бири булан “эришип” тура, ёл къоймагъа сюегени де ёкъ: хурт-къурт, къомуз-хомуз, къапуста-хапуста, йилемке-гилевке, йимик-гимик, къурух-къурукъ, харш-харч, хомут-къамут, хашымакъ-къашымакъ, женгертеки-ченгертеки, балчыкъ-палчыкъ, перчин-берчин, калош-галош, жабар-чабар, гюнесув-гёнесув, гёбелек-гюмелек, ёгъесе-ёгъисе, жижек-жюжек, кёрага-кюргеге, гючюк-кючюк, магъала-махала, санта-сонта, санталыкъ-сонталыкъ, табанча-таманча, чопур-чупур, чончаймакъ-чонкъаймакъ, бузав-бизав, шурме-шюлме, эммек-эмгек ва ш.б.

Тас болагъан авазлар

Сёзде хоншу гелген эки башгъа аваз бири-бирине “гюч” этеген, бири-бирин оъзюне ошайгъан этеген күйлер бола. Шо къайдагъа ассимиляция деп айтыла. Масала, мунда,

янди, къындан, сандан, менде, сенден деп язсакъ да, мунна, янна, къыннан, саннан, менне, сеннен деп айтабыз. Шу сёзлерде н аваз артындагъы д авазны оъзюне ошайгъан этип къойгъан.

Аз буса да хоншу авазланы артдагъысы алдагъысын оъзюне ошатып къоягъан гезиклер де бола. Масала, къонмакъ, янма, тартынма, тынмакъ, илинме, кюйленмек деп язсакъ да, къоммакъ, яммакъ, тартымма, тыммакъ, илимме, кюйлеммек деп айтабыз. Шу сёзлерде м аваз алдындагъы н авазны оъзюне ошайгъан этип къойгъан.

Бир-бирде башлап артдагъы аваз алдагъысын, сонг алдагъысы артдагъысын оъзюне ошатып къоягъан күйлер бола. Шолай гезиклерде сёздеги янаша авазланы экиси де ёкъ болуп, орнуна ошашли башгъа авазлар гелип къала. Шолай болагъан күйлер къумукъ тилде бир нече бар.

1. Эгер биринчи сёз н авазгъа бите, экинчи сёз буса б аваз булан башлана буса, шо эки де сёзни къошуп айтгъанда, жан бар, къан бар, жан батыр, хан батыр, ян баш, он бир, он беш йимик сёзлер башлап, б авазны таъсири булан н аваз м авазгъа айланып, жамбар, къамбар, Жамбатыр, Хамбатыр, ямбаш, омбир, омбеш, сонг буса м авазны таъсири булан б аваз м авазгъа айланып, жаммар, къаммар, Жамматыр, Хамматыр, яммаш, оммир, оммешболуп къала.

Шулайлыкъда шо сёзлердеги башлапгъы н ва б авазлар ёкъ болуп, орнуна эки м аваз гелип токътай.

2. Алдагъы сёз павазгъа бите, артындагъы г авазгъа башлана буса, эки де сёзни къошуп айтгъанда, алып гел, берип гет, билип гир, къачып гет, гелип гёр, къагъып гир йимик сёзлер башлап, г авазны таъсири булан п аваз к авазгъа айланып, алыкгел, берикгет, биликгир, къачыкгет, геликгёр, къагъыкгир,

сонг буса, к авазны таъсири булан г аваз к авазгъа айланып, алышкел, бериккет, биликкир, къачыккет, геликкёр, къагъыккир болуп къала.

Натижада шо сёзлердеги башлапгъы п ва г авазлар тайып, Оланы орнун эки к аваз елеп токътай.

3. Сёзлерде т ва ч авазлардан сонг с аваз гелсе, олар биригип, ц авазгъа айланып къала, шо ц аваз да къатты, эки бар йимик эшитиле: къатса, атса, ятса, этсе, ачса, ичсе, гечсе, бичсе йимик сёзлер: къацца, ацца, яцца, эцце, ацца, ицце, гецце, бицце деп айтыла.

Демек, т, ч, с авазлар тайып, орнуна эки ц аваз гелип къала. Тек бу ерде бир затны эсгермеге герек. Ц аваз къошуулчан, т ва с авазлардан ясалгъан аваз. Шо саялы бу мисалларда янгы аваз амалгъа гелмей деп айтсакъ да янгылыш тюгюлбюз. Ч аваз да къошуулчан, т ва ш авазлардан жыйылгъан. Составында т авазны сеси болгъан сонг, о да алда айтылып гетген затгъа къыйышывлу гелип къала.

4. Н авазгъа битетен сёзлеге гъ, г авазлар булан башланагъан суффикслер къошуулгъанда, алгъангъа, баргъангъа, утгъангъа, гелгенге, бергенге, сёйлегенге йимик сёзлер, н ва гъ, н ва г авазлар биригип нг авазгъа (къалын ва инче вариантлары) айланып къалмакъдан алгъанга, баргъанга, утгъанга, гелгенге, бергенге, сёйлегенге деп айтыла.

Н авазгъа битетен сёзлеге къ ва г авазлар булан башланагъан сёзлер къошуулуп айтылгъанда да муна шолай бола: ондан къайры, сенден къолай, бишген къоз, гелген гиши, къутургъан гийик, батгъан геме йимик сёзлер оннангайры, сенненголай, бишгенгоз, гелгенгиши, къутургъангийик, батгъангеме деп айтыла.

Тек шу эки де мисалда да, алдагъы гезик йимик, башда бар авазлар тайып, орнуна бюс-бютюн янгылары геле деп токъташдырмагъа къыйын, неге тюгюл нг авазны составында н авазны сеси къала.

Бир-бирде биз, сёзню авазларына, оланы гезитине-ерине уйренип къалып, алышынгъанына тергев бермей де къоябыз.

Бу деген сёзнию падежлеге гёре тюрлендирип къарайыкъ гали:

Баш падеж – бу

Еслик падеж – муну

Багъым падеж – бугъар

Тюшюм падеж – муну

Ер падеж – мунда

Чыгъым падеж – мундан

Тергеп къарасакъ, у аваздан сонг н аваз геле буса, б аваз м авазгъа айланагъанын гёрюп турабыз, демек, сонорный (бурунлу) н авазны таъсири булан б аваз бурунлу м авазгъа айлангъан.

Ассимиляция къайдасы юрюлмейген ерде, масала гъайдакъ диалектде, шо сёзлерде б аваз сакълана:

Баш падеж – бу

Еслик падеж – буну

Багъым падеж – бугъар

Тюшюм падеж – буну

Ер падеж – бунда

Чыгъым падеж – бундан

Олай, олар, олагъа, оларда, олардан, онда, ондан йимик сёзлени биревлер алай, алар, алагъа, аларда, алардан, анна, аннан деп айтагъаныны себеби де шо сёзлердеги а авазны таъсири булан о аваз а авазгъа айланып гъалмакъадыр.

Къонакъ авазлар

Ассимиляция къайдасына гёре бир-бир авазлар ёкъ болуп къалагъанда йимик, бир-бир авазлар сёзлеге “къонакъ” гелип



къошулагъан кюйлер де бола.

Игит, илик сёзлени биревлер й авазны алдына, элли деген сёзню буса артына къошуп къоллайлар: йигит, иилик, эллий.

Дазу, бару деген сёзлени, у авазны таъсири булан в авазны къошуп, дазув, барув деп къоллайгъанлар да бола. Кюге къарагъанда, сув деген сёзде де в аваз муна шолай къолланагъан болуп къалгъан, неге тюгюл бир-бир тюрк тиллерде, масала азербайжан тилде, шо сёзню ахырында в аваз ёкъ: су.

Сёзлеге артыкъ авазлар янгыз асимиляция къайдасына гере тюгюл, башгъа себеплеке гёре къошулагъан кюйлер де бола.

Къумукъ тилде янаша эки тутукъ аваз булан башланагъан сёзлер болмай. Биз шолай сёзлени айтып уйренмегенбиз. Шо саялы башгъа тиллерден алынгъан сёзлени башында янаша тутукълар бар буса, оланы алдына и авазны къошуп айтабыз: истол, истакан, ишкала, ишкан.

Эгер тутукъ авазлар сёзню ортасында янаша гелсе, и аваз оланы арасына салына: закис (загс), Каспийск, кулуп (клуб).

Сёзнию ахырында буса къумукъ тилде тутукълар янаша гелмеге ярай, шо саялы да биз шолай сёзлени къыйналмай айтмагъа болабыз: торт, порт, сортва ш.б.

Язагъанда буса оырде эсгерилген айтылышы алышынагъан сёзлени орфография сёзлюкде гёрсетилген күйде язмагъа тюше.

Гаджими, Гажими?

Тюрк тиллерде ж аваз сёзню башында къатты, къалгъан еринде йымышакъ эшитиле. Масала, жан, жин, жам деген сёзлерде ж къатты, гъатта эки авазны (д ва ж авазланы) сесинден жыйылгъан йимик эшитиле. Шону айтагъанда тилни ал ягъы оырдеги тиш этлеге уруна ва бир мюгъетте буса да тыныш алыв да токътала.

Харж, гъужум, хужу деген сёзлерде буса ж йымышакъ. Ону айтагъанда тилни алды тиш этлеге урунмай, тыныш алыв да юкъталмай, тилни де, тиш этлени де арасындан гъава юрюп тура.

Шо саялы, биз эки ерде бир ж гъарпны къолласакъ да, руслар тюрк ва оызге тиллерден гелген сёзлени башында ж-ны орнуна эки гъарпны - дж-ны къоллай: джейран, джигит, джайлар, джинн ва ш.б.

Бара-бара шу зат адатгъа айланып, ж аваз сёзнию башында гелмесе де, руслар ону орнуна дж-ны къоллайгъан (язагъан ва айтагъан) болуп къалгъан: Гаджи, Аджам, Баджи, Мухаджир ва ш.б.

Тюз кююнде эте бусакъ, шо сёзлени Гажи, Ажам, Бажи, Мухажир деп къолламагъа герек эдик.

Сёз еринде эсгерип гетсек, ж, з авазлар рус тилде сёзнию ахырында алышынып, ж аваз ш йимик, з авазда с йимик эшитиле: блиндаш (блиндаж), монташ (монтаж), тас (таз), гас (газ).

Къумукъ тилде буса шо авазлар сёзнию ахырында алышынмай.

*Raиса БОРАГЬАНОВА,
Бабаюрт*

6-нчы класда «Къошма сёзлер» деген темагъа дарс

*Хазарлардан башлана
Къумукъланы тамуру.
Не ерлеге барса да,
Бар къумукъну абуру.
/Хасаева Г.З./*

Дарсны темасы: Къошма сёзлер.

Муратлары:

1. Къошма сёzlени гъакъындагъы билимлени теренлешдирив.
2. Оъзбашына пайдалы маълуматланы тапмагъа уйретив.
3. Ахтарыв ишлеге гъаваслыгъын артдырыв.
4. Яратывчулукъ пагъмуларын, гъислерин оъсдюрюв.
5. Ана тилине бакъгъан сюювюн артдырыв.

Къурулушуна гёре дарс «Янгы дарс англатыв», «Беклешдирив» бёлюклерден къатнашдырылгъан.

Дарсны масъалалары:

1. Масъаланы белгилев ва токъташдырыв.
2. Охув даражасына ва иштагълыкъларына гёре иш гёрюв.
3. Дарсны муратларын ва масъалаларын бирликде белгилев.
4. Темагъа гёре тюрлю къужурлу тапшурұвлар ойтгерив.

Ишге гъаваслыкъ: охувчуланы иштагълыгъы.

Дарсны натижасында мюлк этилекен билимлер: къошма сёzlени тюзъязылышы, авуз ва языв тилде къолланышы.

Мердешлени яратыв:

- берилген материаллар булан ишlev;
- оъзбашына масъаланы чечмеге ба жарывлукъ;
- пикрулашыв, анализ этив.

Къолланагъан техника ва охув- методика ясандырывлар:

- охув китаплар;
- компьютер;
- проектор.

Дарсны барышы:

1. Къурум мюгълет. Яшланы дарсгъа къуршав.
2. Муаллимни гиришив сёзю. Къаршылав.
3. Дарсны масъаласы ва муратлары булан таныш этив.
4. Янгы дарсны англатыв.
5. Беклешдирив.

Сёзню къайсы гесеги топуракъда бола?



Слайд 1. Шу терекни тамуруна къара-сагъыз, сизге сёzlени тамурун тапма кё-мек этежек.

Сёzlени языгъыз ва тамурун гёрсети-гиз. Бу сёzlени гъакъында не айтма бола-сыз?

Язда, язлыкъ, язбаш.

Бу сёzlени бир йимик тамуру бар – яз.

Язбаш деген сёз нече тамурдан этил-ген?

– Эки тамурдан.

Яшлар, нечик ойлашасыз, эки тамур-дан этилинген сёzlеге нечик сёzлер деп айтабыз.

– Къошма сёzлер.

Бугюн биз сизин булан къошма сёzле-ни уьстюнде ишлеккебиз.

Слайд 2. Ребусну чечигиз.

Нечик сёз болду? Языгъыз ва тамурун гёрсетигиз.

(Белбав), (Айгюл арив къызы).

Слайд 3. Ахтарыв ишден таба биз си-зин булан янгы сёzлер этеген къайдаланы табажакъбыз.

Сёzlени охугъуз ва гъар сёзде тамурну табыгъыз. Гъар тамурдан янгы сёз этигиз.

Бет (лицо)

Явлукъ (платок)

Къыз (девушка)

Таман (хватит)

Акъ (белый)

Чечек (цветок)

Къара (чёрный)

Къуш (птица)

Слайд 4. Адамны белгилери.

Сени къурдашынг нечик яшдыр? Сёз-лер язмакъ.

Дёгерекбет, узунчач, гёкгёз, къара-чач, ишсюймес, такъабаш.

Слайд 5. СЁZЛЕНИ ЕРЛЕРИНЕ САЛМАКЪ.

Къара

Баш

Аякъ

Къуш

Гече

Чач

Ялан

Гийим

Слайд 6. Яшланы ойларын теренлеш-дирив.

1. Къайсы къуш «Ёгъун» тай-дырса гъайвангъа айлана?

2. Къайсы къуш гюнге къар-шыдыр?

3. Тюкюреген гъайвандан «Этилген» лап да уллу къуш.

4. Къайсы обзенни ташыны тюсю бар?

Олар къошма сёзлерми?

Неche тамурдан этилген?

Къошма сёзлер кёбюсю гъал-да эки тамур сёзден биригип этиле. Шолай сёзлер бир маъна-ны англатады.

Къаракъуш, белбав, бугюн, терезе-баш.

Шу къошма сёzлер булан жумлалар тизмек.

Слайд 7. Ял алыв минут.

Къошма сёznю эшитсе – олтура, ёкъ буса – эретура.



ЧЕЧЕГЕН ЁММАКЪЛАР.

Тереклерде яшай,
Чертлевюк, къоз ашай,
Яшлар гёрюнсе, къача,
Бутакълардан уча.

Йырлай-йырлай яз ишлей,
Чечек-чечекни тишлей.
Солакъ-солакъ бере бал,
Ишлей гъар гюн, алмай ял.

Къапкъачлы – къазан тюгюл,
Сувда яшай – балыкъ тюгюл.

Аркъасында ую бар,
Алып гетеген кюю бар.

Узун бурунлу, инче тавушлу,
Ким ону оылтурсе,
Ол оъзюню къанын тёге.

«Зув-зув» этер, «зув» этер,
Зувуллап денгизден ойтер,
Бал ашама сюеген
Ону артындан етер.

Слайд 8. Айтывларда къошма сёзлер.
Къыйыкъсытылгъан къырда къалыр.
Балжибин де ишлемесе тишнемей.

Бугюнню тангаласы бар.
Ишсюймесни эл сюймес.

Слайд 9. ЖУМАНЫ ГЮНЛЕРИН ЯЗМАКЪ.

Нече тамурдан этилген?
Итнигюн, талатгюн, арбагюн, хамисгюн, жумагюн, сонгутгюн, къаттыгюн.

Слайд 10. Уйге иш:

Къошма сёзлерден этилген жанланы атларын язмаңыз.
МАСАЛА, ГЕЧЕКЪУШ.

Релаксация (савлай дарсгъа гёре):

-Дарсны магъа не пайдасы болду?
-Къужурлу тийген ерлерин эсгерив.
-Не йимик четимликлерин эсгерме боламан?

-Уйдеги ишиимде негер тергев бермегерекмен?.

Азиз халкъым, сизден тилевюм:
Ана тилни аявлагъыз, билигиз.
Неге тюгюл, аз бусакъ да дюньяда,
Бир заманда да четим этмес тилибиз.



Тематикалы планлар

Къумукъ адабият 7 клас (2 с)

<i>№</i>	<i>Гечилеген материал</i>	<i>СА Г্ АТ</i>	<i>З А М А Н</i>	<i>Сёзлюк иши</i>	<i>Байлавлу сёйлевню оысдюрюв</i>	<i>Къу- рал- лар</i>
	<i>1-2 четверть</i>					
1	<i>Англатыв дарс. Халқъ авуз яратывчулугъу. Вводный урок. Устное народное творчество.</i>	1		<i>Гъасил бола, журалары, фольклор, сигыру.</i>		
2	<i>Къумукъ мифлер. «Гёк бёрю», «Къылыч ургъан яр». Мифы кум. «Синий волк», «Скала, рассечённая шпагой».</i>	1		<i>Тухум, де- рия, anakъ, кюрчю.</i>	<i>Бырынгъы заман- дагъы халкъланы инанывлары гъакъ- да хабарлашыв.</i>	
3	<i>«Эмен терек».</i>	1				
4	<i>«Дуб».</i>	1		<i>Ичиргилер, ебелери, шам- ланып, чайна- рына.</i>		
5	<i>Къанна къазакъ йырлар. Гёнг.</i>	1		<i>Бёдене, тор- гъай, къуюш- гъан, айын- лар, меселин- де.</i>	<i>Къанна къазакъ й. маңнасын ачыв.</i>	
6	<i>Айгъазини йыры.</i>	1		<i>Кюстюн болгъан, тор ат.</i>		
7	<i>Песня Айгази.</i>	1		<i>Ясын, ябагъылы, алаша.</i>	<i>Йырны хабар этеп айтыв.</i>	
8	<i>Айгъазини йыры.</i>	1				

9	<i>Абдулланы йыры.</i> Эпос лирика. Песня Абдуллы.	1		<i>Гъайкел,</i> <i>олжа,</i> <i>сарасанлар,</i> <i>сынажа.</i>	<i>Ананы келпетин</i> <i>ачыв.</i>	
10	<i>Абдулланы йыры.</i>	1				
11	<i>Легендалар. «Таш</i> <i>улан» «Каменный</i> <i>мальчик».</i>	1		<i>Тулукълар,</i> <i>кериван.</i>	<i>Таш уланны</i> <i>келпетин ачыв</i>	
12	<i>Сочинение «Къумукъ</i> эпосда батырланы келпети». «Образ героев в кум. эпосе».	2				С
13		1				
14	<i>Й. Къазакъ. «Не би-</i> <i>лейим юз дынкъы бар</i> <i>ханланы».</i> «Как я мог <i>предвидеть коварство</i> <i>ханов».</i>	1		<i>Гюренлеге,</i> <i>алыс, дуван-</i> <i>сыз, макъар.</i>	<i>Шаирни шиърула-</i> <i>рыны терен маъна-</i> <i>сын ачыв.</i>	У
15	<i>«Гетгенибиз гёкиша ма-</i> <i>рал гюз эди».</i> «Осень <i>голубая, как марал».</i>	1		<i>Чер булан,</i> <i>гумарлап,</i> <i>салагъгъа</i> <i>къараваш,</i> <i>парз эди.</i>	<i>Шиъруда суратлав-</i> <i>ланы, ошатывла-</i> <i>ны табыв.</i>	
16	<i>«Гетгенибиз гёкиша ма-</i> <i>рал гюз эди».</i> Гёнг. 1 бёлюк.	1				
17	<i>Чебер охув дарс.</i>	1				
18	<i>Кл. тышда охув.</i> <i>Й. Къазакъны</i> <i>шиърулары.</i> <i>Вн. чт. Стихи</i> <i>И. Казака.</i>	1				P
19	<i>Къоччакъай Жамал-</i> <i>дин «Оълюп тирилген</i> <i>кююм».</i> <i>К. Джамалдин «Как я</i> <i>воскрес».</i>	1		<i>Бугъав, над-</i> <i>зиратель.</i>	<i>Шиъру язылгъан</i> <i>вакътини гъалиги</i> <i>заман булан тен-</i> <i>глешдирив.</i>	a
20	<i>«Оълюп тирилген</i> <i>кююм».</i>	1		<i>Эрмели,</i> <i>Бурав-къала.</i>		T



БИЗИН ТИЛ

21	<i>Абусупъян Акаев «Къылышкъ китап».</i>	1				
22	<i>«Къылышкъ китап»</i>	1			<i>Къылышкъ китапны тарбиялаб маңнасын ачыв.</i>	
	<i>Дагыстан халқъланы адабияттарындан</i>					<i>л</i>
23	<i>А. Къапуров. «Мени яшавум» «Моя жизнь».</i>	1		<i>Чарыкълар, шекирт, магарич.</i>	<i>Сюжетни гъакъ. англ. берив.</i>	<i>а</i>
24	<i>«Мени яшавум».</i>	1				
25	<i>З. Батырмурзаев. «Тангчолпан». «Утренняя звезда».</i>	1		<i>Тангчолпан, харап эт.</i>	<i>Атасы ва уланы Б-ны гъакъында лакъырлашыв ойтгерив.</i>	<i>p,</i>
26	<i>«Кериван гетди».</i> <i>«Караван ушёл»</i>	1		<i>Кериван.</i>		
27	<i>Сочинение «Къумукъ</i>					
28	<i>къагъруманлар» «Революционеры – кумыки».</i> <i>20-нчы асрудагъы адабиятдан</i>	2				
29	<i>А. Салаватов. «Къараач» 1акт</i> <i>«Караач».</i>	1		<i>Мадар эт-дик, маңдан, хан, вазир.</i>		<i>а</i>
30	<i>«Къараач» 2 акт</i>	1		<i>Къараваш, харлы этмек, нёкер, жыкъы</i>		
31	<i>«Къараач» 3 акт</i>	1			<i>Пъесаны аслу маңнасыны айланасында лакъырлашыв юрютюв.</i>	
32	<i>«Къараач».</i> 3 акт	1				
33	<i>Чебер кюйде рольлагъа гёре охувну устьюнде ишиев. Работа над выразит. чтением по ролям.</i>	1				<i>л</i>

34	<i>Аткъай.</i> «Мени халкъым». Гёңг.	1				в
35	«Къайырхан булакъ». «Родник Каирхана».	1		<i>Къалп ишелер, чо- мартлыкъ.</i>		
	<i>3-4 четверть</i>					
36	<i>Кл. тышда охув.</i> «Сотав булан Рашия».	1				
37	<i>М. Ягъияев. «Топуракъ сёйлей».</i> «Земля говорит».	1				б
38	«Топуракъ сёйлей».	1				
39	«Топуракъ сёйлей».	1			<i>Уллу Ватан давнұ йылларындағы къоччакълықъы, адамланы арасын- дагъы дослукъну гъакъында хабар- лав.</i>	
40	<i>Баммат Атаев. «Сапунтавну арсланы».</i> «Лев Сапун-горы».	1				
41	«Сапунтавну арсланы».	1			<i>Асарда Советлер Союзуну игити Абдурагъман Абдуллаевни Уллу Ватан давда гёр- сетген гъюнерлерин суратлав.</i>	
42	<i>К. Абуков «Очакъда от сёнгюнче».</i> «Пока горит огонь».	1		<i>Мюгълем, тиркелген, чийсынлыкъ.</i>	<i>Асарны чебер ала- маттарын табыв.</i>	о
43	«Очакъда от сёнгюнче».	1				
44	«Очакъда от сёнгюнче».	1				
45	<i>Кл. тышда охув. Б. Магъамматов «Атама кагъызы».</i>	1				



БИЗИН ТИЛ

46	М. Атабаев «Урлангъан ажжал».	1		Кулаклар, кюртлер, түл къалып.	Ватан давну игит- перини гъакъында лакъырлашыв.	
47	«Урлангъан ажжал» 2 б. Гёнг.	1				м
48	Сочинение «Поэмада	2				
49	почтальон яшины кел- пети».					
50	Агъмат Жачаев. «Бёрк бар сени башынгда». Гёнг.	1				п
51	«Мен къумукъман». Гёнг. «Я-кумык».	1			Ана тилни сюювге, оъктемликге чакъ- ырыв.	
52	Дагъыстан халкъланы адабияттарындан Багъавдин Митаров. «Билдиригиз до- слагъа». «Сообщите друзьям».	1		Жагъ, «Хейн- кенлер», топ – топхана.		
53	«Билдиригиз дослагъа».	1				
54	Кл. тышда охув.	2				
55	Гъ. Давутов. «Чиркей денгизни йыры».					
56	Изложение «Чиркей денгизни гёрюнюшю».	1				а
57	P. Гъамзатов «Къур- дашлыкъ гъакъда ёммакъ». «Сказка о дружбе».	1				
58	«Къурдашлыкъ гъакъда ёммакъ».	1				
59	Алирза Сайдов. «Гели- гиз, къурдашлар». «Приходите, друзья».	1			Асарны аслу маңнасы.	
60	Кадрия «Ананы оълю- вю». «Смерть матери».	1		Акъуба.	Балладада ананы келпети. Давну акъубаларын суратлав.	р

61	«Ананы овлюю». Гёнг.	1				
62	Кл. тышда охув. Жаминат Керимова «Къурчакъ ойнамайгъ- ан яши».	1				
63	P. Рашитов. «Адамгъа макътав». «Хвала человеку».	1		Периште, къул, чарыкълар		
64	«Адамгъа макътав».	1				
65	Къ. Мазаев. «Периште».	1			Гулини келпетин суратлав.	
66	«Периште».	1				
67	Кл. тышда охув. Б. Гъажиев. «Заманны къонгураву».	1				
68	Гечген дарсланы тактарлав.	1				



Къумукъ адабият 7 клас (1 с)

№	Гечилеген материал	СА Гъ АТ	З А М А Н	Сёзлюк иши	Байлавлу сёйлевниу оъсдюрюв	Къу- рал- лар
	1-2 четверть					
1	Англатыв дарс. Халкъ авуз яратывчулугъу. Вводный урок. Устное народное творчество.	1		Гъасил бола, журагалары, фольклор, сигыру.		
2	Къумукъ мифлер. «Гёк бёрю», «Къылыч ургъан яр». Мифы кум. «Синий волк», «Скала, рассечённая шпагой».	1		Тухум, де- рия, анакъ, кюрчю.	Бырынгъы заман- дагъы халкъланы инанывлары гъакъ- да хабарлашыв.	
3	«Эмен терек». «Дуб».	1				
4	Къанна къазакъ йырлар. Гёңг. Казацкие песни.	1		Ичиргилер, ебелери, шамланып, чайнарына.	Къанна къазакъ й. маңнасын ачыв.	
5	Айгъазини йыры. Песня Айгази.	1		Кюстюн бол- гъан, тор ат, ясын, алаша, ябагъылы.	Йырны хабар этип айтыв.	
6	Кл. тышда охув. Игит тарихи йырлар. Вн. чм. Песни о героях.	1				
7	Абдулланы йыры. Эпос лирика. Песня Абдуллы.	1		Гъайкел, олжа, сарасанлар, сынажа.	Ананы келпетин ачыв.	
8	Легендалар. «Таш улан» «Каменный мальчик».	1		Тулукълар, кериван.	Таш уланны келпетин ачыв	

9	<p><i>Сочинение «Къумукъ эпосда батырланы келпети». «Образ героев в кум. эпосе».</i></p>	1			
10	<p><i>Й. Къазакъ. «Не билейим юз дынкъы бар ханланы». «Как я мог предвидеть коварство ханов».</i></p>	1	<p><i>Гюренлеке, алыс, дувансыз, макъар.</i></p>	<p><i>Шаирни шиъруларыны терен маънасын ачыв.</i></p>	C
11	<p><i>«Гетгенибиз гёкша марал гюз эди» гёнг. 1 бёлюк. «Осень голубая, как марал».</i></p>	1	<p><i>Чер булан, гумарлап, салагъыза, къараваш, парз эди.</i></p>	<p><i>Шиърудада суратлавланы, ошатывланы табыв.</i></p>	y
12	<p><i>Кл. тышда охув. Й. Къазакъны шиърулары. Вн. чт. Стихи И. Казака.</i></p>	1			p
13	<p><i>Къоччакъай Жамалдин «Оълюп тирилген кююм». К. Джамалдин «Как я воскрес».</i></p>	1	<p><i>Бугъав, надзиратель, эрмели, Бурав- къала.</i></p>	<p><i>Шиъру язылгъан вакътини гъалиги заман булан тенглешдирив.</i></p>	a m
14	<p><i>Абусупъян Акаев «Къылышъ китап».</i></p>	1			
	<p><i>Дагъыстан халкъланы адабиятларындан</i></p>				л
15	<p><i>А. Къапуров. «Мени яшавум» «Моя жизнь».</i></p>	1	<p><i>Чарыкълар, шекирт, магарич.</i></p>	<p><i>Сюжетни гъакъ. англ. берив.</i></p>	
16	<p><i>З. Батырмурзаев. «Тангчолпан». «Кериван гетди». «На заре», «Караван ушёл».</i></p>	1	<p><i>Тангчолпан, харап эт, кериван.</i></p>	<p><i>Атасы ва уланы Б-ны гъакъында лакъырлашыв ойтгерив.</i></p>	



БИЗИН ТИЛ

17	<i>Сочинение «Къумукъ къагъруманлар» «Герои кумыков».</i>	1				
	<i>3-4 четверть 20-нчы асрудагъы адабиятдан</i>					
18	<i>А. Салаватов. «Къараач». 1акт. «Караач».</i>	1		<i>Мадар этдик, маңдан, хан, вазир.</i>		<i>а</i>
19	<i>«Къараач». 2 акт.</i>	1		<i>Къараваш, харлы этмек, нёкер, жыкъы</i>	<i>Пъесаны аслу маңнасыны айланасында лакъырлашыв юрютюв.</i>	
20	<i>Чебер кюйде рольлагъа гёре охувну устюнде ишлев. Работа над выразительным чтением по ролям.</i>	1				<i>п</i>
21	<i>Аткъай. «Къайырхан булакъ». «Родник Каирхана». «Мени халкъым». Гёнг.</i>	1		<i>Къалл ишпер, чомартлыкъ.</i>		<i>в</i>
22	<i>М. Ягъияев. «Топуракъ сёйлей». «Земля говорит».</i>	1				<i>б</i>
23	<i>Баммат Атаев. «Сапунтавну арсланы». «Лев Сапун горы».</i>	1				
24	<i>К. Абуков «Очакъда от сёнгюнче» «Пока горит огонь»</i>	1		<i>Мюгълем, тиркелген, чийсынлыкъ.</i>		<i>о</i>
25	<i>М. Атабаев «Урлангъан ажжал». 16. «Похищенная смерть».</i>	1		<i>Кулаклар, кюртлер, тул къалып.</i>	<i>Ватан давну игитперини гъакъында лакъырлашыв.</i>	

26	«Урлангъан ажжал». 2 б.	1			<i>m</i>
27	Сочинение «Поэмада почтальон яшины келпети».	1			
28	Агъмат Жачаев. «Бёрк бар сени башынгда». «Мен къумукъман». «Я – кумык».	1		<i>Ана тилни сюювге, оъктемликге чакъырыв.</i>	<i>л</i>
29	Дагъыстан халкъланы адабияттарындан Багъавдин Митаров. «Билдиригиз до- слагъа». «Сообщите друзьям».	1		Жагъ, «Хейн- кенлер», топ – топхана.	
30	P. Гъамзатов «Күурдашлыкъ гъакъда ёммакъ». «Сказка о дружбе».	1			<i>a</i>
31	Алирза Саидов. «Гели- гиз, къурдашлар». «Приходите, друзья».	1		<i>Асарны аслу маънасы.</i>	
32	Кадрия «Ананы оълювю». «Смерть матери».	1			<i>p</i>
33	P. Рашитов. «Адамгъа макътав». «Хвала человеку».	1		<i>Периште, къул, чарыкълар</i>	
34	Къ. Мазаев. «Периште».			<i>Гулини келпетин ачыв.</i>	



Къумукъ адабият 7 клас (2 с)

<i>№</i>	<i>Гечилеген материал</i>	<i>СА Гъ АТ</i>	<i>З А М А Н</i>	<i>Такрарлав</i>	<i>Сёзлюк иш</i>	<i>Байлавлу сёйлевню оъсдюрюв</i>	<i>Къу- рал- лар</i>
	<i>1-2-нчи четверть 6-нчи класда гечил- ген материалны тақрарлав</i>		<i>5с</i>				
<i>1</i>	<i>Къумукъ тилни лексикасы. Лексика. Сёз яратыв ватюзъязыв. (Лексика кум. яз. Словообр. и правописание).</i>	<i>1</i>		<i>6-нчи класда гечилген материалны тақрарлав</i>			<i>Т</i>
<i>2</i>	<i>Атлыкъ (Существительное).</i>	<i>1</i>		<i>Атлыкъны гъакъ. матны тақрарлав</i>			<i>а</i>
<i>3</i>	<i>Сыпатлыкъ (Прилагательное)</i>	<i>1</i>		<i>Сыпат- лыкъны белг. тақр.</i>			<i>б</i>
<i>4</i>	<i>Санавлукъ (Числительное)</i>	<i>1</i>		<i>Санавл. гъакъ. англ. тақрарлав</i>			<i>п</i>
<i>5</i>	<i>Орунча (Местоимение)</i>	<i>1</i>		<i>Орунчаны бёлюкл.</i>			<i>и</i>
<i>6</i>	<i>Б/С Байлавлу сёйлевню оъсдюрюв. Суратдагъы адамны уст гёрюньюшон суратлав. Сёзлюк диктанит. (Р/р. Работа по картине. Описание внешности.)</i>	<i>1</i>				<i>Суратгъа гёре хабар тизив</i>	<i>и, а, л, а, р,</i>

7	<p>Морфология ва тюзъязыв</p> <p>Ишик (глагол).</p> <p>Ишикни бетлеге ва санавлагъа гёре тюрлениши. (Спряжение глаголов).</p>	12 1	Ишл. зам. гёре тюрл.			к
8	<p>Ишикни бетлеге ва санавлагъа гёре тюрлениши. (Спряжение глаголов).</p>	1				а
9	<p>Бет къошуумчалар, оланы къолланышы. (Суффиксы личных глаголов, их употребление.)</p>	1	Парагр. 76	Алгъанман-дыр, алгъансандыр	Соравлагъа гёре язып жавап берив	р т
10	<p>Бет къошуумчаланы тюз язылыши. (Правописание личн. оконч. гл.)</p>	1	П. 77	Алгъанбыз (алгъаммыз) гелгенбиз (гелгеммиз)	Жумлалар тизив №332	о
11	<p>Гёчиом ва къалым ишиклер. (Переходные и не-переходные глаголы.)</p>	1	П. 81	Ялбарып.	Текстге гёре соравлар ва жаваплар языв	ч
12	<p>Ишикни даражалары. (Залог глаголов).</p>	1	П. 82	Толтур, гелтир, оълтиур, гёрсем, авдар, тургъуз, айттыгъыз чы, гелигиз чи.	Хабар тизив	к а



БИЗИН ТИЛ

13	<i>Ишикни багъышлары. Буйрукъ багъыш. (Наклонения глаголов. Повелительное накл.)</i>	1		П. 83		<i>Берилген сёзл. Булан ж. тизив. № 342</i>	п
14	<i>Изложение «Игит солдат». Бет. 44 (онгар.) «Смелый солдат».</i>	1					а
15	<i>Изложение (языв)</i>	1					р,
16	<i>Тилев багъыш. Ону къошма формасы. (Желательное наклонение).</i>	1		П. 84	<i>Юрюгюзсене, турсаны, болгъур.</i>	<i>Чебер охув № 345</i>	
17	<i>Диктант.</i>	1					
18	<i>Шарт наклонение. (Сослагательное накл.)</i>	1		П. 87			
19	<i>Хабар накл. Ону заманлары. (Изъявит. накл. Время глаг.)</i>	1					
20	<i>Хабар наклонение- ни простой ва- къошма формалары. (Простые и состав- ные формы гл. изъ- явит. накл.))</i>	1		П. 87	<i>Ала эди, геле эди, алажакъ, гележек.</i>	<i>Жаяланы ача- туруп, гёчию- рюп языв. № 391</i>	с
21	<i>Ишикни этилиши (Образование гл.)</i>	1		П. 75			у
22	<i>Инфинитив.</i>	1			<i>Билдири- ме- гэ, гёргэ- гэ, гёрсем- гэ.</i>	<i>Шиъруну че- бер охун, инф. табыв.</i>	р
23	<i>Инфинитивни жумлада къуллугъу. (Роль инф. в предл.)</i>	1				<i>Текстде инф. табыв.</i>	а
24	<i>Диктант.</i>	1					т

25	<p>Сынатишилик</p> <p><i>Сынатишиликни гъакъында англав. Сынатишиликде ишиликни ва сыматлыкъыны белгилери.</i> (Причастие. Призн. гл. и прил. в прич.)</p>	5с 1	 П. 38 П. 75	<p>Занғыр-зунгурлап, ялламай-гъан, пансыл-лайгъан.</p>	<p>Сынатишил. булангъы ж. тизив</p>	п
26	<p>Сынатишиликни заманлары ва оланы этилиши. (Времена прич. и их образование)</p>	1	<p>П. 39, 102</p>	<p>Баргъан адам, баражакъ адам.</p>	<p>Чебер охув</p>	
27	<p>Сочинение «Мени юртум».</p>	1			<p>Тил оъсдюорюв</p>	p,
28	<p>Сынатишиликни атлыкъыны орнунда къолланышы.</p> <p>(Употр. прич. вместо суц.)</p>	1	<p>П. 41, 104</p>			
29	<p>Сынатишиликни гелишлеге гёре тюрлениши ва тюрлю-тюрлю къошуумчаланы къабул этегенлиги.</p> <p>(Склонение прич. по падежам)</p>	1	<p>П. 43</p>	<p>Битмейген хазна, алгъанынг, тюшгенинг</p>		m
30	<p>Сынатишил. тюз язылыш. Правописание прич.</p>	1	<p>П. 44</p>			e
31	<p>Б/С Адабият игитте характеристика языв.</p>	1				c



БИЗИН ТИЛ

32	<i>Атишиликлер.</i> <i>Атишилкени гъакъында англав.</i> <i>Биринчи тайпа атишиликлер, оларны падежлеге гёре тюрлениши.(Именные гл., скл. по падежам)</i>	4с 1					<i>т</i> <i>л</i>
33	<i>Атишилкени экинчи тайпасы</i> <i>2-нчи тайпа атишил. этеген къошумчалар. (Суффиксы именных гл.)</i>	1		<i>П. 107</i>	<i>Масъала, себеби</i>	<i>Атишил. булан ж. тизив.</i>	<i>е</i>
34	<i>Тергев диктант.</i>	1					<i>p,</i>
	<i>3-4 четверть</i>	1					
35	<i>Атишиликде ишилкни ва атлыкъны белгилери. Атишиликни жумлада къуллугъу.</i> <i>(Признаки сущ. и гл. в им. гл. Роль им. гл. в предл.)</i>	1		<i>П. 23</i>	<i>Айтмакъ, айтмагъы, гелмегим.</i>	<i>Жумлалар тизив.</i>	<i>К</i>
36	<i>Гъалишилик.</i> <i>(Деепричастие)</i> <i>Гъалишиликни гъакъында англав.</i> <i>(Понятие о деепричастиях).</i>	4с 1				<i>«От салдылар» деген ат булан гиччи изложение языв.</i>	<i>а</i>
37	<i>Гъалишиликни ишилкге де, гъаллыкълагъа да ошайгъан хасиятлары.</i> (Признаки гл. и наречий в дееприч.)	1		<i>П. 75</i>	<i>Алгъасап, башлагъынча, гёргюнче</i>		<i>т</i>

38	<i>Гъалишиликни этилиши ва тюз язылыши. (Правописание деепр.)</i>	1	112			о
39	<i>Гъалишилики байламны гъакъында англав. (Понятие о деепр. обороте)</i>	1	П. 112	Башым экгемен, юхугъа батып.	Хабар тизив.	ч
40	<i>Сочинение «Мени къурдашым».</i>	1				
41	<i>Къошма ва кёмекчи ишиликлер. Кёмекчи ишиликленни гъакъында англав. Кём. ишл. биринчи ва экинчи тайпасы. (Понятие о вспомогательных гл.)</i>	4с 1		Башла- макъ, къал- макъ, чыкъ макъ	Къой, тур, гёр, иибер деген сёзлер булан жумл. тизив	ка
42	<i>Кёмекчи ишиликленни этилиши ва тюрлениши. Эди, экен кём. ишл. тюз язылыши. (Образование и правописание вспом. гл.)</i>	1	П. 114	Баргъан эди, гёрген эди, алгъан эди		п
43	<i>Къошма ишиликленни гъакъында англав, оланы этилиши ва тюрлениши. (Сост. гл., их образование)</i>	1				а
44	<i>Къошма ишилкленни тюз язылыши. Ишл. ж. къуллугъу. (Правописание. сост. гл., роль глаголов в пр.)</i>	1	П. 77			p,



45	Англатыв диктант.	1				
46	Гъаллыкъ. (Наречие) Гъаллыкъны гъакъында англав. (Понятие о наречии).	5с	1	П.100	Шосса- гъат, тан- гала, бу- гюн, бир- ден.	Берилген гъаллыкълар булан хабар тизив
47	Гъаллыкъланы бёлюклери. (Разряды наречий)	1			Бирдагъы, чийлейин.	a
48	Гъаллыкъланы бёлюклери.	1				
49	Гъаллыкъланы этилиши. Гъаллыкъ этеген къошумча- лар. Къошма гъал- лыкълар. (Образова- ние наречий. Суффиксы, образующ. Нареч.)	1		П. 102	Туврадан- тувра, ари- бери, эрте-геч.	Гъар сёз булан экишер жумла тизив
50	Б/С Гъаллыкъланы къоллап, авуздан хабар тизив.	1				п
51	Гъаллыкъланы тюзь- язылыши ва жумлада къуллугъу. (Правописание на- речий)	1		П. 119	Нечакъы, тангала, бирисигюн	Тав, гюн деген сёзл. гъал- лыкъ- лар этив
52	Тергев диктант.	1				
53	Кёмекчи тил гесеклер Кёмекчи тил гесе- клер. Тиркевючлер. (Служ. части речи. Послелог).	1		П. 75		Кёмекчи тил гесимлени къоллап ж. тизив.
54	Тиркевючлени сёйлевде къолланышы. (Применение послелогов в речи)	1			Тиркевюч- лери булангъы ж. тизив.	а л

55	<i>Тирк. де, башгъа тил гесимл. де къул. кют.сёзл. (Слова, употр. вместо послелогов и др. частей речи)</i>	1					<i>a p,</i>
56	<i>Тиркевючлени тюз язылыши (Правописание послелогов).</i>	1			<i>Йимик, булан, аялы, себепли.</i>		<i>m</i>
57	<i>Сочинение</i>	1					
58	<i>Кёмекчи атлар. (Служебные слова)</i>	1				<i>Кёмекчи атл. сёйл. къоллав.</i>	<i>e</i>
59	<i>Байлавучлар (Союзы) Байлавучланы гъакъында англав. (Союзы. Понятие о союзах)</i>	3с	<i>Алда -гъы кл. гечил -ген мат. такрарл</i>	<i>Шо саялы, шо себепли, амма.</i>	<i>Байлавучла- ны жумлала- ны бёлюклер- тин, жумлала- ны бир жынслы уъюрлерин</i>		<i>c</i>
60	<i>Байлавучланы тюрлюлери (Разновидности союзов)</i>	1				<i>байламакъ учун къоллав.</i>	
61	<i>Булан, бир, да, де, не деген сёзлени байл. ролюнда къолланышы. (Употребление некоторых слов в роли союзов)</i>	1			<i>Алам да, къалам да.</i>		<i>m</i>
62	<i>Гесекчелер (Частицы) Гесекчелени гъакъында англав. Башгъа тил г. ва гесеки. къуллугъунда къолланышы. (Понятие о ч.)</i>	2с	<i>П.130</i>	<i>Бар чы, ал чы, дюр хари, гел дагъы.</i>	<i>Гесекчелени къоллап жум- лалар тизмек</i>		<i>л</i>
63	<i>Гесекчел. тюз язылыши. (Правописание частиц)</i>	1					



БИЗИН ТИЛ

64	Б/С Адабият и гит- ге авуздан характе- ристика берив. (Характеристика лит. героя).	1					e
65	Уынлюклер Оланы сёйлевдеги къуллугъу. Гъис ан- глат., тюрлю авазл. гёрсөт. уынл. (Междометия. Междометия, обозн. разные чувства, звуки).	2с 1		Bax-x-x, чыши-ш, так-тух, в-ш-ш.	Уынлюкле-ни сёйлевде къол- лав, оланы тиз айырыв		p.
66	Уынл. интон. якъ- дан айырыв, оланы янында токътав белгилер.(Знаки препин. при межд.)	1			Огъ, ай, воллагъ.		
67	Тергев диктант.	1					
68	Б/С Байлавлу сёй- левню уьстюндө ишлев. Тактарлав. Р/Р. Повторение.	1					

*Абдулкерим САЙИТОВ,
педагогика илмұлданы кандидаты*

Къумукъ тилден тергев тестлер

Шу тестлер къумукъ тилни школа программына гёре тизилген. Муаллим оланы, оғындурунан гёре алышдырып, тынчлаштырып, къыстырып, толумлаштырып, 5-11- нчи класларда къолламағы бола. Тестлер аслу гылда лексика, морфология ва синтаксис бёлюклени къуршай, тек тилни оғызге бёлюклерinden де аз буса да материал берилген.

Тестлени дарсны къайсы бёлюгүнде де, уйге иш гысапда да, уылгю гысапда, олимпиаларда да къоллама ярай. Ондан къайры, бу ишлер муаллимни оғындурун билимлерин камиллештириле де көмек этежек.

Тестлени төз жаваплары къалын шрифт булан белгиленген, жумлаларда соравланы жаваплары курсив булан гөрсетилген.

Авазлар ва гъарплар

1. Къумукъларорусязывнукюрчюсүндеги алифбагъа къайсы йыл гёчген:

А - 1926; Б - 1928; В - 1938; Г - 1946.

2. Къумукъ алифбада нече гъарп бар:

А - 33; Б - 36; В - 38; Г - 39.

3. Къумукъ тилде нече инче созукъ бар:

А - 5; Б - 4; В - 6; Г - 3.

4. Къумукъ тилде нече къалын созукъ бар:

А - 5; Б - 4; В - 6; Г - 3.

5. Къайсы сёзни айтылышинда санғырав тутукъ янғырав жутуна айлана:

А - авлакъда; Б - къаракъуш; В - биразгъа; Г - уystден.

6. Къайсы сёзни айтылышинда янғырав тутукъ санғырав жутуна айлана:

А - авлакъда; Б - къаракъуш; В - биразгъа; Г - уystден.

Лексика

7. «Белет» деген сёзни маънасы нечиқдир:

А - белгили; Б - бажарывлу; В - пайлантан; Г - ортасындағы.

8. «Айбат» деген сёзни маънасы нечиқдир:

А - уллу; Б - исбайы; Б - гайран; Г - бек тизив.

9. «Талай» деген сёзни маънасы нечиқдир:

А - къайгъы; Б - насиp; В - гюнагъ; Г - къысмат.

10. «Авзун ачса, оыпкеси гёрюне» деген бирикген сёзтагъымны маънасы:

А - семиз; Б - арыкъ; В - таза; Г - юкъкъа.

11. Бирикген сёзтагъымны маънасы:
Отдан гёлек гиймек.

А - беземек; Б - бек къарсаламакъ; В - азмакъ; Г - бийик болмакъ.

12. Бирикген сёзтагъымны маънасы: Ит оылган ер.

А - нас ер; Б - йыракъ ер; В - чёплюк; Г - ювукъ-ара.

13. Шу бирикген сёзтагъымны къайсы сёзю тюшюрүлген: Этин... ашамакъ.

А - биширип; Б - асып; В - къызартып; Г - чийлей.

14. Шу бирикген сёзтагъымны къайсы сёзю тюшюрүлген: Тирменчини... дерти.

А - будай; Б - сув; В - гъабижай; Г - ун.

15. Шу бирикген сёзтагъымны къайсы сёзю тюшюрүлген: Талайына... явмакъ.

А - таш; Б - янгур; В - къар; Г - къоз.

Сёзни тизими

16. Тюпдеги сёзлерден шулай тизими булангъысын тап: тамур + сёз этеген къошумча + сёз этеген къошумча + сёз



тюрлendirеген къошумча:

А – толкъунлана; Б – талавурчулар; В – бабаортлуланы; Г – яшавубуз.

17. Тюпдеги сёзлерден шулай тизими булангъысын тап: тамур + сёз этеген къошумча + сёз этеген къошумча + сёз этеген къошумча:

А – учгъунлары; Б – гёзлейгенлер; В – япсарындан; Г – татывсузлукъ.

18. Тюпдеги сёзлерден шулай тизими булангъысын тап: тамур + тамур + тамур + сёз этеген къошумча:

А – сувсепгич; Б – къызызында; В – тёксувотарлы; Г – башалманчылыкъ.

Тил гесимлер

19. Къумукъ тилде нече тил гесим бар:

А – 8; Б – 9; В – 10; Г – 11.

20. Тюпдеги жумлада гезигине гёре къайсы сёз кёмекчи тил гесим бола:

Къачакълар артын ерли тартылды:

А – 1; Б – 2; В – 3; Г – 4.

21. Тюпдеги сёзлерден гъаллыкъны гёрсет:

А – ачувланып; Б – сакълангъан; В – хапарсыздан; Г – дымлы.

22. Тюпдеги жумлада гезигине гёре къайсысы модаль сёз бола:

Бизге тез етишмеге тарыкъ:

А – 1; Б – 2; В – 3; Г – 4.

23. Тюпдеги жумлада гезигине гёре къайсы сёз сыпатлыкъ бола:

Оьтесиз къыйывсуз адам эди:

А – 1; Б – 2; В – 3; Г – 4.

25. Тюдеги жумлада нече кёмекчи тил гесим бар:

Гъали Зайнап бизге чи нечик де гелмей, гъатта хапарсыз орамда гёрсе де, ёл ташлап гете. (У. Мантаева.)

А – 2; Б – 3; В – 4; Г – 5.

26. Тюпдеги жумлада толу маъналы нече тюрлю тил гесим бар:

Аналаны къарынларын къайнатып,

Къара ерни къарынына тиргенбиз.

Яшав бизге инг де арив вакътиде

Яшав учун яш жаныбыз бергенбиз. (М. Атабаев.)

А – 3; Б – 4; В – 5; Г – 6.

27. Къумукъ тилде къайсы тил гесим лап да кёп къоллана:

А – атлыкъ; Б – сыпатлыкъ; В – ишлик; Г – санавлукъ.

28. Шу жумлада нече атлыкъ бар:

Жувуп шонда бетим - башымны да, мичари – согъян булан ачкъарын да бузуп, артындан къангъынча сув да ичип, пунцадай болдум. (И. Керимов.)

А – 3; Б – 4; В – 5; Г – 6.

Тюзъязыв

29. Сёзлени тюз языгъыз; къошуулуп языла буса, шу + белги салына; къысгъа гызыз оъзю салына; тюз буса, кюонде къала.

1 – салам...алейкум, 2 – авуздан...авузгъя, 3 – бир...нече, 4 – къан...тамур, 5 – гъар...бир, 6 – гъар...ким, 7 – къатын...гиши, 8 – ким...биди (этмек), 9 – инжи...чечек, 10 – сала...оъзден.

1	2	3	4	5	6	7	8	9	10
+	-	+	-	+	+	+	+	+	+

30. Сёзлерде къутгъарылгъан гъарпланы языгъыз; къутгъарылмагъан буса, тюз язылышин гёрсетигиз: къошуулуп языла буса, шу + белги салына; къысгъа гызыз оъзю салына; тюз буса, кюонде къала.

1 – сыйырт...ыч, 2 – йырт...ыч, 3 – йылан..балыкъ, 4 – кюл..сыпат,

5 – къатын...къыз, 6 – Узай...булакъ, 7 – такъал...бакъа, 8 – къабан...тиш, 9 – къам...чү, 10 – тонкъ...тонкъ (къуш), 11 – бир...нече, 12 – гъар...ким.

1	2	3	4	5	6	7	8	9	10	11	12
къ	гъ	+	+	-	+	+	ы	+	у	+	

31. Сёзлерде къутгъарылгъан гъарпланы языгъыз; къошуулуп языла буса, + белги салына; къысгъа гызыз оъзю салына; тюз буса,

куюнде къала.

1 – Адил...гъажи...отар, 2 – Баммат...
бек...юрт, 3 – таш...къабакъ,
4 – баш...алман, 5 – ойгюз...емиш, 6 –
ибыгъал...ы, 7 – къаны...жаны, 8 – гъапур...
чупур, 9 – ёнг...урчкъа, 10 – жыкты...баш,
11 – ич...май, 12 – къынг...ыр.

1	2	3	4	5	6	7	8	9	10	11	12
+	+	+	+	ь	л	-	-	+	+		

Жумла. Сёзлени байлаву

32. Тюпдеги сёзтагъымлар нечик байлав
булан байлангъан:

къатты юхлай, юрт тувар, шагъар баву,
беш яш, кюлей – ойнай гелелер:

А – тизилив; Б – башчылыкъ; В –
янашыв; Г – иерив.

33. Тюпдеги сёзтагъымлар нечик байлав
булан байлангъан:

еринден тербенмей, кёкге учурду, дарс
башладыкъ, дентизде кириндик:

А – тизилив; Б – башчылыкъ; В –
янашыв; Г – иерив.

34. Тюпдеги сёзтагъымлар нечик байлав
булан байлангъан:

Али де, Умар да; я сен, яда мен; Сотов
булан Рашия; гелди, ашады, гетди:

А – тизилив; Б – башчылыкъ; В –
янашыв; Г – иерив.

35. Шу жумлада нече сёзтагъым бар:

Гъай балаларым, сиз, озокъда, не билесиз,
гъали де авзугъуздагы сарилеригиз
таймагъан яшларсыз. (Аткъай.)

А – 2; Б – 3; В – 4; Г – 5.

36. Шу жумлада нече сёзтагъым бар:

Юхусу къачар йимик, Инив юзге
чыкъгъан, къавжагъан къарт да тюгюл. (У.
Мантаева.)

А – 3; Б – 4; В – 5; Г – 6.

37. Шу жумлада нече сёзтагъым бар:

Танг къата, хоразлар къычыра, къойланы
мангырайгъан авазлары эшитиле. (У.Мантае-
ва.)

А – 2; Б – 3; В – 4; Г – 5.

Простой жумла

38. Тюпдеги сёзтагъымлардан жумланы
грамматика тюбю болуп болмай:

А – аты бар; Б – кюлю тёбе болмас; В –
умутлары уллу; Г – сув ичире.

Тюпдеги сёзтагъымлардан эки бёлюклю
жумланы гёрсетигиз:

А – агъач гесе; Б – авлакъ сюрюле; В –
чыкъгъан эди; Г – этген ишинг

39. Простой жумланы гёрсетигиз (токътав
белгилер салынмагъан):

А – Гелсе гетер. Б – Гелсе гетербиз. В –
Къызыым сагъа айтаман гелиним сен тынгла
(айтыв). Г – Мен гелгинче олтур.

40. Шу жумланы хабарлыгъы нече сёзден
этилген:

Хасай, аранда яшынып, Марьянгъа
тюбек гёзлеп тура болгъан экен. (К.Абуков.)

А – 2; Б – 3; В – 4; Г – 5.

41. Шу жумланы хабарлыгъы нече сёзден
этилген:

Ону уланы Расул, институтту битдирип,
юргъа агроном болуп къайтды. (М.
Гьюсейнов.)

А – 1; Б – 2; В – 3; Г – 4.

42. Шу жумлада нече толумлукъ бар:

Гъакъыллары етип, арслан тутса да,
Гъайтевлюкге аты айтылыр касипни.
(Й.Къазакъ.)

А – 1; Б – 2; В – 3; Г – 4.

43. Шу жумлада нече белгилевоч бар:

Биз аридеги, айланасы отлавлар булан
къуршалгъан отаргъа гёчдюк. (А.
Сулейманов.)

А – 2; Б – 3; В – 4; Г – 5.

44. Шу жумлада нече гъал бар:

Къунанлайын къозалакъга екдирип,

Дюньяланы тюрлю азабын чекдирип,

Чинк артында чырмап – гюрмеп
ийбердинг

Чинк гавурну Сибирь деген ёлuna...

(Й.Къазакъ.)



БИЗИН ТИЛ

А – 2; Б – 3; В – 4; Г – 5.

45. Шу жумладагъы гъал къайсы бёлюкге гире:

Арив, исбайы къаркъара сувда йибигенде йимик бюрюшген эди. (Р.Расулов.)

А – заман; Б – ошатыв; В – оылчев – даражада; Г – мурат.

46. Шу жумладагъы гъал къайсы бёлюкге гире:

Гирип барсам ата юртгъа аявлу,

Аявлум кёп, бир аявлум етишмей. (М. Атабаев.)

А – заман; Б – ер; В – оылчев; Г – мурат.

47. Шу жумладагъы гъал къайсы бёлюкге гире:

Хизири юртгъа гелген сайын Уллубийни савлугъун сорай эди.

(Р. Рашидов.)

А – кюй; Б – оылчев; В – ер; Г – заман.

48. Шу жумладагъы гъал къайсы бёлюкге гире:

Абурэтгени саялы биревде оъзденлигинден тёбен тюшмеген. (Ш.Альбериев.)

А – мурат; Б – себеп; В – кюй; Г – заман.

49. Шу жумладагъы гъал къайсы бёлюкге гире:

Асгерлеребиз бир къарышгъа да артгъа тартылмады. (И.Керимов.)

А – мурат; Б – заман; В – ер; Г – оылчев – даражада.

50. Жумладагъы бир жынслы уюрлер къайсы байлавучлар булан байлангъан:

О заманда байлар учун хас эди

Той да, кеп де, гъар-бир тюрлю макътав да... (А.Сулейманов.)

А – айырагъан; Б – къошагъан; В – къаршылыкълы; Г – иертеген.

51. Жумладагъы бир жынслы уюрлер къайсы байлавуч булан байлангъан:

Эки сёз айт, тек сав деп айт, тилеймен... (А.Сулейманов.)

А – къошагъан; Б – айырагъан ; В – къаршылыкълы; Г – иертеген.

52. Жумладагъы бир жынслы уюрлер къайсы байлавучлар булан байлангъан:

Ошамай чы магъа не гёз, не де къаш... (А.Сулейманов.)

А – айырагъан; Б – иертеген; В – къаршылыкълы; Г – къошагъан.

53. Жумланы уюрлери булан грамматика якъдан байланмагъан сёзлер:

А – чакъырыв сёз; Б – модаль сёз; В – гесекче; Г – уынлюк.

54. Жумланы уюрлери булан грамматика якъдан байланмагъан сёзлер:

А – гиришген сёз; Б – байлавучлар; В – уынлюклар; Г – тиркевюч.

55. Бир баш уюрю – хабарлыгъы булангъы жумлалар нече тюрлю бола:

А – 1; Б – 2; В – 3; Г – 4.

56. Шу жумла бир баш уюрю булангъы жумлаланы къайсы бёлюгюне гире:

Сүйсент баштигингден туруп юрю!.. (К. Абуков.)

А – белгили бетли; Б – ортакъ бетли; В – белгисиз бетли; Г – бетсиз.

57. Шу жумлалар бир баш уюрю булангъы жумлаланы къайсы бёлюгюне гире:

Солдатлайын тизип ойнатдылар,

Къазанлайын ичибиз къайнатдылар... (Й.Къазакъ.)

А – бетсиз; Б – белтили бетли; В – ортакъ бетли; Г – белгисиз бетли.

58. Шу жумла бир баш уюрю булангъы жумлаланы къайсы бёлюгюне гире:

Атанг булан макътана, атынг булан макътан. (Айтыв.)

А – ортакъ бетли; Б – бетсиз; В – белгили бетли; Г – белгисиз бетли.

59. Шу жумла бир баш уюрю булангъы жумлаланы къайсы бёлюгюне гире:

Шолай сорамагъа магъа негер тарыкъ эди. (М.Ягияев.)

А – белгили бетли; Б – бетсиз; В – бетли; Г – ортакъ бетли.

60. Шу жумлалар бир баш уюрю булангъы жумлаланы къайсы бёлюгюне

гире:

Мармар къала. Ап – акъ шиша уййлер. Къыяматгюн чакъы жин урлукъ.

А – бетсиз; Б – белгисиз бетли; В – ат; Г – ортакъ бетли.

Къошма жумла

61. Къошма жумланы гёрсетигиз (токътав белгилер салынмагъан):

А – Асилбалыкъ балагъа тююр ташлайгъан вакъти.

Б - Нечакъы айтса да хоншу сонг да о бизде элни адаты.

В – Къурман бизин арабызда ёкъну англайман тек шогъар юрегим булан инанып битмеймен. (И.Казиев.)

62. Къошма жумланы гёрсетигиз (токътав белгилер салынмагъан):

А – Тюбек урса тиймежек.

Б – Муна инивюм ювукъ – досгъа да шулай яман атлы болма тюше. (К.Абуков.)

В – Геч ятгъанда гёзюне кёп заман юху гелмей. (И.Казиев.)

63. Тюпде берилген жумла къошма жумланы къайсы журасыдыры:

Гъакъылдан уллу байлыкъ да ёкъ, билимден уллу хазна да ёкъ. (Айтыв.)

А – тизилген къошма; Б – иерченли къошма; В – байлавучсуз къошма.

64. Тюпде берилген жумла къошма жумланы къайсы журасыдыры:

Воллагыи, уланынг сени ажайып сагъынгъан, Ажай, яда эрке уйретгенге ошайсан. (И.Казиев.)

А – тизилген къошма; Б – иерченли къошма; В – байлавучсуз къошма.

65. Тюпде берилген жумла къошма жумланы къайсы журасыдыры:

Ким биле: гёзге шолай гёрюне. (И.Казиев.)

А – тизилген къошма; Б – иерченли къошма; В – байлавучсуз къошма.

66. Бёлюклери байланагъан кююне къарап, къошма жумлалар шулай бола:

А – тизилген ва иерченли къошма

жумлалар;

Б – байлавучлу ва байлавучсуз къошма жумлалар;

В – бир жынслы ва бир жынслы тюгюл бёлюклери булангъы жумлалар.

67. Къошма жумланы бёлюклерини арасындағы маъна ва синтаксис аралыкълар нени кёмеклиги булан гёрсетиле:

А – байлавучланы ва байлавчу сёзлер булан;

Б – байлавучланы, интонацияны ва бёлюклени гезиги булан;

В – байлавучланы, байлавчу сёзлени, интонацияны ва бёлюклени гезиги булан.

68. Къайсы къошма жумланы бёлюклери бир – бирини ичине гирип бола:

А – тизилген къошма жумланы;

Б – иерчен къошма жумланы;

В – байлавучсуз къошма жумланы.

69. Шу къошма жумланы бёлюклери не булан байлангъан:

Эсиргенге болма ярай, гъатта ону гёзлери сувланма аз къалды. (И.Казиев.)

А – гесекче булан; Б – байлавчу сёз булан; В – тизеген байлавуч булан;

70. Къурулушуна гёре шу жумла:

Олай болгъанда, мен военкоматгъа, сонгдарайком профсоюзгъада етишежекмен. (И.Казиев.)

А – иерченли къошма жумла; Б – тизилген къошма жумла;

В – простой (тиришив сёз, бир жынслы уюрлер булан четимлешген).

71. Тизилген къошма жумланы бёлюклери...

А – тенг ихтиярлы;

Б – бир бёлюгю башгъасына таби бола;

В – биринчи бёлюгю аслу деп тьисаплана.

72. Тизилген къошма жумлада къайсы байлавучлар къолланмай:

А – ва, да, де, гъам, булан; Б – тек, амма, буса;

В – неге тюгюл, шону учун, шо себепден.

73. Иерченли къошма жумлада къайсы



байлавучлар къолланмай:

- А – ким, не, деп, нече - шончакъы;
- Б – сонг да, яда, ва амма, бир - -бир ;
- В – учун, шо себепден, неге десе.

74. Тизилген къошма жумлада байлавучлар болуп болмай:

А - гъаллыкъ; Б – гесекче; В – гъал ишлик; Г – сыпат ишлик.

75. Иерченли къошма жумланы бёлюклерин байлай:

А – иертеген ва тизеген байлавучлар;

Б – иертеген байлавучлар ва байлавчу сёзлер;

В – янгыз иертеген байлавучлар.

76. Тюз ой къайсыдыр:

А – иерчен бёлюк баш бёлюкню алдында, артында, ичинде гелме бола.

Б – иерчен бёлюк баш бёлюкню ичинде гелме болмай;

В – иерчен бёлюк гъар заман баш бёлюкден сонг геле.

77. Къайсы иерчен бёлюгю булангъы къошма жумладыр:

Ким ишлей – шо ашай. (Айтыв.)

А – иерчен шарт; Б – иерчен иеси; В – иерчен хабарлыкъ.

78. Къайсы иерчен бёлюгю булангъы къошма жумладыр:

Сен къайтгъан деп, эшитип гелгенбиз.

А – иерчен заман; Б – иерчен гъал; В – иерчен толумлукъ.

79. Къайсы иерчен бёлюгю булангъы къошма жумладыр:

Геч ятгъанда гёзюнге кёп заман юху гелмей. (И.Казиев.)

А – иерчен ер; Б – иерчен вакъти (заман); В – иерчен кюй.

80. Къайсы иерчен бёлюгю булангъы къошма жумладыр:

Разведчиклер тюрлю – тюрлю ябушув къайдаланы уйрене туруп, арадан кёп заман гетди. (И.Керимов.)

А – иерчен кюй; Б – иерчен вакъти; В –

мурат.

81. Къайсы иерчен бёлюгю булангъы къошма жумладыр:

Не ерде иш артда гёрюнсе, агроном, бир де къарамай, шонда тербене. (И. Керимов.)

А – иерчен кюй; Б – иерчен шарт; В – иерчен ер.

82. Тюпде берилген къошма жумланы нече бёлюгю бар:

Къурман уйден таймай турмаса, бажарылмады; гертиси, шагъаргъа барма юрги гъасирет, неге тюгюл де, бир янындан-военкомат, сонг да, ишни гъайын этмесе, бажарылмай. (И.Казиев.)

А – 3; Б – 4; В – 5; Г – 6.

83. Шу жумланы бёлюклери нечик байлангъан (токътав белгилери салынмагъан):

Гече ятгъанда гёзюне юху гелмей эртен буса тез уяна. (И.Казиев.)

А – иертив ёлу булан;

Б – тизилив ёлу булан;

В – иертив ёлу ва интонация булан;

Г – иертив ва тизилив ёлу булан.

84. Бир нече иерчен бёлюклери булангъы къошма жумлада иерчен бёлюклери бир жынслы бола, эгер...

А – баш бёлюкню башгъа – башгъа сёзлерине байланып гелсе;

Б – баш бёлюкню бир сёзюне байланып гелсе;

В – савлай баш бёлюкге байланып гелсе;

Г – баш бёлюкню бир сёзюне яда савлай озюнене байланып гелсе.

85. Бир нече иерчен бёлюклери булангъы къошма жумлада иерчен бёлюклери, teng ихтиярлы болуп, бир жынслы болмай, эгер...

А – баш бёлюкню башгъа – башгъа сёзлерин ачыкъ этип гелсе;


Б – баш бёлюкню бир сёзюн ачыкъ этип гелсе;

В – баш бёлюкню башгъа – башгъа



сёзлерин ачыкъ этип яда бир бёлюгю савлай баш бёлюкнү ачыкъ этип, биревюсю буса – ону бир сёзюн ачыкъ этип гелсе.

86. Шу схема иерченли къошма жумланы къайсы журасын гёрсете:



А – даражалы иерив;
 Б – teng ихтиярлы (бир жынслы) иерив;
 В – teng ихтиярлы (бир жынслы тюгюл) иерив.

Баш бёлюк

| |

иерчен бёлюк иерчен бёлюк

А – teng ихтиярлы иерив (бир жынслы);
 Б – даражалы иерив;
 В – teng ихтиярлы (бир жынслы тюгюл) иерив.

88. Шу схема иерченли къошма жумланы къайсы журасын гёрсете:

Баш бёлюк

|

иерчен бёлюк

|

иерчен бёлюк

А – даражалы иерив;
 Б – teng ихтиярлы (бир жынслы иерив);
 В – teng ихтиярлы (бир жынслы тюгюл) иерив.

89. Шу схема иерченли къошма жумланы къайсы журасын гёрсете:

Баш бёлюк ----- Баш бёлюк

| |

иерчен бёлюк иерчен бёлюк

А – teng ихтиярлы (бир жынслы) иерив;
 Б – даражалы иерив булан байлангъан;
 В – иертив ва тизилив ёлу булан байлангъан;

Г – teng ихтиярлы (бир жынслы тюгюл).

90. Тюпде берилген иерченли къошма жумла, бёлюклери байлангъан кюоне къарап, къайсы журагъа гире:

Ондан къайры, бу бир йылдан да артыкъ улав къалып турғаннны, ону уьстюне ер салынмагъаннны, гъали – гъалилерде тайланы ашамагъа къарап айланагъан бир бёрюнү таптап оылтургенни де Атай кёп яхши биле. (Ю. Гереев.)

А – даражалы иерив;

Б – бир жынслы иерив;

В – бир жынслы тюгюл иерив.

91. Байлавучсуз къошма жумланы гёрсетигиз (токътав белгилер салынмагъан):

А – Муна балам бир аллагысен сакъ бол сындырып къоясан сонг да тюонде Дусягъа янгы бишлакъ. (И.Казиев.)

Б – Бираз арекде къыр гъайва бир ийис ура бир ийис! (К.Абуков.)

В – Ярай буса сизге тилев бу гъакъда бизге билдиригиз. (Аткъай.)

Г – Мени къурдашларым Агъмат Къадир Магъаммат Паша бары да юртда яшайлар. (М.Ягъияев.)

92. Байлавучсуз къошма жумланы биринчи бёлюгюне тюпден экинчи бёлюгюн табыгъызы:

Ай тувду – шоссағъат...

А – айлана якъыны шыплыкъ къуршады.

Б – биз ёлгъа тюшдюк.

В – мен ону заманында эс этмедин.

93. Тюпде берилген жумланы бёлюклерини маъна аралыкъларын белгилегиз:

Уллу шатлыкъ жыйын болду: школаны футбол командасты биринчи ерни алгъан эди. (И.Керимов.)

А – ишлени, гъалланы гезигине гёре санап геле;

Б – экинчи бёлюк биринчиси англатагъан ишни себебин гёрсете;



БИЗИН ТИЛ

В – бёлюклени маъналары къаршы геле.

94. Тюпде берилген жумланы бёлюклерини маъна аралыкъларын белгилегиз:

Кёк кёкюрей – ер титирей. (Айтыв.)

А – маъналары къаршы геле;

Б – агъвалатлар чалт алышина;

В – экинчи бёлюк биринчисини маънасын толумлашдыра.

95. Тюпдеги жумланы бёлюклерини гезигин алышдыrsa, не болажакъ:

Салкъынлашды: ахшам болду.

А – бёлюклени маъна аралыкълары алышина;

Б - бёлюклени маъна аралыкълары алышинымай;

В – ерлерин алышдырмагъя ярамай.

96. Жумлада бёлюклени ерлерин алышдыrsa, токътав белгилери алышиныамы:

Салкъын тюшдю: ахшам болду.

А – алышина; (Ахшам болду – салкъын тюшдю).

Б – алышинымай;

В – токътав белгиси тюше.

97. Тюпдеги жумланы схемасын табыгъыз (токътав белгилер салынмагъан):

Ол мени къолумну алды ва машинни канзисине абат басды ону он адам да токътатып болмажакъ эди неге тюгюл хасияты шолай. (К.Абуков.)

А – [] ва []; [], ();

Б – []; [], [];

В – []; [], ().

98. Тюпдеги жумланы схемасын табыгъыз (токътав белгилер салынмагъан):

Исбайы боюнг-союнг

Къарагъан тоймас йимик

Тек анангдан къоркъаман

Бир болма къоймас йимик (сарындан)

А – [], (), тек [], ().

Б – (), (); тек [], [].

В – []: (), тек () – [].

Тувра сёз

99. Тувра сёзю булангъы жумлада салынагъан токътав белгилени гёрсетигиз:

Дюньяда гъар заман берекет болсун, инсанланы арасында татывлулукъ болсун деп, ол сёзюн бёлдю Сиз мунда не ишлейсиз деп сорады. (И.Казиев.)

А « , – . – ?» – . Б « », – « ?» – . В « , – « ?», – . Г « » – : , – .

100. Тувра сёзю булангъы жумлада къолланагъан токътав белгилени тюз схемасын гёрсетигиз:

Оласта булан Сакинат, юрю чю гюлбаргъя, айтагъан сёзюм бар деп, юрюп йиберди Шо сени эринг, мени абзарымны эки ягъина гелип, ийислеп айлана (И.Казиев.)

А « : , – , ». Б : « , – . – ». В « , – ». « ». Г : « , ». – ».

Текст

101. Жумлаланы байлавлу текст болагъан күйде нечик ерлешдирме герек:

1. Йиберген булан не пайда!

2. Арадан эки гюн гетген сонг, ГЭС сувну йиберди.

3. Баягъы, Солакъ къара лайгъя айланды.

4. Уьстевюне уруп кёк тешилген йимик янгур да явса!

5. Урлукъ салмагъя онча ёл юзюп гелген балыкъны булгъанчыкъ хатирсиз ташгъын денгизге къайтарды. (И.Казиев.)

А – 3, 4, 2, 5, 1; Б – 1, 3, 4, 1, 5; В – 2, 4, 5, 3, 1;
Г – 2, 1, 4, 3, 5.

102. Жумлаланы байлавлу текст болагъан күйде нечик ерлешдирме герек:

1. Бу иш, озокъда, врачгъя соралып, ону ихтиярына гёре этилди.



2. Оъзюню къаны ону къаны булан къыйышгъанны билгенде Къурман ери ёкъ күйде шат болду.

3. Къурман къан берген сонг, бираз заман ятып турду.

4. Ол къанын алма герекли дозадан эс артыкъ берди.

5. Больницаны эшигинден ол иржайгъан күйде чыкъды.

6. Адамлар ону къуршадылар. (И.Казиев.)
А – 3, 4, 1, 2, 5, 6; Б – 2, 3, 4, 1, 6, 5; В – 3, 4, 1, 2, 5, 6.

Стилистика

103. Тюпдеги текст къайсы стилге гире:

Гюзню сувукъ гюнерини бири, кёкню алашаракъ булут басгъан, бир- бирде тавну артындан гюнню йылтыны гёрюне. Аякъ тюпде саргъайгъан япыракълар халчадай яйылгъан.

Къучакъласа, къучакъ етмесдей, салкъынында он гиши ял алагъан бийик тереклени ялангъач бутакъларына къонгъан жымчыкълар чарнай.

Разият пашман иржайды, къушланы чарнаву эсделиклер тувдурду.

(У.Мантаева.)

А – хабар (яшавлукъ); Б – чебер; В – публицистика; Г – илму.

104. Тюпдеги текст къайсы стилге гире:

Тюрк тилни бутакъларындан бириси болгъан къумукъ тил Темиркъазыкъ Кавказда яшайгъан къавумланы тиллерини арасында биринчиликни алып токътагъан. Тилни уйренивню натижасында къумукъ къавумну хоншусунда яшайгъанлагъа ондан таба Европа англавланы яймагъа ва шолайлыкъда Кавказ къавумланы къатлавларына Европа пикрусун етишдирмеге имканлыкъ бережек. (И.Р.Адамов.)

А – хабар (яшавлукъ); Б – чебер; В – публицистика; Г – илму.

105. Тюпдеги текст къайсы стилге гире: Ахырда тав якъдан шагъаргъа багъып гюлледей болуп гелеген бир юк машин гёрюндю. Огъо – гъой, халкъны башына тюшюп гетген гъал, анасын саттыхым! Гъар кес машинни алдына багъып созула, къычыра, орамлар булан биревлер «алып къой хари» деп тилей. Тек нечакъы къол гётерип, «тавуш берип» турса да, шофёрну олардан аварасы болмады. Кабинкадагы хоншусу булан сёйлейгенин сама бёлмей, ольтюп гетип къалды хари, жагъаннемге тюшюп геттир. (И.Хамав.)

А – хабар (яшавлукъ); Б – чебер; В – ишлик; Г – публицистика

(Давамы гелеген номерде)



Эт хуртланса, туз себер, туз хуртланса, не амал?

2013-нчю йылда Россияны илмулар академиясыны Дагъыстан илму центрыны тил, адабият ва инчесаният Институтуны Алимлерини советини къарапы булан «Къумукъча-орусча сёзлюк» басмадан чыкъды. 30 мингден де артыкъ сёз къуршалған бу сёзлюкте артдагы йылларда бир нече сёзлюкнү онгарып («Орусча-къумукъча сёзлюк», 1997 й.; «Къумукъ тилни орфография сёзлюгю», 2005 й.; «Орусча-къумукъча терминлер сёзлюгю», 2006 й.; «Къумукъ айтывланы ва аталар сёзлерини англатыв сёзлюгю», 2012 й.) басмадан чыгъарған белгили лексиколог Б.Г. Бамматов редакторлукъ этген. Сёзлюкнү онгарғанлар – оғзю Б.Г. Бамматов (22 гъарп булан башланагъан сёзлюк статьяланы онгарған) ва филология илмұланы доктору, профессор Н.Э. Гъажиагыматов (11 гъарп булан башланагъан сёзлюк статьяланы онгарған). Филология илмұланы доктору, профессор Оълмесов Н.Х. ва бир гесек алдын арабыздан гетген филология илмұланы кандидаты Ф.А. Муратчаева сёзлюкнү ишинде рецензентлер гъисапда ортакъчылыкъ этген. С.А. Дулиева шону редакция-техника яны булан байлавлу ишин күтген. 500 санавлукъ тираж булан чыкъгъан «Къумукъча-орусча сёзлюк» бир аз заманны ичинде сатылып да битген, гъали шону ахтарағанлар буса оғтесиз кёп.

«Ёлдашны» бу йылны июнь айыны 28-ндеңи 24-нчю (14138-нчи) номеринде газетни мухбири, шаир Абдулла Залимхановну «Сёзлюкге сёз ёкъ» деген баш да салынып, оғзюнү гъакъында лакъыр юрюлюп турған сёзлюкге багъышланған макъаласы чыкъды. Макъаланы атындан да гёрюнүп турғанын йимик, А. Залимханов сёзлюкке яхши къыймат бере. Тюзю, макъалада шонда ёл берилген бир нече кемчиликтер де эсге-

риле, шону тизгенлөгө бир тюрлю таклифлер де айтыла. Амма А. Залимхановну «Къумукъча-орусча сёзлюк» бакъған якъдагы «сёзлюкте сёз ёкъ» деген янашыву булан толу күйде рази болма къыйын. Неге экенин буса, далиллэр гелтире туруп, ачыкъ этме къарайыкъ.

«Къумукъча-орусча сёзлюк» тез заманны ичине сатылып битгенлик булан байлавлу болма ярай, Россияны илмулар академиясыны Дагъыстан илму центрыны тил, адабият ва инчесаният Институту шону дагы да къайтып басмадан чыгъарма токъташған. Сёзлюкнү янгы тиражын басмадан чыгъарғанча, эсгерилген Институту директору бизге шону охуп чыкъмакъыны, къутгъарылған хatalарын тюзлеп онгармакъын таклиф этди. Алданокъ эсгерип къойма сюебиз: сёзлюкнү охуй туруп, шондагы хatalаны, тюзсюзлюклени кёплюгюне гайран болуп къалдыкъ. Китапларда, газетлерде, журналларда хatalагъа ёл берилип къалса да, нечик де бир эпге геле (озокъда, шоларда да хatalагъа ёл берилмесликин нечакъы бола буса да дайм гайын этип турма герек), сёзлюклерде буса шолар бирдокъда болма тюшмей, неге тюгюл де, белгили күйде, сёзлюклени аслу мурады – адамланы тюз язма, тюз сейлеме, сёзлени маъналарын тюз англама, шоланы тюз къоллама уйретмек (макъалагъа «Эт хуртласа, туз себер, туз хуртласа, не себер» деген ат да баш этилип негъякъ салынмагъан). Гъали «Къумукъча-орусча сёзлюкдеги» шо хatalаны, тюзсюзлюклени бир тюрлю низамгъа салып сёйлейик.

1. Хatalар, тюзсюзлюклер сёзлюкнү аннотациясындан, оғзар язылған баш сёзденокъ ёлукъма баштай. Масала:

- Россияны илмулар академиясы учреждение (болма герек: Россияны илмулар

академиясыны учреждениеси – 1-нчи бет);

- Кумыкско-русский словарь подготовлен ордена Институтом языка, литературы и искусства им. Г. Цадасы Дагестанского научного центра Российской академии наук (болма герек: Кумыкско-русский словарь подготовлен ордена «Знак почёта» Институтом языка, литературы и искусства им. Г. Цадасы Дагестанского научного центра Российской академии наук – 3-нчю бет).

• Сёзлюкте язылгъан баш сёзде эсгиленген маълуматлар бериле. Масала, къумукъланы санаву эсгериле туруп, 2002-нчи йылда ойттерилген халкъны гъисабын алывну маълуматлары бериле ва оланы санаву «420 минг адамдан артгъан» деп эсгериле – 4-нчю бет. 2013-нчю йылда басмадан чыкъгъан сёзлюкде артда ойттерилген, демек 2010-нчу йылдагъы халкъны гъисабын алывну маълуматлары берилме тюшмейми дагъы? Шо маълуматлар кёпден белгили чи. Шо саялы да халкъыбызын санаву 503 мингден де артыкъ деп эсгерилме тюше эди.

• 1848-нчи йылда Тифлис шагъарда къумукъ тилни биринчи грамматикасын басмадан чыгъаргъан Г. Макаров (болма герек: Т. Макаров – 4-нчю бет) деп эсгериле.

• Сёзлюкню онгаргъанланы бириси Н.Э Гъажиагъматов «Дагъыстан пачалыкъ университетни дагъыстан филология факультетини деканы» деп эсгериле (4-нчю бет). Бу маълумат да эсгиленген, неге тюгюлде ол 2009-нчу йылдан берли Дагъыстан пачалыкъ университетни филология факультетинде теория ва практика лингвистиканы кафедрасыны заведующийи болуп чалыша.

• Сёзлюкню лап ахырында да хатагъя ёл берилген: Кумыкско-русский словарь (болма герек: Кумыкско-русский словарь).

2. Къумукъ сёзлерде кёп санавда хatalар ёлугъя:

- гюндөнгүн (болма герек: гюндөн-гүн – 23-нчю бет);
- бакъчалар (болма герек: бахчалар – 74-нчю бет);
- явчапгъандай (болма герек: яв чапгъандай – 247-нчи бет);
- мельтеклик (болма герек: мелтеклик

– 272-нчи бет);

- мюлкнү (болма герек: мюлкнү – 281-нчи бет);

• орлев (болма герек: оырлев – 302-нчи бет);

• тавча юйде (болма герек: тавча уйиде – 369-нчю бет);

• туркмен, туркменче (болма герек: тюркмен, тюркменче – 404-нчю бет);

• яхшымылар (болма герек: яхшылармы – 423-нчю бет);

• автомобильни (болма герек: автомобильни – 425-нчи бет);

• чабув (башлапгъы уыч маънасында болма герек: чабыв – 437-нчи бет);

• ёнгурчгъа (болма герек: ёнгурчкъа – 441 бет);

• эрменича (болма герек: эрмениче – 471-нчи бет);

• ичяв (болма герек: ичъяв – 478-нчи бет);

• къолявлукъ (болма герек: къолъяв-лукъ – 478 бет);

• яла ябувчу (болма герек: ялаябывчу – 483 бет);

• яла япмакъ (болма герек: ялаяпмакъ – 484-нчю бет);

• эки янсыллы (болма герек: экиянсыллы – 488 бет);

• олар экиси де саламлашдылар (болма герек: олар экевю де саламлашдылар – 332-нчи бет);

• ассалам-алейкум (39-нчу бетде язылыши бир күйде бериле), ассаламалейкум (88-нчи бетде буса башгъа күйде бериле);

• ветеранлар бизде гюреметленеген адамлар (болма герек: ветеранлар – бизде гюреметленеген адамлар – 134-нчю бет);

• бу ерлер мен таныйгъан ерлер (болма герек: бу ерлер – мен таныйгъан ерлер – 376-нчы бет);

• Москва бизин уылкени юргеги (болма герек: Москва – бизин уылкени юргеги – 476-нчы бет).

3. Орус сёзлерде де кёп хatalар къаршылаша:

- автомобиль (болма герек: автомобиль – 6, 9-нчу бетлер);





лёнок» къумукъча «гидив» бола – къара: 112-нчи бет);

- геме – пароход (болма герек: корабль – 106-нчи бет);

- тил илмуланы доктору – доктор филологических наук (болма герек: филология илмуланы доктору – 142-нчи бет);

- тил илмуланы профессору – профессор филологии (болма герек: филологияны профессору);

- забур – псалом – 158 б. (болма герек: псалтырь – 158-нчи бет);

- Таргъу юрт Магъачкъалагъа къарай – посёлок Тарки относится к Махачкале (220-нчи бет);

- опуракълар къурой – бельё сохнет (болма герек: одежда сохнет – 244-нчи бет);

- сюннет намаз – необязательная молитва (болма герек: желательная молитва – 283-нчи бет);

- миллет округ – национальный округ (болма герек: милли округ – 292-нчи бет);

- сай сув – мелководная река (болма герек: сай ойзен – 330-нчи бет);

- сакълав – ожидание (331-нчи бет);

- оланы аралыгъы бара-бара сувукълашгъан – близкие отношения между ними постепенно охладели (болма герек: оланы ювукъ аралыкълары бара-бара сувукълашгъан – 355-нчи бет);

- биз сыйланып гелебиз – мы были в гостях, где нас хорошо угостили (болма герек: биз къонакълыкъда сыйланып гелебиз – 359-нчи бет);

- гёз тиймек – сглазить кого (болма герек: подвергнуться сглазу – 393-нчи бет);

- хас тон – соболиная шуба (болма герек: киш тон – 400-нчи бет);

- созукъ авазланы тувлунуву – образование гласных звуков (болма герек: возникновение гласных звуков – 402-нчи бет);

- ол уруп тырпыллатып къойду – он его ударил и тот упал и начал тряпыхаться (болма герек: ол оғъар урду, ол да йыгъылып, тырпылап къалды – 408-нчи бет);

- тюз хабар – верные (достоверные) известия (болма герек: тюз хабарлар – 409-нчи

бет);

- эчки ашагъанны башында от янар – букв. кто съел козла, у того на голове шапка (болма герек: ... огонь ... – 420-нчи бет);

- кюлкюлю хабар – юмористический рассказ (болма герек: смешной ... – 427-нчи бет);

- бисмилла этмек – отведать, попробовать (болма герек: приступить (к приёму пищи) с молитвой) – 473-нчи бет);

- ягъуди – еврей // еврейский (болма герек: иудей // иудейский), ягъудиче – поеврейски (болма герек: по-иудейски – 479-нчу бет).

7. Къумукъча айтылмайгъан сёз тагъымлар ва жумлалар ёлугъя:

- гемени гёммек (болма герек: гемени батдырмакъ – 106-нчи бет);

- сийрек табулагъан китап (болма герек: сийрек ёлугъагъан китап – 346-нчи бет);

- тутукъ тавуш, тилни тавушлары, эринли тавуш, эринсиз тавуш, сангырав тавуш, янгирав тавуш (болма герек: ... аваз – 369-нчи бет);

- хабарсыз тас болгъан – пропавший без вести (болма герек: белгисиз тас болгъан – 381-нчи бет);

- сизге тийип гетербиз – попутно и к вам заглянем (393-нчи бет);

- тил уюрлери – части речи (болма герек: жумланы уюрлери – 393-нчи бет; тилники буса гесимлери бола);

- яшлар уйню тюбюнде ойнайлар – дети играют на полу (болма герек: яшлар жабарда ойнайлар – 409-нчи бет);

- терекни тюбю – корни дерева (болма герек: терекни тамурлары – 412-нчи бет);

- ол сени эркинлигингде – это в твоей власти (болма герек: шо сени ихтиярынгда – 471 бет);

- сени яшавунг мени къолумда (болма герек: ... къысматынг ... – 494-нчи бет).

8. Бир сёзге англатыв берилгенде, шо сёз булан аралыгъы ёкъ мисаллар гелтирилип къалагъан гезиклер къарышылаша:

- бармакъ – жыйын бугюн де юрюле (54-нчи бет);

- Солакъны суву Каспий денгизге тёгю-



ле (54-нчю бет);

- мыйыкъ – ашлыкълар къылчыкъ чыгъарып тура (280-нчи бет);
- садагъа – ойлюню эливашины бермек (329-нчу бет);
- сакълав – арив гюнлени къаравуллав (331-нчи бет);
- сюек – ийлик май (364-нчю бет);
- танымакъ – яманны яхшыдан айырып билмек (376-нчы бет);
- таракъ – хоразны кекели (378-нчи бет);
- тартмакъ – ичине гъава алмакъ (380-нчи бет);
- тизим – согъан хасилер (392-нчи бет);
- толтурмакъ – тапшурувну күтмек; ишни күтмек (399-нчу бет);
- тутмакъ – ислам динни юрютмек (405-нчи бет);
- эки шагъат герек – бабушка надвое сказала; вряд ли, едва ли (болма герек: нужны двое свидетелей – 458-нчи бет);
- эр – эрнине эр мыйыгъы битмеген (470-нчи бет).

9. Бир-бир сёzlени бары да маъналары берилмей къала:

- амин («преданный» деген маънасы берилмеген – 32-нчи бет);
- оъзтерече («специфический» деген маънасы берилмеген – 300-нчю бет);
- сардар («наместник» деген маънасы берилмеген – 337-нчи бет);
- себелемек («дать очередь» деген маънасы берилмеген – 341-нчи бет);
- семиз («плодородный» деген маънасы берилмеген – 341-нчи бет);
- таварих («летопись» деген маънасы берилмеген – 368-нчи бет).

10. Аваздаш сёzlер кёп маъналы сёzlер йимик берилип къала:

- алгъя1 – вперёд, алгъя2 – клетка (для телят, ягнят в коровнике, овчарне) (28-нчи бет);
- сайланыыв1 – выбирание, избрание; сайланыыв2 – обмеление (330-нчу бет);
- «тюзлюк» деген аваздашланы эки тюрлю маънасы бир-бириндөн тюз айырылып гёрсетилмеген.

11. Бир-бирде айрыча хас маънасы булангъы сёzlер бир тамурлу сёzlеге багъышлангъан сёzlюк статьяланы ичинде берилип къала: аювъюзюм (45-нчи бет); сокъуричек, сокъуручычкъан (350-нчи бет).

12. Бир сёznю тюрлю-тюрлю язылышлары ёлугъа:

- анкабут (33-нчю бет) – гъанкабут (128-нчи бет);
- Ер юзю (148-нчи бет) – Еръюзю (149-нчу бет);
- караим, караимли, караимче (180-нчи бет) – къарайым, къарайымча (218-нчи бет; «къарайымлы» деген сёз буса мунда неге буса да берилмей къалгъан).

13. Бир-бир сёzlер сёzlюк статьяларда мисаллар гъисапда ёлугъуп къалса тюгюл, шолагъа оъзлеге багъышлангъан хас статьялар ёкъ: лопатканы чыргъа тиремек (395-нчи бет); янги картошка (487-нчи бет); «тун» деген «тум» деген сёздөн англатылагъанда йимик гёрсетилген, сёzlюкде буса шолай сёз берилмеген (403-нчю бет).

14. Орус тилден гелген сёzlени язылышында бирлик ёкъ. Масала, бир бетде берилген «шрапнел» деген сёznю къумукъча журасы йымышакъ белгисиз бериле, «штапель» деген сёznюки буса йымышакъ белги булан бериле (465-нчи бет).

15. Тил булан байлавлу терминлени къолланышында бирлик ёкъ. Масала, синоним, омоним, антоним, падеж йимик терминлени орнуна маънадаш, аваздаш, къаршыдаш, гелиш деген терминлер къабул этилгени ва шолар охутув китаплагъа гиргени кёп бола, шо саялы да шоланы къоллап сёйлеме тюшедир.

16. Сёzlюкге берилген къошумларда да кёп хаталар ёлугъа. Масала:

- койсу – (болма герек: Койсу – 498, 501, 502, 504-нчю бетлер);
- Гаджидада с., Гаджимажагаторт с. (болма герек: Аджидада с., Аджимажагаторт с.– 500-нчю бет);
- канал им. Октябрьской Революции (болма герек: канал им. Октябрьской революции – 503-нчю бет);
- Оыр Къарна й ю. – (болма герек: Оыр

Къарнай ю. – 503-нчю бет);

- Оьтемиши с. (болма герек: Утамыш с. – 503-нчю бет);
- Сулейман Стальск район (болма герек: Сулейман Стальски район – 504-нчю бет);
- Таркитав г. (болма герек: Таркитау г. – 504-нчю бет);
- Чарада с. (болма герек: Чарода с. – 506-нчы бет);
- Буйнакск район (болма герек: Буйнакски район – 506-нчы бет);
- оркий (болма герек: ойрткий – 508-нчи бет);
- Гюсейин (болма герек: Гьюсейин – 512-нчи бет);
- Гюсен (болма герек: Гьюсен – 512-нчи бет);
- Олмес (болма герек: Ольмес – 516-нчы бет);
- Муъминат (болма герек: Мукминат – 521-нчи бет);
- Умурахил (болма герек: Умурахиль – 522-нчи бет) ва ш.ов.

* * *

Бу ойрде эсгерилген кемчиликлер «Къумукъча-орусча сёзлюкню» янгы тиражында тюзелтилип чыкъма герек. Шолай болгъян сонг: «Негер тарыкъдыр дагъы шоланы гъакъында язып чыкъма?»- деген сорав тувлунма бола. Биринчилей, шо кемчиликлери булангъы сёзлюкню 500 санавлукъ тиражы яйылып, халкъны къолуна тюшюп битген, шо буса башгъа аз санав тюгюл. Экинчилей де, биз ойлашагъян кюйде, тил йимик бек агъамиятлы масъалалагъа бакъгъан якъда гъайсызлыкъ, жавапсызлыкъ, немкъорайлыкъ йимик терс янашывлагъа бирдокъда ёл берилме тюшмей. Шолай янашывлар буса ана тилибизде чыгъагъан газетлеребизде, журналларыбызда, китапларыбызда, гъатта ана тилибизге багъышланып язылгъан илму диссертацияларда да баргъан сайын кёп сезилеген болуп бара. Шоланы алдын алмакъны гъайын этмесе бирдокъда ярамай.



Ибадулла ГЬАЖИЕВ,
муаллим, тил ахтарывчу,
Хасавюрт шағыар

ТИЛНИ ТАЗАЛЫГЪЫ УЧУН

Гъар адам сёйлевүнде бир-бир сёзлени бирдей авазларын дурус сакъламайгъаны бизге аян зат, ихтияры да бар – олайлыкъ авуз тилни язывидан эсे башгъалыгъы барны исбаттай. Нечик сюйсек айтайыкъ, тек язылышда тилни орфография талапларын сакълама борчлубуз. О талаплар тилни низамда сакътай.

Орфографияны аслу талабы – сёзню тамурун сакъламакъ.

Гъар бир затны дуруслугъун ачагъанда ону тамуруна, кюрюсюне къарама ва огъар асасланма тюшедири.

Орусларда шо гъакъда гъакъыллы, бек дурус айтылгъан «Во всём зри в корень» деген айтыв бар. Шо орфографияны ва морфологияны аслу талабы болуп да токътай.

Энни мекенли мисалларда токътайыкъ.

Бичакъ ва бычгъы бу эки де алат бирдей агъачны, такътаны, таякъны гесеген, бичеген алатлар, шолай болгъанда, бычгъы деген сёз де (сингармонизмни таъсирине иерген) – бичгъы деп язылма герекли чи.

Бирдагъы мисал.

Итти ва уттю. Шо сёзню къардаш топлавуна къарайыкъ. Уттю, утторгю, утторюк, утторгюч (утторгю къартыкъ – кулёк, утторгю папах – уттю башлы папах). Бу сёзлени барысында да уттю учлу деген ортакъ, умуми маъна бар. Шолай болгъанда, итти дегенни орнунда уттю деп яза бусакъ, къыйышывлу болмасмы эди?

Дагъы да: агълю ва агълу. Кёбюбюз бу сёзлени ерсиз, онгсуз, янгылыш къоллайгъан гезиклер ёлугъя. Агълю – ожакъ уьюрлер, ата-ана ва иерченлер кюлпети (семья); агълу демек буса – не эр, не къатын, олжа деген маънада. Анабыз (жаны женнетде болсун) шо сёзлени агъабыз янгылыш къоллайгъанда, ону тюзлейли бола эди. Себеби шулай: ону агълусу оылген демек: не эри, не къатыны оылген демек бола. Оланы агълюсю оылген десек, агълю кюлпет бары да, савлай иерченлери, уьюрлери оылген, бары да тюбюкъара-дан къырылгъан демек болуп къала чы.

Дагъы да шолай мисал: орнун басар ва орун басар. Сёзлюклеризде орунбасар деген сёз – заместитель деп бериле, англатыла ва шо себепден, тамаша тюгюлмю, олагъа бек инанып, таянып, муаллимлер де, журналистлер де, язывлар да шо къайданы шо маънада къоллама да къоллайлар. О буса тилге уллу кемчилик, зайыпликъ. Неге? Неге тюгюл де, орну демек – бир затны ерлешген, бийлеген ери демек, орун буса – шо орнуну бир ерин бийлеген зат (постель). Биз барыбыз да билеген йимик, орунну да орнулары: не жабар, не тахтемек, не диван, не карават.

Начальникни де, ону заместителини де орну буса – стол артдагъы шанжал, саны бийлеген ер. Гъасили, орунбасар демек – орунун басар, таптар, орунунда эретурар – наступить на постель демек болуп къала.

Орнунбасар демек буса – заместитель демек болуп токътай. Оъзенни орну – русло реки, станокну орну – станица ва б.

Бирдагъы мисаллагъа гелейик: къайната, къайнана, къайнулан, амма неге буса да – къайын къыз. Бу гезик де сёзлюклер авторларыбыз бир къайдада, бир правилогъа асасланып, бирдей язылма герекли сёзлени оъзлер сюйген куюйде берегенлик бар.

Текстден тышда шо сёзлени алып къарасакъ, олардан бек эрши, гелишсиз (нонсенс) маъналар чыгъя: къайната – кипятит, къайнана ана (амалсыз ана) – закипи, мать. Амма къайынкъызы дурус язылып, олардан барындан да абурлу, сыйлы да болуп токътай.

Бу сёзлени дарсда яшлагъа тамурларын айырып языгъызы десе, олагъа не гъал тюшежекни де ойлама герекли болур.

Савлай, умуми алгъанда буса, бу сёзлер: къайын ана, къайын ата, къайын улан, къайын къыз, къайын къардаш, ювукъ, йыракъ къардашдай, айрыча язылмагъа герекли сёзлер.

Булай мисаллар дагъы да, дагъы да бар.

Ибадулла Гъажиев муаллим, пенсионер.
Хасавюрт шағыар

Юсуп ИДРИСОВ,
тарихи илмұланы кандидаты

Къумукъ топонимика – тарихибизни ачғычы

Дюнья инсанны янгыз тувгъан еринден къайры, Россия география жамиятыны чалышывчусу Н.И. Надеждинаны айтывуна гёре, о – адамланы тарихи география атлар булан язылгъан ер.

География атланы уйренеген-ахтарагъан илмугъа топонимика деп айтыла. Къумукъ топонимиканы гъакъындагъы мени ойларым «Бизин тил» деген журналны охувчуларыны тергеүөн тартар деп эсиме геле.

Къумукълар, табиаттъа жанлы заттъа йимик къарап, оғъар тишили болагъан, къыйышывлу кюйдеги жанлы предметтеге йимик янашып атлар тагъа гелгенлер. Тавну лап бийик ерине – тавну башы, бираз тёбен янына – бет, дагъы да энишине – къол, къысыкъ ерине буса – авуз, бийик ерлеге – аркъа, аркъалыкъ, сокъмакъгъа – боюн, денгизни къуругъа – ичге гирген ерине къолтукъ деген атлар такъгъанлар. Булай терминлени Мажалисден башлап Моздок райондагъы Къызлар деген юртдагъы къумукълар къоллайлар. Бу гъал буса бизин ата-бабаларыбыз дюньяны бир йимик гъислей болгъанны белгилей.

Ахтарывларыбызыны Къумукъ тюзню лап уллу география (термин) атларындан башлайыкъ.

Бизде къумукъланы топурагъына Къумукъ деген айтыла гелген. Къумукъ тюз деген топоним де бизге яхшы белгили. Шамхал бийни тарихине гёз къаратайыкъ. Къумукълар оғъар Шамхал уллу, уланларына берилген топуракъланы бирине Баммат-улу ва Махти-улу дегенлер, оруслар буса о атланы оызтөрече Бамматули ва Мехтули деп алыш-

дыргъанлар.

Темиркъазыкъ Кавказда Борагъан деген топоним генг кюйде яйылгъан. Железноводск шагъаргъа балкъарлар Борагъан дейлер. Шолай аты булангъы юрт Мычыгъыш Республикада да бар. Хасавюрт районда Борагъангечив деген юрт, Эндирайде Борагъанавул, Къарабудагъентни ва Аданакъыны арасындагъы ерге де шолай айтыла, Къазанышны ювугъундагъы тавгъа да Борагъан, оъзенге де Борагъан оъзен деген айтыла. Гъели юртну ягъасында да Борагъан тёбе бар. Борагъан деген ер Салатавияда да бар.

Бу ат кёп ёлугъагъан ва генг кюйде яйылгъан къумукъ топонимлерден деген гъисап этиле, неге тюгюл «Борагъан» халкъыбызыны гетген асрулары булан байлавлу. Борагъан деген топонимни къумукъланы амалгъа геливю булан да байлама ярай. Шолай топонимлеке этнотопонимлер деген айтыла. Этнотопонимлер Къумукъда: Къараман авлакъ (Магъачкъаланы темиркъазыкъ боюнда), Тюмен (Эндирайдеги, Солтанянгыортдагъы авулланы атлары). Гъайдакъ районда – Тюменлер деген юрт, Гюен сызакъ, Гюен авул, Къанчалы (Буйнакск районда шолай атлы эки къотан бар).

Тюмен – Терик оъзенни боюнда макан тутгъан бийликни аты. Бийлик Борис Годунов пачаны заманында дагъытылгъан, ону халкъы буса Солакъ оъзенни боюна, Эндирайге ва къыбла бойгъа къаичъан.

Гюен – Темиркъазыкъ къумукълардагъы тухумну аты. Он алтынчы юз йылда Гюен бийлик бар болгъан. Оғъар Солтамут бий



башчылыкъ этген.

«Къангалы» деген сёз печенег деген къавумну баш тайпаларыны аты болгъан. Къангалы къавумланы бизин асрулардан кёп арекде бай тарихи болгъан.

Топонимика бизге гетген заманланы пердевион ачма кёмек эте. Бир-бир атларда буса ярыкъ тарихи агъвалатлар гёрме болабыз. Мисал учун: Къумукъда Аксакъ Темирни (Тамерланны) аты булан байлавлу кёп затлар бар. Темиркьюю, Аксакъ Темир-Ору, Темир олтургъан (Таргъуну ва Эндирийни къырыйларында ерлени атлары). Олар Тимур чапгъын этгинче алдын токътагъан ерлер дей. Ону булангъы ябушувну белгиси топонимлерде де сакълангъан. Болгъан агъвалатлар булан Бабаорт райондагъы Бийлер къыргъан деген ер де байлавлу. Олай ат берилмеклик Элдаров бийлени Уцмиев бийлер булан болгъан уллу къыргъыны булан байлавлу. Бабаорт районда дагъы да Яхсай булан Эндирийни дазусу деген ер бар. Мунда сёз дазуланы гъакъында тюгюл, шо юртлар булан байлавлу бийликни ерлери гъакъда.

Ишарты юртну ягъасында Индийский бурунчакъ деген ерге олай ат берилмеклиги Буйнакск шагъаргъа индийский киногъа яшёрюмелер булан барагъан машин хатабалагъга тюшгени саялы.

Бир-бир топонимлени атларында олай яшыртгъынлыкъ гёрюнмей. Оттиренавул – от булан, ток булан ишлейген тирмени булангъы авул, Арба-Боюн-Тёбе – арба ёл. Артдагъы топоним Атлыбоюнну ягъасындагъы тав ёлгъа айтыла. Башлыгент – бу савлай Гыйдакъыны баш юрту болгъан саялы булай атгъа лайыкълы болгъан.

Кёп-кёп юртлар овзлени къургъан адамлары-бийлени атлары булан байлавлу: Хасавюрт, Албёрюгент, Бабаорт, Къарабудагъент, Муслимавул, Халимбекавул, Гьюсемигент, Паравул, Алхожагент, Уллубийавул,

Муциловул, Темиравул, Солтанянгыорт, Чонтавул, Байрамавул, Боташорт, Генжеавул, Адильянгыорт, Хамаматорт, Умаротар, Къазакъмурзаорт, Гъамзаторт, Тотаорт, Хамаворт, Ибрагымотар, Минай татавул. Къумукъда булай топонимлер кёп ерлер булан байлавлу. Шо буса ерлеге биринчи къазыкъ къакъыгъанлагъа абур этив, загъматына сый берив бола.

Хасавюрт шагъарны аты кёстекли бий Хасав Гъамзаевден баш ала. Ол Эндирийни топурагъында гиччирик юрт къура. О юрт Эндирий бийликни виляятында болса да, овзашына иш гёреген, биревге де таби болмайгъан бийлик болгъан. Бир-биревлер Хасавюртнү атын яхсайлы Хасай Уцмиев булан байлама сюелер. Тек амма юрт къуруулагъан вакътиде Хасай кёп гиччи болгъан ва охумакъ учун тыш пачалыкъда яшай болгъан. Эндирий бийлер овзлени топурагъында юрт къурмагъа яхсай бийлеге ихтиярлыкъны бермежеги гъакъ зат. Гетген йыл Хасавюрт къуруулгъанлы 190 йыл тамамланды, эгер бизин тархыбыз биринчи къумукъ юртну аякъгъа туруувундан баш ала буса. Тек неге буса да тарх шо юртну ягъасында рус беклиги къурулгъандан туруп санала. Хасавюрт овсе турup, эки яндагъы Сувукъ пуршумукъ, Танай юрт деген ерлени ва 1930-нчу йылда Балжуртну овзюню территориясына ала.

Къарабудагъентге юртну къургъан Къарабудагъыны аты къюолгъан. Бабаортну аты Къапланов бийлени ювукъ адамы Баба Сейитов булан байлавлу. Бабаорт хоншудагъы Магъаммат кёпюр ва Къапланорт деген юртлар биригип аякъгъа тургъан. Паравул жюнгютейли бийни къызы Пари бийкеге тюшген Тогъаслар деген къотангъа къюолгъан ат. Гьюсемигентге отемишли бий Гьюсенбекни аты къюолгъан. Он сегизинчи юз йыллыкъдагъы документлерде Гусен – Би – Кент деп юрюле болгъан. Къумукълар айтма тынч

болсун деп, йымышатып, Гьюсемигент деп къойгъанлар. Ханмагъаммат Уцмиев Терек сувну суvu ташыгъанда юрутун гёчюрюп, гъалиги Хамаматюртда макан тута. Хамаматюртну ягъасындан Манай Алибековну аты къоюлгъан татавул оьте. Белгили шаир, этнограф бу татавулну чорнасын оъзю къазгъан. Ондан къайры ол инженерлик касбусу булан яшавлукъ этген.

Шаир Магъаммат Къадиров айтагъан күйде, Алхожагент деген ат Алкъожакъ деген ат булан байлавлу. Къожакъ деген ат къумукълагъа да, къарачайлагъа да генг күйде белгили экенин халкъ авуз яратывчулугъу да ташдыра.

Муцалавул Эндирий бий Чопанны уланы Муцал булан байлавлу. Къазакъмурзаортну эндириели сала оъзден Къарамурза къургъан ва ол Шангерей бийни уланы экени токътاش-дырылгъан. Тотаорт тюмен тухумну старшинасы Тота (Солтан-Али) Дибировну гьюрметине къоюлгъан. Йигирманчы асруну башлары да болгъанча Быкъыйотар оъмюр сюрюп турду. Ол оъзюню атын Быкъый Гъажаматовадан баш ала. Шо бийке къатынны аты Быкъый агъач деген агъачлыкъгъа да тагъылгъан. Люксембургну гюнбатар бетинде 1930-нчу йыллар картада Къара Оъзекге барагъан ёлда Султан-Мут деген ер бар. Бу топоним белгили бийни аты булан байлавлуму неде тюгюлмю, бизге белгили зат ёкъ.

Бир-бир топонимлер адамланы яшавда англатагъан сёзлерден амалгъа гелген, шоланы арасында Шамхал деген ат. Шамхалтирмен, Шамхалянгыорт – Дагъыстанны шамхалы къургъан юртланы атлары. Шолай да Буйнакски райондагъы Кавхан тёбе ва Чонтавулну темиркъазыкъ гюнчыгъар янын-дагъы Авуз-Тархан. Кавхан – бырынгъын тюрк-булгъарланы пачалыгъыны башчысындан сонг экинчи адамы. Шо пачалыкъда барсиллер деген къавумлар яшагъан.

Къумукъ къавум олардан баш ала деп де айтыла. Тархан – VII-X-нчу юз йылларда тюрк къавумлары арасында феодалланы титулу, XVII-IX-нчу юз йыллардагъы бек деген титулгъа teng геле деп гыисаплама ярай.

Ерлени айрыча башгъалыкълары булан байлавну топонимлер де генг күйде белгили. Темиркъазыкъ Кавказда азында эки Кызылар бар. Дагъыстандагъы шагъар ва Темиркъазыкъ Осетияны Моздок районундагъы къумукъ юрт. Кызылар деген сёз – къызыл яр деген маънаны англата. Кызылар шагъарны аты къыз булан байлавлу болгъан эди буса, бу сёз орусча Кызылар болар эди, -лар деген санав къошумчаны йымышатып -ляр деп айтмакъ тишили болмас эди; -лар къошуул-макъыны маънасы янгыз къызыл ярдан баш ала, орус тилде «къ» аваз ёкъ экенге кизляр деген сёз амалгъа геле.

Атлыбоюн – юртну, Уллубийавулну янындагъы тавну аты. Шо юртну ичи булан Шура оъзенни оязындан Таргъугъа элтеген ёл болгъан.

Бабаорт районну топурагъында Акъташ деген гиччи къол бар. Шолай топонимлеге Яхсай, Ташгечив деген атланы да санама ярай. Яхсай – ягъасы сай деген маънагъа парх бере. Гертиден де, эсли Яхсайны орунларына тергев этсек, шо замангъы эсли Яхсай оъзенни эниш ерине, сувну сай ерине ювукъда ерлешген болгъан. Яхсай сувну кёп эниш гетген сайын суву да аз бола, денгизге де этишмей. Гъалиги Яхсайгъа башлап Ташгечив деп ат тагъылгъан болгъан. Олай ат неге тагъылгъанны аты да айтып тура.

Бир-биревлер Яхсайны аты юртну къа-зыгъын къакъгъан адамны аты деп де айтлар.

Алдын заманларда биз Солакъ деп айтагъан оъзенге Къойсув деп айтыла болгъан. Булай ат къайдан гелген, ким такъгъан? Тюрк къавумлар яшайгъан ерлерде булай



атлы сувлар Кыргызстанда, Ростов обласында ногъайлар гёчювюл этип яшагъан ерлеринде де бар. Къойсув деген ат гиччи мююзлю гъайванланы бир ерден башгъа ерге гъайдамакълыкъ булан байлавлу. Совет гъукуматны вакътилеринде къой сиривлени бағыгъан янгыз тавлулар болгъангъа биз уйренчили болуп битгенбиз. Тек тарихи документлер айтагъан күйде, юз йыллар алдын къумукълар да минглеп къой сиривлени яйны иссилигинден къачырып тавлагъа гъайдай болгъан. Бу мердешни къумукълардан тав халкъ къабул этген. Солакъ деген ат къайдан гелген дагъы?! Биз ойлашагъан күйде о сёз – «сувлукъ» – къойлар, гъайванлар сув ичеген ер. Тек шо оъзенни сол яны, сол бутагъы деген ойлар да арагъа чыгъя. Гертилей де, 18-нчи асруда Къойсувну бир айрыгъына Солакъ, биревю айрыгъына буса Аграфан деп айтыла болгъан.

Эндирай, Кёстек, Таргъу, Анжи деген атланы тувлунуву гъакъда нече тюрлю версиялар бар.

Эндирай деген атны ерли адам Индырбий булан, Андрей деген къазакъны аты булан неде индыр деп ашлыкъ басылагъан ер булан, эндере деген огъуз-тюрк сёз – генг къысыкъ булан байтайгъанлар да ёлугъа. Башгъалар буса андирай деген эсти тюрк сёз булан байлавлу деп айталаар.

Къумукъда Таргъу, Таргъутав, Таргъушағъар, Таргъу тирмен, Таргъу сокъмакъ деген атлар бар. Тар деген сёзню маңнасына къара-сақъ, таргъу – тар ери булангы ерни англата. Бир-бир маңлуматларда буса Таргъугъа Инже, Анжи къала, Инже къала дей. Инже – огъуз тилде «къысыкъ бекликни» англата. Инче деген сёз булан тенглещиригиз.

Кёстек деген сёз тюрк тиллерде ёлдагъы пуршавлукъ деген маңнаны англата. Къумукъларда алдан берли Кёстек деп адамлагъа атлар тағыылгъан. Орта асруланы йылнамелерине асасланып, бир-бир алимлер къу-

мукъ юртну аты половец князь Костек булан байлавлу деп айтма сюелер. Тек инкылапдан алдынгъы алимлер Кёстек юртну атын Костя къазакъны аты булан байлагъанына бир далил де ёкъ деп гысап этемен.

Къумукъ топонимиканы ахтарыв ана тилни терендөн билме кёмек этгендөн къайры, лексика байлыгъын толумлашдырма, унтутула барагъан сёзлени арагъа чыгъарма да болушлукъ эте.

Халкъ арада айтыла гелген топонимика булан байлавлу хабарлар да тергевюбюзню тарта. Мисал учун, Эрпели деген юртну аты – эри – пери ругъ батырлыкъны, къоччакълыкъны англата. Гертилей де, бу юртну халкъы он алтынчы юз йылдан тутуп Кавказда къоччакълыкъга айтылгъан. Атлан оъзен деген топоним нечик тувулунгъан? Биревлер уайтагъангъа гёре, бу оъзенни ягъасында ча-вулгъа чыкъын атлы астерлер жыйыла болгъанлар: атлана болгъанлар. Алхожагентлини айтывуна гёре, Таргъуну, Яхсайны ва Алхожагентни къазыгъын къакъынлар – агъа-инилер болгъан. Бу халкъ арада юрюлegen гъеч затгъа асасланмагъан легенда буса да, къумукълар оъз миллетли йыракъдагъыланы да къан булан байлавлу къардашлагъа гысап эте болгъанлар. Шо буса къумукълар Дагъыстангъа IX-нчу юз йылда тав къавумлардан къачып, тюрклеге къошулгъан деген бугътан хабарланы уystюн ача. Бизин оъзюбюзню терен ва бай тарихибиз бар. Шогъар тарихи документлер де, бизин топонимикабыз да, халкъ авуз яратывчулугъубуз да шағыатлыкъ эте. Биз милли тамурларыбызын ва ана тилибизни сююп де, сюйдюрюп де бажарма тарыкъбыз.

Шуну булан къумукъ топонимиканы темасы ябулуп къалмай. Шо буса эсгерилген темагъа гёре пикру алышдырма лап гъажатлы тема.

(Макъаланы орус тилден М. Алимгъажиев гёчюрген)

А. МУГЬУМОВА,
ДГПУ-ну дарс беривчюсю

«...Француз тил булан Европада йимик, Муну булан Азияны башына чыгъып бола...»

Бу сатырланы А.А. Бестужев-Марлинский 1831-нчи йылда Дагъыстанда турагъанда язгъан. «Муну» деп ол татар тилни (демек, ерли къумукъ тилни) айта. Шо ону алдагъы «Татарлар мени сюе, неге тюгюл мен оланы адатларын къабул этемен, оланы тилинде сёйлеймен» деген жумласындан билине.

Бираз заман гетип, ташдырып айтгъанда, 1837-нчи йылны ноябринде, оъзюню ювугъу С.А. Раевскийге Тифлис шагъардан язгъан кагъызында М.Ю. Лермонтов да шогъар ошаш калиманы яза: « Татар тилни уйренме башладым. Ол мунда ва бютюн Азияда, Европада француз тил йимик тарыкъ...»

Экевю де бир заманда деп айтма ярайгъан күйде, Кавказгъа гелген эки орус язывчу, бир-бири булан гъакълашмайлы, бу яндагъы тиллени гъалыны гъакъында бир йимик язгъаны себепсиз болмагъандыр. Шо йылларда «татар тил» деп бары да белгили тюрк тиллеге, айгъай да, татар тилни оъзюн де къошуп, айтыла болгъан. Янгыз Тюркияны тили олагъа къаршы салына болгъан. Бу тиллени барын да тюрк-татар тиллер деп бирлешдири болгъан. «Татарлар» деп, Тюркияны халкъындан къайры, бары да тюркагълю тиллерде сёйлейгенлөгө айтыла болгъан.

Шогъар да халкъланы башгъа-башгъа языв къайдалары ва о заман тюрклени яшавун ахтарағъан орус алимлер шо йылларда адатлангъан күйде, адамлар сёйлөп турагъан жанлы тиллени ахтармай, о тиллерде язылгъан эжелден къалгъан белгилени, хатланы ахтарағъаны себеп болгъан. Шо къастлыкъда башлап 13-14-нчю асруларда Чагъатай улусда яралгъан ортаазия – тюрк (чагъ-

атай тил) «тюрки» тил къоллангъан. Амма, 16-17-нчи асрулардан башлап, тил къайдалар бир-бириinden айрылма башлагъан ва Тюркия оъзюню оъзтёрече тилин къоллама башлагъан. «Тюрки» буса 19-нчу асруну экинчи яртысына ерли де юрюлеген тил болуп, ону башгъа, оруслар «татары» деп ат такъгъан тюрк миллетлер къоллап тургъан. «Тюркини» бир къайдасы халкъара тил болуп, Темиркъазыкъ – гюнтувш Кавказда, шону ичинде Дагъыстанда да, Азербайджанда ва Темиркъазыкъ Иранда къоллангъан.

Эстгерилген эки де язывчу 19-нчу асруну 30-нчу йылларында, Тифлисде турагъан заманында бир муаллимден – гележекде Азербайжанны ярыкъландырывчусу, губернаторну Кансаралыны гюнтувш тиллерден тилмачы, Мирза-Фатали Ахундовдан дарслар алгъаны да себепсиз тюгюл. М.-Ф. Ахундов, оъзюню заманында гюнтувш къайдада лап да алим адамланы бири, - ол не тилге уйретме имканлы? Озокъда шо тил – кавказлы «тюрки», дагъы амал ёкъ, неге тюгюл, азербайжанланы оъзлени адабият тили 19-нчу асруну экинчи яртысында – 20-нчы асруну башында яралып амалгъа гелген.

Шону айта туруп, тюрк тиллени авадан яны бир-бирине ошайгъаны, ва шо себепден оланы къоллайгъанлар бугюнлерде де бир-бири булан енгил лакъыр этип болагъаны гёз алгъа тутма герек. «Тюркини» кюрчюсүндө буса къыпчакъ ва оғъуз тиллени хас аламатлары бар. Лап шо тиллерде сёйлейлер тюрк миллетлени кёбюсю, шоланы арасында кавказ миллетлер де. Азербайжан тил – оғъуз къайдалы. Къумукъ тил къыпчакъ-



огъуз къайдалы. Къарабай – малкъар ва ногъай тиллер – къыпчакъ къайдалы. Шо гъалда, тюрк тиллени къайсын буса да бирин авуз яда языв кююн билмек, гертилей де, Европада француз тил йимик, «Азияны башына чыгъып гетме» де, Кавказдан ойтме де имканлыкъ бере болгъан. Ондан сонг агъвалаттар булай болгъан: А.А. Бестужев-Марлинский Дербентте етише ва шонда Къыбла Дағъыстанны халкъларыны арасында генг күйде яйылгъан азербайжан тилни къоллайгъанлар булан тыгъыс къатнавлары бола, М.Ю. Лермонтов буса – ари-бери кёп атала-нывлардан сонг – Темиркъазыкъ-Гюнтувш Кавказгъа гелип тюшө. Онда буса бары да ерде миллет ара тил болуп, къумукъ тил къоллана болгъан. «Тюргиге» аз буса да уйренген сонг, эки де язывчу артда оъзлер де, къолланып турагъан авуз тиллени имканлыкъларындан пайдаланып, шо тиллеге аслам къошумлукъ этген: биринчиси – азербайжан тилге, экинчиси – къумукъ тилге. Бу айтылгъан затланы гертилигин лап башлап гюнтувш тиллени лексика мердешлерин ахтарыву ташдыра. О да бу эки де язывчуну Кавказ булан байлавлу асарларында эс этиле.

Кюйге къарагъанда, къумукъ тил бирдагъы бир, гёзден тюшген, гёнгюлден чыкъгъан, къысматы бизин янгъа ташлагъан шаирге де ят болмагъангъа ошай. Лакъыр А.И. Полежаевни тъакъында. Шолай тъасил шаирни яратувчулугъун гёз алдан уьстденсув оytгергенде де ясала.

Тек, Лермонтовну да, Полежаевни де тъакъында: бу экевню къумукъ тил булан танышлыгъы болма имканлы деп айта бусакъ, Л.Н. Толстойну тъакъында: орус адабиятны классиги къумукъ тилни къаст этип уйрене болгъан деп, ташдырып айтма болабыз.

Шоғъар язывчуну 1851 йылны 19-нчу августунда гюнлюк тептерине (дневнигне) язгъан языву шагъатлыкъ эте: «...Марканы оъзюме къумукъ тилден муаллим этип сайла

дым...» Ол къумукъ тилни уйренивюн 1851-нчи йылны август айыны 22 ва 23 гюнлериnde, Л.Н. Толстой гъали Чечнядагъы Терекни ягъасындагъы Старый Юртда турагъанда давам этилген. Шо йылны декабрь айыны 23-юндеги язывун охуйбуз: «...Татарча уйренди...» Л.Н. Толстойну къумукъ тилни уйренегенини гъакъында бираз артда язылгъан язывлары да бар (1852-нчи йылны 2 октябринде ва 1852-нчи йылны 15 октяринде).

Кюйге къарагъанда, ону гъаракаты берекетсиз болмагъан. Неге тюгюл де, гележегинде зор орус язывчу 1844–1845 йылларда Къазан университетни философия факультетини гюнтувш бёлюгюню студенти болгъан. Шо янгыз бир йыл охувдан алда буса эки йыл къастлы гъаракат этив, шону ичинде, шо замангъы белгили касбучу дербентли Мирза Къазимбекни ёлбашчылыгъы булан да ва охума тюшегендеги гюнтувш тиллерден экзаменлени гъайран яхши күйде берив де болгъан.

Кавказ дав битген сонг орус тилни баргъан сайын бек яйылагъанына да къарамайлы, къумукъ тил, Къыбла Дағъыстанда азербайжан тил йимик, Гюнтувш Мычыгъышда да, Темиркъазыкъ Дағъыстанда да къолланывларун давам этген. Даргили О. Батырай да, аварлы М. Хуршилов да, лак Э. Капиев де оъзлени бир-бир асарларын къумукъ тилде язгъаны негъакъ тюгюл. «Тюрги» буса 20-нчы асруну 20 –30-нчу йылларында Дағъыстанда хас пачалыкъ тили гысапда къоллангъан.

(Макъаланы орус тилден С. Жаналов гёчюрген)

Къумукъ тюз

«Геч гелгенин къондурдунг»,
 Къумукъ тюз...
«Ач гелгенин тойдурдунг»,
 Къумукъ тюз...
Урушларда къан тёкдюнг,
 Къумукъ тюз...
Яшавунгда тер тёкдюнг,
 Къумукъ тюз...
Геч гелгенлер есинг болду,
 Къумукъ тюз...
Ач гелгенлер – талавурда,
 Къумукъ тюз...
Урушлагъа осал болдунг,
 Къумукъ тюз...
Тер тёкмеге эринесен,
 Къумукъ тюз...
Сонгъу гъалынг не болуркен,
 Къумукъ тюз?..
Халкъ юхуда – уятсана,
 Къумукъ тюз!
Сюйсенг тербен, сюйсенг ярыл –
 бизин ют!
Къулгъа дёнме къойма бизин,
 Къумукъ тюз!
Я, оыр болгъан, сыйлы болгъан
 Аллагым!
Къумукъ халкъым тюз ёлгъа сал,
 языкъсын!
Аталарым къанын, терин тёкген
 Ватаным,
Есси этме Къумугъума къумукъ
 халкъдан башгъасын!



АТКЪАЙ,

Дагъыстанны халкъ шаири

Тенглешдирмек англавну генглешдирмекдир

(Охутувчулагъа да, охувчулагъа да ортакъ масъала)

Къумукъ сындан табаман
Арап тилни дуасын.
Орус тилден сеземен
Къумукъ сёзню маънасын.
Уллу тил кёп тиллени
Сёзлерини хазнасы.
Сёзлер алышынса да,
Тас болмайгъан чоргъасы.
Не тилден экен «деньги?»
Бир зат бир затны тенги.
Не сёз десенг «гонорар?»
Анабашы «гён алар».
«Товар» деген «тувардыр»,
Изле, кёп сёзлер бардыр.
«Лошадь», болма тамаша,
Къумукъ сёз «ат, алаша».
Ариякълар «ёнакъ» дей,
Бериякълар «юмнакъ» дей.
Чыкъгъан ерин билдирме
Экисин де къоймакъдыр.
Тилни бай этмек учун
Гыйсызлыкъны ёймакъдыр.
Тюбюне етмек учун
Чокъунмакъдыр, оймакъдыр.
Конфетагъа «кампет» деп,

Бал татытып айтайыкъ.
Ракетагъа «ракет» деп,
Анвар ёлгъа къайтайыкъ:
«Ракет, ракет –
Кёкге гъаракет...»
Уланы «ракета» дей,
Атасы буса – «ракет».
Къумукъча къысгъа айтса, –
Гъона одур берекет.
Арендагъа «арент» деп
Кёпден айтгъан аталар.
Орусчасы самовар,
Къумукъча яз «сумавар».
Почтагъа поч деп къойгъан.
О ёлда не хата бар?
Тенглешдирсе, яшлар да
Яхши билме эс табар.
Кровать «карават» болсун,
Тизилип, аламат болсун.
Таза къумукъ сёз йимик,
Язылыву шат болсун.
Кёп узатмай токътайман,
Ата ёлну макътайман.
«Гъар тил де – оъзтерече», –
Деп айтмагъа къоркъмайман.



Умразият ЖАБРАЙЛОВА,
Къаягент.

Аткъайны «Тил билдириген тырнавуч» деген йырын охугъанда

Аткъай! Охуп шиърунгну,
Мен эпсиз рази къалдым,
Сагъа кагъыз язмагъа,
Алгъасап къалам алдым.

Рус тил билме сюйгени
Абулайны кёп яхши,
Абулай йимик яшлар
Бизде де бола къаршы.

Адам адам болурму,
Унутса ана тилин,
Зая тюгюлмю, Аткъай,
Огъар берилген билим?

Къумукъ тилни унутгъан,
Рус тилни де билмей ол,
Не тилде сёйлей экен
Берегенлер огъар къол?

Къол да ким берсин огъар,
Тил билмейген гъайгевге,
Анасы тюп-тюз этер,
Гирме къоймаса уйге.

Къатын орус тил билмей,
Эр унугъан къумукъыну,
Бирин бири англардай,
Ким этмели къуллукъыну.

Ана тилин билмесми,
Ана сют ичген гиши?!
Тилни билген кююнде
Болур ону гъар иши.

Ойлап къара, не экен
Тебермей-урмай йыкъыгъан?
Бир-бир учителлерден
Тырнавуч гючлю чыкъыгъан.



М. МИНАТУЛАЕВ,
Тёбен Къазаныш

Ана тилим десем...

Ана тилим десем – анам къаршымда,
Ана тилим сувум да дюр, ашым да.
Сютю булан анам тилин эмдирген –
Юргиме илгъам ва ругь сингдирген.

Сюймей эди анам тили оылгенни,
Оъзю булан бүлбюл тилин гёмгенни.
Башым сыйпап, айта туруп къакъакълар,
Охуй эди магъа булай такъмакълар:

«Бал тилингни-миллетингни гёттерсөнг,
Балам, сен де шо даражада оърдесен»,
Шулай магъа анам этген васият,

Васиятгъа гъакълыкъ – асил хасият.
Тилге янашывдан гъасил халкъыбыз,
Гележекде болажагъы къалкъыбыз.

Яшларыбыз дёнмес учун къуллагъя,
Маякъ болма герекбиз биз олагъя...
Ана тилин эсгик этив, тас этив –
Тилден-элден магърюм къалып яс этив.

Тил оымрюон узатагъан наслулар,
Сингдиреген къангъа бизбиз – аслулар.
Ана тилим десем – анам къаршымда,
Ана тилим сувум да дюр, ашым да.

«Халкъ авуз яратывчулугъуна» язылайыкъ!

«Абусупиан» деген китап издательство къумукъ халкъ авуз яратывчулугъуну – бизин халкъны гъакъыл ва чебер сёз байлыгъыны асарларын жыйып, З уллу том чыгъарма гёз алгъа тутгъан. 3-томлукъну умуми аты – «Халкъ авуз яратывчулугъу», биринчи тому – поэзия, «Къумукъ йырлар», экинчиси – хабар (проза) асарлар, уъчюнчюсю – гиччи асарлар (айтывлар, притчалар, чечеген ёмакълар)... Шо уллу ишни бойнұна алгъан адам да – бизин айтылгъан алимибиз, фольклордан Россияны оылчевюнде белгили касбучу, филология илмұланы доктору Абдулаким Гъажиев. Гъалиге биринчи том басмагъа тапшурулгъан, къалгъанларыны уystюндеге ишленип тұра. Уыч де том Магъачқаладагъы уллу басмаханаланы биринде арив безендирилип чыгъарылма сёйлешинген. Жыйылгъан материалны онгарып басмаханагъа тапшурмакъ бир, тек китап этмек учун көп харж герек болагъаны англашила. Шону учун гъар томгъа айрыча язылыв (подписка) билдирибиз. Биринчи томнұ бағыасы: 1000 манат. ъар берилген манаттагъа шунда ва оызге ерлерде гъисап (отчет) берилежек. Язылагъанлар ва къошум эттеге сюегенлер харжны шу тёбендеги Сбербанкны карточкасына ииберме болалар: 5469 6000 1810 8878 Гарунов Рашид П.

Байлалукъ учунгъу телефон: 8 928 540 2470.



«Бизин тил» деген жамият къурум
«Абусупиян» деген къумукъ китап издательство

БИЗИН ТИЛ

на кумыкском языке

Редактор *Рашид ГАРУНОВ*

Технический редактор *Хабибула АЛХАНАДЖИЕВ*

Набор Лайла *ЗАКАРЬЯЕВА*

Верстка Башир *ЧИТАЕВ*

Художник-дизайнер *Магомед МОЛЛАКАЕВ*



Издательство «**АБУСУПИЯН**»

Редакция булан байлавлукъ тутмакъ учунгъу
телефон номер: 8928-540-24-70
garun-rashid@mail.ru

Подписано в печать 01.11.2017.

Формат 30 x 42 ⁸. Бумага офсетная.

Гарнитура Minion Pro. Печать ризографная.

Усл. печ. 12. Тираж 999.